

中華民國  
新修  
豐順縣志  
第三冊

44330.181

42

部: 13

中國農民銀行總管  
經濟研究室



勝蹟二

邑人李唐介承甫編纂

(四) 寺觀

南山寺在建橋堡離縣二十里宋元祐八年建

羅塞菴在羅家約離縣六十里宋末巡檢羅安建

水豐菴在礮下鄉離縣八十里宋代建

寶林寺在環清堡離縣三十里元代建康熙間舉人吳啓晉重修有曹山六景

詳古蹟類

植福寺在白土村離縣六十里元代建詳金石類

淨水寺在仲坑山寺有鐘刻至元三年康熙乙巳胡海重修詳金石類

蓮花寺在逕心堡明萬曆間建康熙二十八年重修

七娘菴在鄧屋寨山上明隆慶三年西蜀人總鎮郭成建亦稱七聖廟詳古蹟

案七娘凡守獵者皆祀之故近山村落多七娘宮亦稱七聖仙娘所獵獲野獸必祭之而七娘七聖之

祀實始于郭成

積慶寺原在沙田細圍背卽今菴子場是順治十二年參軍楊貞移建沙田圩

豐順縣志

卷十五

勝蹟

一

汕頭歸字局梅縣分局承印

慈祥菴在關隍街崇正間建民國二十年華僑黃展南重修改設慈祥善堂

慶福寺在龍溪社水口順治十年建

保福寺在城北新安嶺吳少師六奇建

園應寺在仙洞鄉順治二年建

東林寺在布心社順治十八年里人楊正修建

龍祖寺在縣東南三里龍山南麓附郭吳氏建詳見名勝龍山秋月

長寧寺在潘田茶亭離縣三十里

福壽菴在犁頭山

西巖寺在湯坑坪城

大半寺在湯坑三門凹下里人丁日昌曾讀書於寺內有木刻聯云古佛又來參五千里外初歸客舊題

何處覓四十年前此讀書今存寺有四官碑記並供奉郭總兵成松諸官粟主

釋迦寺在棠下鄉釋迦菴本明代齋公堂舊址光緒初羅一齋重建

佛泉寺在城南一里吳少師六奇建詳見名勝類古寺溪桃

資福寺在大槩社吳少師六奇建

廣福寺在璜坑社順治間副將鄒瑞建



凌雲守在大樾社

言嶺寺在言嶺關順治間里人王金建

布福寺在布心社

下壩庵在下壩寨離縣七十里

盤石寺在大勝村離縣一百四十里雍正十三年官勝東嚴自勝等建

水口庵在潘田水口離縣六十里

西華寺在馬頭社離縣六十里民國廿年重修

青蓮觀在環清堡萬石岡同治間道士韓道榮負石而居小築數椽日夜坐蒲團修煉辟穀絕粒人稱爲

韓半仙

純陽古洞在黃花村口外離縣八十里光緒間知縣魏紹唐倡里紳建中有陳其昌木刻聯云黃花洞外

留仙蹟丹灶場中救世心宋署撰人名

萬壽庵在湯坑近圩乾隆間黎頭山徐某倡建同治間王晉齊倡修

### (五) 壇廟

社稷壇在縣南二里置縣初建同治七年知縣馮寶封修

風雲雷雨壇 山川壇均在縣東北一里安敦嶺二壇俱高二尺一寸廣二丈五尺周圍築牆四門同治

## 豐順縣志 卷十五

勝蹟

二

汕頭總字局梅縣分局承印

七年邑紳吳翔等呈准改建於北麓

先農壇在縣東北一里門亭三門壇一座高二尺一寸方廣二丈五尺祠殿三間籍出四畝分坐壇前賃

老農吳豐咸耕歲納穀一十三石爲耕籍致祭經費祭品農具備貯祠內乾隆十一年知縣葛際建

關帝廟在南門內前後三堂各三間康熙四年吳少師六奇建置縣初奉文添建後殿 又一在隴隍市

一在金甌寨山巔 一在湯坑市 一在石坑角 一在大田社北溪 一在黃花村溫坑 一在三

十六峯湖渚明代建 一在龍溪社

文昌廟在城內東北隅前後兩堂兩廡嘉慶二十四年縣令王奇雲倡邑紳建令改爲學校 又一在隴

隍官潭頭嘉慶十四年重修 一在韓江岸站口 一在白土村水口 一在潭江鄉溪西墳 一在

小勝鄉宮徑 一在沙田鄉曹礮坑 一在占頭村 一在湯坑市 一在埔頭鄉雙河 一在大田

東山巖 一在東隴鄉橫磯 一在建橋堡

大神廟在縣西門外提畔同治六年被水冲塌光緒間縣令李洪毓修復

名宦祠在縣學宮戟門左祀韓昌黎陳堯佐明代姚孟賢黃中澹衷賢諸燮明孔毓珣祁賢等八人乾隆

十年建

鄉賢祠在縣學宮戟門右祀吳廷符吳順恪王金楊貞蔡元朱樸丁賢拔諸先達七人全上建

敦善祠在城內文昌廟廡道光十三年建



善慶祠在北門外原大平公館址道光十八年闔邑建普濟橋餘款建祠落成嶺南道楊希銓過此題利濟梓桑四字勝於堂

萬民祠在城北門多故址今廢爲操場秦泰建

## 六羣祀

天后廟一名媽宮在陷隍市河干凡船戶皆祀之有媽生誕節潭澳圩亦有媽娘宮案靈應記天后妃姓林莆田湄洲人宋都巡檢林愿第六女以建隆元年庚申三月二十三日生少有神異於雍熙四年九月初九日昇化年十八歲云澎湖記略天妃生時地變紫有祥異香長能乘席渡海乘雲駕島嶼間昇化後常衣朱衣飛翻海上里人祀之

五顯帝廟在建橋堡其地名五顯崇一在潘社鐵嶺寨許志

案五顯帝廟邑屬四鄉所在有之大抵一椽之宮不勝記載許志著錄皆香火之最盛者攷懿海集五顯者五行五氣之所化也全祖望謂五顯之神不著姓氏宋時有敕封爲王者曰顯聰曰顯明曰顯正曰顯真曰顯德此所以呼爲五顯也明初亦祀之載於會典石窟一徵五顯者稱爲華光大帝宋魯應龍閑應括異志五顯靈官大帝佛書所謂華光如來斯乃所指矣邑屬所祀亦有華光大帝廟

三山國王廟一在墘坑鄉坊頭宮一在松林社白沙宮一在沙田鄉一在黃花村口外

案邑屬有三山國王廟數十處惟西坑村則獨明山公王三山即明山巾山獨山本三山之神封王者

## 豐順縣志

### 卷十五

勝蹟

二

汕頭鎮字局梅縣分局承印

故略舉數處以概其餘攷通志明貺廟在揭陽霖田都祀明巾獨三山之神揭陽志三山在霖田都界

石韓愈有祭明貺廟文元編修列希孟有三山國王記畧茲並錄之俾祀者識厥由來

韓愈祭文維元年月潮州刺史韓愈謹遣耆壽成寓以清酌少牢之奠告于界石神之靈曰惟封部之內山川之神克庥于人官則置立廟宇備具服器奠饗以時霽雨既霽百谷以成織婦耕男欣欣衍衍是神之庇蔭於人也敢不明受其賜謹選良月吉日齊潔以祀神其鑒之

尙饗

劉希孟記畧我元統一四海懷柔百神五嶽四瀆名山大川所在詔有司歲時祭祀明有數也潮州路三山之祀歷代不忒蓋以有功於國宏庇斯民故食報於今日攷潮州西北百里有獨山四十里有奇峯曰玉峯峯之右有亂石激流東潮西惠以石爲界渡水爲明山西接梅州州以爲鎮越二十里有巾山其地名爲霖田三山鼎峙英靈之所鍾不生異人則爲明神理固有之世傳爲隋時失其甲子於二月下旬五月有神三人出巾山之石穴自稱昆弟受命于天鎮三山託靈於玉峯之界石因廟食焉地舊有古楓樹神降之日樹生蓮花紺碧色大者盈尺咸以爲異鄉民陳牲者白晝見三人乘馬來招已爲從忽不見未幾陳遂化衆異之乃謀於巾山之麓置祠合祭前有古楓後有石穴水旱疾疫有禱必應旣而假人以神言封陳爲將軍聲靈日著人稱化王共尊爲界石之神唐元和十四年昌黎刺潮以淫雨害稼禱於神而霽爰命屬官以少牢致祭祀以文宋藝祖開基劉鋹拒命王師南討潮守侍監王



某溯于神天果雷電以風振兵大敗南海以平逮太宗征大原次城下見金甲神三人操戈馳馬突陣師大捷劉繼元降凱旋之夕復見於城上或以潮州三山神奏詔封明山爲清化盛德報國王巾山爲助政明肅寧國王獨山爲惠威宏化豐國王賜廟額曰明貺敕本部郡增廟宇歲時合祭則神有功于國亦尙矣潮及惠梅二州在在有廟遠近人士歲時走集嗚呼惟神之明故能鑒人之誠惟人之誠故能格神之明雨暘時若年穀屢登其所以福吾民而安吾國者豈小補哉

公王宮在城北普濟橋東邑人同建詳志

案公王宮邑屬四鄉數逾百所皆一椽之宇塑像有二座三座之差大抵皆稱白沙公王赤沙公王其三則名赫沙公王俱不著姓氏攷元史文宗本紀順帝元年封秦蜀郡大守李冰爲聖德廣裕英惠王其子二郎爲英烈昭惠靈顯仁佑王風俗通秦昭王使李冰守蜀開成都兩江漑田萬頃水經注李冰識察水脈鑿山渡崖水結諸陂池故盛養生之饒益州記江至安都堰其左檢其名又穿羊摩江灌江西十玉女房下白沙郵作三石人立水中刻要江神水竭不至足盛不沒眉是以蜀人旱則藉以爲灌雨則不遏其流水旱從人不知饑饉沃野千里世稱陸海謂之天府云李冰興水利漑田功在民生使蜀人無饑饉禮所謂有功則祀也有元一代最注重水利營田及李冰興蜀水利俱詳編者所著古今水利營田輯要一書元封李冰父子王號以昭示天下猶神農夏禹沒爲明神之旨習俗相沿由來久矣邑屬農村皆祀公王春祈年而秋冬報賽其神爲李冰父子當非編者武斷竊以白沙郵三石人之

## 豐順縣志

### 卷十五

勝蹟

#### 四

汕頭諸字局梅縣分局承印

故事口碑傳說既忘李冰二郎之姓名遂致白沙與王爺混合稱尊似又明知爲二王以白沙郵沙人有三故于白沙公王之外妄加以赤沙赫沙之稱以是祀像有二三之異此因事理之所常有者總之不離乎農田水利而乞靈于神者近是

樵鋪宮在縣西北之里樵鋪村宮後有圍住民數十家濱臨大溪世傳康熙十五年洪水爲災宮神預見夢聞老巫乃文謂某晚圍有水患當預避文卽遍諭衆人預爲備及是晚果洪水漂陷廬舍而人倖免

萬志

謝娘娘壇在璫溪鄉尖山下世傳爲明末女子長樂縣石子岡涼傘樹下人能知兵順治間車任重寇通判府城謝娘娘神顯靈驅之賊衆驚潰後饒鎮吳六奇副將鄒瑞重祀之萬志

萬江廟在隴隍宮瀆磯頭案俗傳未有隴隍圩先有萬江廟攷揭陽志宋高宗紹興十年揭陽縣復建卜

地於隴隍玉容二村隴隍在豐政都云徵隴隍在宋代已著稱萬江廟蓋亦古矣

觀音宮在城廂四鄉所在有之尤以大田村爲著

案觀音畫像塑像皆爲婦人邑俗通稱觀音娘娘又名三奶夫人俱不著姓氏攷法華經苦惱衆生菩薩觀其音聲皆爲解脫以是名觀世音唐避太宗諱故祇云觀音今俗稱觀音爲婦人胡應麟筆叢王世貞觀音本記皆謂古時無作婦者該餘叢攷據南北史駁之謂觀音是婦人六朝已云然矣諸說皆其具未詳孰是



大陽宮在城西一里有古榕一株大十圍盤根中空如榕廈堂與門戶甚具因爲宮祀神名大陽宮今成爲地名詳見名勝古榕夕照條

劇牛社在大槌村里民築壇歲于社日祀之爲志

案邑屬里社多至數十處小勝枚舉皆元明時所祀

龍泉廟在埔寨鄉祀大峯祖師

三官宮在仲坑山南宮有銚爐康熙壬午年鑄三官堂銚爐及捐鑄人姓名款甚具相傳大興隆採獲銀牛鑄場有周沈藍三官入窿內觀銀牛鑄工牽之不獲鑿其腦牛奮觸而窿陷三官皆壓死因立宮祀之

案三官神凡採鑛地方多祀之五華縣產錫村落皆有三官宮詢當地人以三官神姓氏所言皆同案邑屬鄉村皆有神宮宮之大小不等神之名目特多上列各宮廟如公王伯爺五顯三山國王觀音娘娘五者最爲普遍諒若真武大帝志尚將軍福祿爺明珠夫人譚公仙聖之類皆築宮以祀歲時伏臘香火皆盛求籤向病乞福祈年習爲固爲其在華離山村多以共祀一宮者爲聯繫之階卽有祀產財團爲其共相保衛之資如屬禁山林防護耕畜皆動用廟產其假借神權之作用在昔放任爲治之專制時代其所由來者漸矣近自施行保甲制度破除神權之說風行而此祀神之俗猶未能盡革者殆由於此

## 豐順縣志

### 卷十五

勝蹟

五

汕頭鑄字局梅縣分局承印

五穀宮在環清鄉三枝嶂祀神農香火甚盛祈晴祈雨均著靈驗鄉民每年於此許禾福冬季賽報

### (六) 瑩墓

宋梅州知州陳希偈墓在藍田上陽村

南雄沙水鎮巡檢羅安墓在白石嶺

元博羅縣主簿羅真養墓在上陽龍眼窟

明敕授副將黎翼士墓在大槌社

相待翼士爲明初南京人統衆擁戴大祖渡江卽帝位敕授副將賜名翼士四世孫文流曾任參將善用兵征寇陣亡今黎氏大槌二千餘人明季始遷居于此舊志疑之案客屬遷徙遠方多負其先骨骸以從如李氏珠公爲朱紹興李縉子藉居邵武其後嗣遷上杭歷久再遷松口而珠公乃遷葬松口是其例証

吏部卽中海陽唐伯元墓在東閣鄉石狗村河干有墓道石坊今圯僉都御史羅萬傑墓在藍田都龍湫

潭天津道參議王宗昌撰墓誌銘

清贈昭勇將軍國學生羅基蒙墓在上陽村

贈先祿大夫吳廷符墓在關凹下

江寧府參將吳標墓在蔣坑



舉人吳啓晉墓在璜坑大坪埔

黃岡協副將吳啓鎮墓在布心粗石坑

瓊州總兵官吳啓爵墓在湯背山

虎頭門副將吳啓相墓在橫坑徑尾

贈文林郎大埔李衍白墓在神沙村

贈修職郎知縣海陽李衍泌墓在長埔尾天梓山

贈光祿大夫丁賢拔墓在湯坑三門凹

例授迪功郎考授吏員李弼墓在黃花村螺田岡

贈中議大夫張石岡墓在徑心林屋后嶺

贈中議大夫張紹榕墓在徑心赤嶺

贈光祿大夫吳邦表墓在松林社

贈修職郎王大俊墓在徑心堡

贈光祿大夫吳偉墓在蔣坑

贈修職郎張起龍墓在徑心堡

贈文林郎吳琦瑞墓在松林社

## 豐順縣志

### 卷十五

勝蹟

六

汕頭錦字局梅縣分局承印

恩授修職郎李仁軒墓在龍溪社

贈文林郎吳廷瑄墓在璜坑田背村

文林郎廣寧縣知縣吳瀛達墓在璜坑田背村

文林郎分宜縣知縣吳志孔墓在環清獅子巖

贈中憲大夫馬平縣知縣吳亦林墓在大陣坑

驍騎將軍德安協鎮鄒瑞墓在大埔古野

揭陽饒平大埔參將楊章墓在大埔派尾

饒平鎮右營參將王金墓在環法鄉寨上岡

記名御史禮部郎中吳世驥墓在菴嶺

饒平鎮參將王必芳墓在環清鄉馬口

文林郎國學張權遠墓在大陣坑

叙選縣主簿張承立墓在大陣坑

文林郎舉人譚廷僂墓在沿山海洋窩

直隸總督銜江蘇福建巡撫丁日昌墓在揭陽城南門外

民國陸軍塋場在湯坑草塘尾凹民國十七年分水銅盤山國共兩軍之役陣亡將士叢葬于此第八路



軍總指揮部建

(七) 坊塔

恩榮坊在安敦嶺東北康熙四年饒鎮吳六奇建

天褒卽孝坊在龍上寨雍正四年爲羅義妻陳氏建

天褒完壁坊在龍蟠園前乾隆十五年爲吳啓紆妻譚龍姑建今毀

攀木號依坊在蔣坑爲吳少師正配一品夫人張氏建

千秋勁節坊在藍田大平埔爲吳戎妻張氏建

節婦坊爲譚淮妻劉氏建潮州府志

開邑百齡坊在占頭村道光六年爲壽民陳義章建

旌表烈婦坊在隘隍口鋪光緒二十一年爲胡秉福妻朱氏建

百歲坊在潘田牛牯石凹宣統間爲唐煌建

文塔一在縣北八里嘉慶二十五年建 一在葛布鳳山道光九年建塔尖爲雷電劈去 一在占頭村

嘉慶二十一年建 一在沙田棠凹山康熙五十年建民國五年地震崩塌

(八) 名勝

豐溪春漲 豐城有萬山中清溪蟠繞如帶城北有普濟橋石梁數十丈橋其上石欄繚繞竹樹環川每

豐順縣志

卷十五

勝蹟

七

汕頭鑄字局梅縣分局承印

當春水方生一溪漲碧桃花浪湧沒岸平提城郭人家掩映綠樹間真如瀟湘春水矣舊志列爲豐城八景之一

柴致和豐溪春漲詩云春郊兩足水溶溶碧漲前溪闊幾重人在抱山堂上望黍苗到處有膏濃

又陳浩詩一溪春水繞城流四野奔趨潤綠疇雨洗飛花紅躍浪風飄舞怒白翻洲層層峭壁波中見

渺渺間鷗物外游堪作當年濠濮想心胸蕩盡萬千愁

朱嘉禾詩草長平沙水漲溪風翻碧浪遠山齊沿岸汗漫幾吞浦觸石迴流欲撼堤滿郭烟光迷鷺影

一川湍響亂鶯啼春郊正值春耕候爲歸步平疇有犢犂

葛輿詩兩足郊原潤溪流一派橫水高洲漸沒磯激浪難行芳草相連碧浮鷗逐隊輕春來多逸興倚

杖遠含情以上俱錄葛志

彭景雲詩環城豐水自悠悠三月桃花浪打頭芳草綠波相掩映畫橋烟柳自夷猶怒濤偶觸驚鰲杵

積雨初晴快鴨浮壯闊文瀾誰得似乘風安穩到瀛州

邑令王承黎詩溪水抱城流山河幾萬秋雨添泉到峽石沒漲平洲溢岸連田澤迴波盪市樓氣盈歸大

海萬壑有源頭以上錄許志

溫泉一名湯泉四時鼎沸如湯故名氣有硫磺味泌沸處探探體焦可宰牲物流二三坎始可浴泉坎四

五近岸有亭在城北豐溪畔此古湯田之所由名也

邑令葛曙有溫泉記 湯田之名由溫泉得也出豐城西北數十步可望而卽其泉似有神炊終古長



沸于于焉虛往實歸居民賴之稍遠爲圩場交易而退咸就鹽濯曾莫之禁夫待舉火者而熱何如泉之自然而熱者小言所利其利溥哉向使離城遠遠取實勞安能僕僕道里爲瀚濯漑瀉用卽以爲神等諸棄壤耳物以適用貴泉之近城其亦有幸乎間嘗徒步往觀蓬蓬勃勃如釜上氣不可嚮邇下次坎氣漸平和因思假我數椽做浴沂故事致足樂者獨怪無先得我心旣而知溪漲水高常遭沒又未嘗不嘆所處之卑而爲是泉惜且不聞中於膳飲豈以近溪而溪流清且潔歟或謂疑有藥物然吾於茲泉獨有所取蓋泉而冷常也易曰井冽寒泉詩曰爰有寒泉若夫溫春氣也陽氣俱蒸土膏其動萬物發中豐爲新造邑倘此一脈溫和民物繁滋形家所謂旺氣未必不從茲泉乘之但曰能除瘡癩特其小補吾之爲豐城者俾一邑之疾痛咸消始賀斯之神庥無旣已不可不爲之記

明張翹遊溫泉詩十里青郊路看山興水窮乳泉溫石火萌屋貯春風野老追隨久康衢笑語同武陵幽絕處只在小溪中

鄭濂德湯泉十六韻久厭塵世喧山行愜心目蒼崖透孤嶠長林翳深綠溪迴徑自轉徐入小橋曲何處白雲起離離佈前麓父老向我言有泉在茲谷鬱若霞霧蒸非炊烟自蠹其下若濺珠其外堪盥浴其中若沸湯大寒莫敢觸予聞爲驚疑疾趨成童僕憩息此泉下徘徊數往復天下多名泉無如此利俗聞有甘若醴冬月不堪鞠亦有香若麝貧者非所欲溫泉是處稱火候未俱足弗若此泉佳于然仰抒軸我其欣此泉酌之將滿腹上俱葛志

## 豐順縣志

### 卷十五

勝蹟

八

汕頭鑄字局梅縣分局承印

邑令王承登詩溪邊石竈竈縱橫活聚源前幾坎清泉達火燃烹在鼎氣蒸烟起沸如羹碑炊自効無冬夏民利端資遍市城末更豈甘炎熱附一叢詩料記嘉名許志

舊志載葛祖亮彭景雲詩不俱錄

案邑屬有溫泉十一處豐溪爲大其次者一在湯坑市一在隘隍對河湯頭嶺下一在七浪灘山麓一在蘇姑山一在石湖一在石橋頭村一在石水岡一在塔下村一在潭江鄉湯沙一在下湯社惟下湯一處今竭

古榕夕照在城西里許古榕爲元代物虬蟠數圍緣陰數畝團團如車蓋高僅二三丈樹下有陽宮因樹爲屋堂與畢具符翁所稱爲榕廈者遜其結構每當朝曦初上衆鳥聚鳴紅日西斜栖鴉噪晚信爲勝景矣向列爲豐順八景之一今則霜摧風折類半死之桐無復當年秀色已

吳之駿詩大樹當時不須功偏留此地幾青葱重枝疊幹天然景錯節盤根造化工入夏陰翳能蔽日凌晨蒼翠自迎風鄉人處處陳牲醴土鼓頻敲祝歲豐

柴致和詩離奇天矯欲摩空疑探扶桑到海東山色漸暝村舍靜一枝斜掛夕陽紅

朱嘉禾詩秋郊何處覓芳菲老幹千年性不違遊客與幽閒徙倚暮鴉知倦半歸飛小橋流水環行匝遠岫晴嵐帶夕暉莫惜歸途重展眺牛羊來下掩柴扉以上俱葛志

邑令王承登詩神物盤錯古還添夕照紅殘霞移影遠野火煉形空葉密圓成蓋根蟠倒結叢蒼茫吞



落日氣像入鴻濛

彭景雲詩蔚然相望大溪中夕照蒼茫萬古同水拖秋風清瘦影鴉翻落葉暮烟空四圍老幹周遮碧一株殘霞閃爍紅共仰五朝神物在行人解問大陽宮以上錄許志

陳浩詩斷句云鳴和谷應枝間鳥却暑涼生葉底蟬又對景長吟歸向晚披衣不覺夕陽迎

龍山秋月在城東三里向列入景之一山巔有古松一株婆娑聳翠明月東上直掛松梢清秋素影輝媚寥天山陰有龍祖寺林壑幽美泉石清奇月出止照寺門每值秋高月圓騷人遊屐撥拾其間陶詠流響自昔然矣民國二十七年中秋名流畢集山寺裙屐聯翩酒酣待月彈棋賦詩尤極一時雅會焉  
麥大縱遊龍山寺詩不游龍祖寺安識洞中奇伏石多驚虎逢僧勿訝師入雲依五色掬水味三危支遁愛山切應留留一枝

柴致和詩碧天無際月輪高移上龍山逸興豪思尺唐寒宮可接五雲開處響仙琰

陳浩詩徑入龍山象外幽遙瞻古寺白雲秋燈寒丈室僧初定鳥亂栖林客晚留露重枝頭千葉落光函嶺上一輪浮莫言于此興猶淺試作東山着屐遊上俱葛志

彭景雲詩月到人間留不住龍山月到倍相親地緣得勝無遮碍節爲經秋淨霧塵放大光明憎慧業教通眼目悟前因抬頭不俟屈屈捧空地專能着色身許志

龍山雅集啓事望眼廖天圖圖似鏡河山滿目破碎堪悲故國已非今月猶昔人間留照滿地千戈影

## 豐順縣志

### 卷十五

勝蹟

九

汕頭鎮字局梅縣分局承印

落南天頻驚烽火陸沉未已民生方艱哀樂何心有懷難遣言陟龍山以寫我憂遐想明月在大秋風吹樹禪房可憩黃葉堆門塊壘填胸繞將樽酒舉杯邀月不醉無歸有約嫦娥共此良夜斯亦亂中及時行樂之雅集也嗟我朋舊相携其趨此啓

李介丞雅集詩無計安排此亂離約尋山寺遣秋悲峯高雨後龍猶臥壑迫雲深月上遲我佛津梁原許渡今宵杯酒肯無詩東南半壁看留照斫地狂歌有所思

古寺溪桃在城南一里亦豐城八景之一也青山一角清溪倒流怪石嵯峨桃花夾岸山有佛泉古寺歸來亭互映澄潭游魚羣聚固當年風景也世變滄桑亭經水毀寺亦淪荒漁父重來已不復見洞口桃花空留溪山一派矣顧長津迴碧竹樹依然負日迎風素波激石愛深山水猶堪撥拾孤往過矚亦足慰羈望也

吳凱先佛泉寺觀魚詩誰云鷗鳥始忘機水底潛鱗詎不如赤子因應皆佛子木魚何佛格潭魚聞經自赴龍華約聽講還分貝葉餘最愛懸崖高處立會心多處一躊躇

柴致和詩沿溪何必定桃源灼灼飛花靜不喧老衲坐枯林下石相看一笑已忘言

陳浩詩若爲祇林集異珍桃溪爛漫倍生春水流花放爭天趣梵唄鐘聲遠俗塵擲錫峯頭清欲絕聞經石上淨無根飛花莫向人間去怕惹漁郎又問津上俱葛志

王承鑒詩寺古不知年桃溪別有天無言契妙諦流水悟仙緣津問源頭杏花開佛頂圓春風拈一笑



福地陽塵烟

彭景雲詩世間春老芳菲盡古剎桃花春滿枝倒影近烘潭鏡暖落紅多傍石梁飛溪流屈曲無人覺  
花信迴環有蝶知最喜得山兼得水名藍棲止儘相宜上錄許志

李介丞詩古寺淪荒久桃源跡尙傳山迴溪路轉石亂水聲喧歷劫川陵改重來景物遷夕陽過廢壘  
何處證吟禪

韓嶺籠雲在城南西與龍山東南相望豐城八景之一也高四千五百尺抗風銅鼓俯瞰城郭若韓昌黎  
泰山屹立朝雲夕露繚繞巖間時以噴雲半腹時而獨露峯頭變幻無端而青崖翠發望同螺黛亦巖  
邑奇觀也山巔有湖方塘如鏡湖水下流潺湲澗谷琴筑可聞山半一石大數十圍高十餘丈其上連  
綴一石端方方正相傳仙人下棋處棋局猶存云

柴致和詩一嶺高聳盡層霄不盡烟雲護半腰似爲名賢留勝蹟空山千載識高標

陳浩詩韓公去後嶺稱韓高邁諸峯百尺竿嶺徑嶮崎行不斷烟雲變化幻無端織成錦繡天孫舞裁  
作文章山斗觀豈是無心間出岫乘時爲雨盡龍蟠上俱錄葛志

王承登詩勝蹟尋韓嶺雲封不露顏文章隱變態山斗仰賢關鱷遁驚雄筆龍潛起霧鬢奇踪天愛護  
望入有無間許志

銀瓶霽雪在縣北單椒秀澤翼附羣山孤峯遐舉挺拔刺天每至晴初霜旦雪霽雲開直如銀瓶卓立若

豐順縣志

卷十五

勝蹟

十

汕頭縣字局梅縣分局承印

秋高天淨紅日照耀則山風光翠發並概青雲遐囑慰望氣象萬千大有終南山色滿長安之景宜爲  
詩人騷客之所謠詠也故爲豐城八景之一

張大光詩雪霽銀瓶淨清光播遠天瓊花凝素岫白賁寵輕烟萬里星河淡千山皓月圓一峯登眺處  
不讓玉堂仙

柴致和詩誰把銀瓶換玉龍瑩然冰雪靜雲封凌空獨插層巒裏知是瑤台第幾重

陳浩詩峻嶺無勞斷削成望中寒雪倍分明凌空高插琅玕樹蔭地周遭雲母屏天爲嚴疆增玉壘人  
從海嶠拾瓊英陰霞散後光彌潔照徹瑤峯萬丈清上錄葛志

王承登詩萬古矗銀瓶凌空雪蓋青時巒失蒼翠薄霞望玲瓏天近接瑤島門當樹玉屏梅花如可插  
對我喜杯停

彭景雲詩天公王戲忽回頭遺却銀瓶夜不收誰把挈來盛白雪世還轉欲悟黃流風搖素影山河動  
月冷寒光天地秋擬上玉皇千萬壽呵嚀富媼合藏修上俱葛志

揭嶺飛泉詳古蹟類亦八景之一懸巖百尺飛瀑十丈如素練垂空銀河倒瀉崩奔澎湃驚川聒谷雖亭  
荒莊圯攬勝者傳其落漢鳴泉之名蹟焉

羅國珍詩藍田削壁見飛泉隱隱晴虹百丈懸朱子石函留洞宇奏皇古戍靜風烟無邊珠玉因風洒  
不盡琴箏鎖日傳散喜源頭多勝概於今流水滿前川



陳浩詩昔賢曾此駐征鑣爲嘆羊腸曲遠勞峭壁春回巫峽浪晴溪秋散廣陵溝渠成不俟西郊兩派  
遠分流南畝膏邑自更新山自古幾回極目興猶豪

柴致和詩何處源頭活水來珠噴蛟舞到山隈吳綾百丈懸危壁不許并州快剪裁以上俱錄爲志

王承望詩揭嶺幾千重泉飛懸碧峯珠噴穿怪石玉碎打枯松天上何從潑岩頭到底衝匣中仙掌擘  
放出白如龍許志

淨水遠鐘詳金石類亦八景之一寺在深谷中羣山環抱溪水澄清以礪泉寒冽不生魚蝦故名淨水惟  
笋巖是豐風景清幽夜半鐘聲遠聞數十里所謂修修釋子抄抄衲禪者也

柴致和詩數椽高踞萬峯巔寂寂空山不計年一自鐘飛來絕頂祇今人說口頭禪

陳浩詩山嶽靈時鐘亦靈我聞昔有奇因一灣九鑿塵何染無翼能飛運若神響澈終宵清俗慮音傳  
空谷達高晏年來客踞多塵夢欲向禪關拂拭新

彭景雲詩初地飛來不等閑蒲牢八百動溪山音沉三界迴旋久響徹千峯隱約還洞口白雲相往復  
門前流水自潺湲騷人乍聽知何處策杖尋幽路幾灣

品芳園在隴隍球山之巔左濱韓右臨軍塘東南鳳凰山色浮嵐當戶有林亭小橋假山台榭之勝舊爲  
李氏別業後歸爲朱氏所有今復移于余姓百餘年已易數主近又遭敵機轟炸風景全非昔日之勝  
蕩然無復存矣

## 豐順縣志

### 卷十五

勝蹟

十一

汕頭歸字局梅縣分局承印

培園在占頭村請訓導陳香九期昌講學處園築于兩山之谷口茂林修竹間有池泉之勝園有學舍數  
十間門各題額爲佩蘭餐菊區籬紉芭蘅茅茅芷杜若芙蓉裳辛夷楣之類皆經之香單名詞又名其  
外門曰蕙芷山房聚徒研誦其中邑屬北勝一隅詞章風氣實培園所提倡學者盛稱之詳期昌本傳  
龍泉巖在藍田埔寨鄉巖有亭廟泉石之勝好事者競于岩石題刻留其姓氏春秋清日暑夏清陰游人  
戾止觴詠其間信爲勝處矣

無名窩在黃花村口窩儼純陽古洞環兩山之間鑿崖結屋半其樓屢拓之爲純陽觀修桐垂蔭右濱黃  
花村溪飛瀑十丈琴筑可聞有黃花石梁橋其上橋名爲黃桔桐所書石刻遠威將軍劉公志隆紀念  
林場在瑪窩饒泉石林亭之勝近若螺峯鷄峯遠如桃花之舉羅列如在杯按風景絕佳是以遠近思  
元之上長齋之婦栖焉彼郡人土多假此觴詠之所

卷園野叟陪宴題壁詩云洞口雲山畫裏開仙人舊館半樓台桐陰日午移風檻戶外溪聲入酒杯境  
靜堪爲吟社地國危莫負濟時才勞生若許閒招隱應關林均種百梅

李介承無名窩記云黃花村口純陽觀之旁有無名窩焉其泉涓涓其石齒齒豐草綠褥竹樹蕭疎天  
然風景如畫民國三十年春余于村口築黃花橋每過而愛之爲結放生池瀦其泉以養鱗介既移高  
逾丈之叢桂一株植其旁復於山半築亭名曰歸雲亭去池不百步路曲屈斜上通焉遊客多池畔草  
不常綠因于池下深澗橋其上導之折而登亭之西窩之盡處岩石皆巨竦戴北來之山脈截然而止



遂隆起若丘垤乃闢其巔建一椽之明貺廟遷味花廬祀于此廟前臨峭壁以短垣護之其下山坡斜坦亂石參差池泉之所自出也有修桐菴竹數株叢生其右余于其左斜坡多墾小畦層級爲梯田雜蒔花蔬無曠土更中開一徑旁達於亭於是一窩十畝之間有亭有池有橋有廟有石有林有花畦蔬圃蔚然一風景區矣余方將於亭廟林砌之間築別墅一楹作行窩他日處其間則俯可觀池中魚躍畦上花開仰可見天外雲山而靜聽林間鳥聲純陽觀裏鐘磬聲與黃花橋下瀑布溪聲日夕聲響相應其聞于耳接于目者將不暇給賞此樂何極天下之名山勝景余生平足跡所經者多矣竟不及此無石窩之勝者何也豈因一手足之所經營而有我在耶余愛自家丘壑故爲之記







風俗

邑人李唐介承甫編纂

豐邑分割嘉海揭埔四州縣成治風俗約略相近民皆聚族而居質樸儉約無浮靡之習重宗祠祀田婚喪俱做大公家禮行之士閉門自守絕不干與外事邑雖山陬而溪濱巖谷間土壤可以種植泉源可以灌溉者無不墾闢爲田故力農居多工賈不過什之一二田皆二熟山水四時不絕惟湯坑羅家約等處以泉少憂旱大小墾墮等處以近大河憂水飭皆旱潦無憂故邑人無大富亦無其貧婦女汲水採樵操作甚勤邑多官山無恆產者居多山麓種植薯芋等物名爲種耨游民絕少普通多信神所祀有所謂公王國王者不知何自又惑於形家言墳墓雖遷徙告爭不厭亦無恃衆恃強恃富恃尊恃奸等習前未設縣時豐政都去治甚遠每有抗糧拒捕之事今亦變矣惟嗜利負氣聽唆訐訟或有親戚不顧者至于楂攤賦寶此風甚多尤宜嚴禁因其樸實加以教化非守土是責而誰責哉

嘉應州移割之環清逕心肆橋等處民皆服耕其秀者頗善讀書安分少訟地多官山時有興寧長樂二縣民寓居嶺谷種植薯芋爲生里民亦不之競

海陽縣移割各社其大小墾墮產溪龍溪九河等處民風謹愿力農工作間有舟楫爲生者皆樂業守法畏見官府至北勝社橫坑赤心大港等處俗亦愿樸惟爲遷流狡滑之徒所煽爭訟不少而潘田一社爲尤甚下湯大田二社以附近鑛山鑛徒未絕海志所謂豐政都嶺悍難治者以此

豐順縣志

卷十六

風俗

汕頭路字局梅縣分局承印

揭陽縣移割各寨金鼎金甌金湯羅家約銅盤等處居民稠密訟端以滋然士知自重讀書應試者在通邑爲最盛商賈亦較多至入鄉之簪箕坪貴人村等處地方寥闊民居不過百家僻處深山並無田業每于崎零犖確之地什樹稻芋養生終年不入城市至爲貧苦其地方行跡罕到司牧者尤宜注意

以上俱錄舊志

案八鄉在隋唐以前南北通道皆由飛泉徑經八鄉之石子溜隋義安郡丞陳洪居此貴人村山因以得名後因瘦牛嶺路開通始淪爲荒僻之區民國十六七年鄰縣五華共匪古大存輩入據八鄉爲窠穴四出擾亂屢經官軍搜剿始慶清夷迨年五華奸民復入鄉誘惑村民廣種鴉片經縣長劉禹輪督令自衛團大隊長吳柏蒼蒞鄉鏟除并編查保甲分設學校警察所漸成爲自治區域政府能繼續整頓固亦易治之鄉也

大埔縣移割白芒社等處山多田少居民不繁風俗謹厚

舊志

案邑屬民情類多謹厚守法奉公士紳皆束身自好向不干預外事凡非關係地方治安大事皆以穩忍處之以故通志府志俱稱爲易治歷任地方官果有惠政及民人懷去思者靡不感激圖報昔建德政祠例于去任離縣之後奉粟主祠祀不替迄于清末祠祀十有三人祠有碑記限制茶嚴誠一代清議所在也明季大亂四鄉多結寨自保或則起兵勤王氣節甚盛咸同間潭體仁之竄擾縣境古石揚之謀攻縣城民十七八年共匪之據地焚劫縣人皆羣起而撲滅之辛亥革命邑屬嚮風反正不假兵戈秩序如常此以見全邑人心風俗其公忠正直有足多者顧三十年來爲治者不能激濁揚清反利



用僉王自便私圖至下流無賴羣起而與官廳朋比包攬行賄顛倒是非小人道長幾于無官不頌有吏皆賢其阿頌之諛詞逾于循良之操飭相習而爲僞詐中于人心而害于風俗將使易治之舊俗變爲易亂之繞風斯真地方之隱憂也所望清政長官承有以挽救而整飭之

郡國利病書潮州有峯其種二曰平峯曰崎聚其姓有三曰盤曰藍曰雷皆搖族號曰白衣山子依山而居採獵而食不冠不履三姓自爲婚姻病歿則焚其室廬而徙居焉籍隸縣官歲納皮張而已其曰年老與盤藍雷大三姓者頗桀桀難馴

案邑屬東鄣之風吹礫山村有藍姓數十戶稱爲狗頭王子孫卽肇民也村南有鍾姓十餘戶傳其祖爲藍姓外甥世爲婚姻惟晚近已與四鄰族姓通婚現已同化非復利病書所言之習俗矣其舊操土音俗稱爲蛇羅語極難解今能操此語亦少惟春米用杵臼以手擣之猶沿古俗每歲除夕舉家必席地而食以爲狗喫必在地也有祖遺匹凌畫像一幅長三尺許圖其祖人身狗頭像自出生時及狩獵爲山羊觸死各情事甚詳蓋千百年古畫也止十歲之元曰橫掛老屋廳堂中翌早輒收藏不欲爲外人所見距該村三十里之潮安縣境歸湖內山有雷姓十餘家與彼同祖亦與通婚往來殆卽後漢書所云之槃瓠族攷搜神記述槃瓠事尤詳晰近世學者謂槃瓠卽盤言之異文梁任公謂爲蠻族中之別一派卽最初之土著是或然歟

## 婚嫁

### 豐順縣志

#### 卷十六

風俗

一一

汕頭路字局梅分局承印

男女婚嫁貧富厚薄不同禮俗則一初時日間名男以手釧或銀爲檳榔儀遣媒致送繼則爲做定擇吉日備禮銀猪鷄酒米等物送至女家乃答以袍帽書儀等項將娶數月前擇定娶期用聘銀五十兩至百兩不等如前物儀送至女家答之亦如前名爲送聘及娶預先一口仍備猪鷄鴨酒米等禮物往迎其女家稼儀視貧富爲之貧者不過隨身布衣而已舊志

案婚嫁禮俗今猶相沿惟聘錢在十年前則增至二百元最近已增至五六百元之多迎婚俗稱完娶最重要禮俗爲行禮帖式在男家對女家父母及伯叔父母祖父母女之兄弟均應分具禮帖及糕肉等物儀逐一拜問以表兩家聯姻之好如對女父母則自稱姻侍教弟對女伯叔父母自稱姻家侍教弟對女祖父母則稱姻晚生之類嫁女之家亦必一一具帖答禮收其禮物另備錢包名曰書儀回答之婚男雖稱呼各別亦必逐一具禮帖糕肉拜問若婚書必用特製之鸞鳳和鳴泥全帖先書婚男建生年月日時于左方女家則依其帖書女建生年月日時於右方名曰鸞鸞帖概用精製漆盒盛之男家縛帖盒用紅絲一束女家改用預織之鴛鴦帶男家備配物儀有多至十槓者最少亦三四槓必列舉物儀書于另一禮帖其禮數必成雙且必具一生公鷄俗稱帶路鷄女家則將其妝奩列書於帖加答以生母鷄俗稱種鷄殆循古奠雁之遺意也若貧家類以男女成年婚嫁爲繁費則多娶童養媳大者七八歲小而三四歲或有生彌月而抱養者及其長大習慣貧家生活往往視成年所娶者爲優以故中年之家亦多娶童年小媳者至如離婚改嫁夫死再醮亦視昔爲多其聘錢則數倍於正式婚姻



之數此由于男女之自由擇配主其事者每見彼倆情意契洽故爲多索而娶者亦不吝多金顧再醮改嫁之風在數十年前所不常有近今則相習而成爲通俗不以爲怪此亦社會之升降者矣若文明結婚雖有行之者然必男女皆有同等教育此新風氣尙不其著

## 喪葬

居喪初歿時族戚俱臨吊哭子孫守屍三日始用棺殮既殮拜告天地披麻執杖同姓以麻異姓以布俱成服送至墓所宴以謝之既葬家中設紙屋香案奉祀三年大祥則燒紙屋麻杖送香火入祠合祀葬後五年或十年易以瓦罐俗呼金罐收貯其骨骸其骸骨黃者復葬原處如骨黑及濕則另覓葬地喪費亦視家之有無爲之舊志

案邑屬喪禮親死卽訃告族戚以大殮及歸葬日期守屍在堂障以孝簾夏暑必三日後始殮冬寒有延至六七日者無間晝夜必燃燈燒紙錢於屍前蓋循士喪禮宵爲燭於中庭也每一弔者至必傳鑑三將殮子孫必首戴謚儀跪立於主殮父老之前哭而請爲其親歿謚俾書諸銘旌其銘旌丈許之繹帛爲之然後祭屍祭畢乃殮大殮儀式悉遵文公家禮自襲屍含口入棺及肉袒而訣別諸禮節皆由司禮生主唱而行禮畢蓋棺哭踊移柩於堂北首停之成服必往郊野祭告天地富家用猪一羊一豕者必用牲主服者持麻衣孝杖跪左足告天地畢乃賜孝子披執凡親友弔祭皆于成服後行之弔拜者皆發白布腰繻各一名爲發白翌日各戴以送墓將發引孝子六親畢集柩前舉行堂祭鄰里則陳牲于道爲路祭閱之或死者有德於鄉里夜祭路祭每有多至數十起者既葬設栗主查案於庭三虞加設紙屋俗稱靈屋名曰入靈奉祀每日三餐必進羹飯盆盅燒紙錢所謂事死如事生之道至大小祥乃止葬久收骨雖爲通俗若生前預營生壙者則棺葬後卽不復移易而馬鬣千秋矣喪費係家有無往往因親喪而破產邑人多有老人會之設立遇會員親喪凡會友悉按會規各醵金若干米菜若干椅棹器用若干咸送往協治喪事蓋本凡民有喪匍匐救之之古訓亦風俗敦厚之一般也

## 祭祀

葛志云邑民皆聚族而居重宗祠祀田語焉不詳邑屬族姓無大小皆有祠堂一族公共者爲宗祠分支者爲私祠合一縣或數縣同族設立者稱大宗祠石窟一徵云宗廟之制用龜藏主太祖特主居中左右分昭穆次序爲序牌其無後者供以龜左右兩旁亦分以昭穆其有犯禁逐出者例不得入序牌白虎通宗之爲言尊也族之爲言湊也太祖之奉尊之也昭穆之序湊之也宗族之義備矣邑屬凡宗祠皆有祀田歲時祭祀更有祭田俗並稱爲蒸嘗田故有春祭秋祭之典祭祀皆用三獻凡後死者皆得陸續入祠登其世次謚諱名號於祠簿以憑合祀不必皆有牌位也若春秋祭祀其主鬯者或以齒爵或以科名不必定以宗子因不在衣冠之列以主鬯嫌之行禮也祭畢會食於祠有關於一族之大事會議皆於祠凡宗祠皆一族姓之統合機關也

邑屬重宗祠並重祖墓族大者祖墓祀田尤多歷代皆有墓卽皆有祀田其多者椎牛割牲分胙肉丁肉



祭則合族盡室上其千數百人合食墓前祭墓必用吹炮手銅笛銅鼓高燈涼繖自上元至清明累月始盡連村接踵往來不絕猪羊祭品咸以楨以二人抬之如小勝鄉李族祭始祖墓其抬祭牲之楨多至七十餘副昔人詩所云清明祭掃各紛然者也

## 時俗

葛志云立春前一日有司迎土牛于東郊士女聚觀多以豆穀酒之至期鞭春爭取土牛以歸以爲利市謂之迎春案自民國來已廢而不舉邑俗元旦晨起祀祖上燈親友以雙柑往來慶賀越日至元宵各族姓皆祭祠于祠名曰春祭四鄉多舞獅子蓋古儺禮之遺也元宵迎燈火樹銀花鼓吹沸天極魚龍曼衍之觀春分祭墓清明多采萬壽藤葉製糕或采五蔬合烹入饌謂能明日端午皆祀祖製角黍插艾于門沿韓江鄉村多競渡奪標爲戲俗稱扒龍船馬圖山村則糊紙爲龍以迎投諸村口溪潭中元節多祀祖寺僧則向人家募貲爲盂蘭會立秋農作雖忙皆休息一日或一時俗迎秋迎霜以聲數韻中秋賞月村塾皆祀孔聖婦女多迎紫姑以問休咎秋分大族多祭墓名曰秋祭重九士林多登高兒童競放紙鳶冬至皆釀酒製糕大族多祭祠名曰冬至農村皆於冬至前後酬百神演戲臘月廿三四俗稱人年假村戶皆行大掃除洗滌百器即晚祀竈開始開鑼鼓換桃符做年會大割牲分肉製年糕除夕祀祖燒爆竹上燈邑屬四鄉村口皆有神廟所祀老公王國王關帝五顯帝歲時伏臘農家皆有祀事春播種則祈年曰許福冬穫畢則報賽曰完福久成通俗蓋循古者祭方社田祖之遺風也

## 豐順縣志

### 卷十六

風俗

### 四

汕頭儲字局梅縣分局承印

案民國改用陽曆凡陰曆時俗雖有今昔之差惟農村則沿習陰曆致周正建子孔子乃言行夏之時周禮亦言夏時爲正歲誠以農事物候非參用夏時不能與二十四節氣相應政府爲會計年度取與世界列邦劃一起見故改正朔顧吾民以農事習慣關係自可並行不悖彼月令關風歲時事至今不廢因與時俗同爲農家者流所珍惜也

## 生活

邑人生活經濟皆以農爲本其他百業皆基於耕不足食始別謀補助之牛產而興因田少山多歲仰給舶來米幾達十萬石之數加以日用必需物品之輸入與夫一切公私之負擔如稅捐攤派及教育祀祖敬神醫藥婚喪應酬之類每家歲需支出各數爲費甚鉅全賴農林畜牧所生產及工商學所營求僑外滙回所入貲額爲抵補借以彌縫其缺其生活困難之情形大概可見顧其彌縫之生活方式因各鄉村地方情形習慣之不同亦各有其獨立之生計就農本言因生活困難之結果故佃農實佔總戶口數百分之七十無田可耕之窮農又佔百分之十二自耕農與業主僅得百份之十八全縣稻田合計一十萬千一百餘畝平均四萬四千六百餘戶男女二十三萬一千八百餘名幾於每二人共有可耕之田一畝歲無四月之糧即以歲入舶來米十萬石平均人口計之每人尙不足供三月之食故單就穀米言歲僅得其半年之數而已奈之何民不窮且困也顧大多數之民猶未論入餓殍者實賴種植雜糧以什糧爲主要食料祇以米糧補助之惟中等社會以上之少數業主與自耕農始以米爲主要食料然皆以



雜糧輔之若完全食米者惟市商與學校及官吏兵警耳

因稻田之缺乏收穫之有限爲增加雜糧產量計類以稻田改種什糧更墾關山岡而多種什糧故凡佃農之家窮農之戶皆歲收儲什糧數十担恃爲一家數口之養贍乃能有餘力以營其所必需之缺乏資金大抵農時則力耕農隙則營工肩挑凡土物之生產百貨之轉運力役之工作皆其生活經濟之資源也是故一區之民多以產猪苗養鴨羣藝圃種茶燒炭肩挑爲其唯一之生事二區內常受水患多往南洋經營工商業其近市者則習爲營商織席操舟蔬果之利居鄉則種蔗製糖績麻織布做柴砍竹爲生三區人稠亦多數出洋謀生其居鄉者男則經商操舟種蔗製糖花生製油女則樵薪耕種之餘歲必績織夏布二疋以一疋易棉布四區沿溪鄉民則出竹製器以農工兼商內山皆燒炭砍柴出杉及採土地之毛營山林之利借肩挑爲生涯五區沿河各鄉多數陶碗種竹砍柴操舟爲生內鄉皆燒炭採山種茶肩挑結石土木工業爲其資生之具至于畜猪養雞全縣農家皆視爲唯一之副產若出洋謀生亦無村不有但不及湯坑隘隍兩處之多數試總計其自南洋滙回之款每歲總額平均亦達二三百萬元之鉅凡此勞力之所得與僑胞之滙回皆農村經濟之活力所在加以柴炭竹木油糖席布茶碗竹器果實各大宗輸出歲值五六百萬元合計畜牧副產之收益極其量度不過一千萬元而已此固全縣人民生活經濟之概況也

改造增進之方自應以農墾水利工鑛多方面爲因勢利導之努力邑境山重嶺複溪澗皆自高下流若

## 豐順縣志

### 卷十六

風俗

### 五

汕頭縣字局梅縣分局承印

連山築塘緣岡鑿渠則凡陡坡岡阜皆可墾成水田不難增加十萬畝稻田之數而達到耕者有其田之極則若甘蔗花生烟草芋棉茶桐杉竹果實之利尤無土不宜隨地可植至如瓷土遍于東北半縣嫩松竹笋到處成林散柴穀壳多而無用則陶甕製紙工業皆擅得天獨厚之利蓋其所需用之原料水力均甚豐富大有取之不盡用之不竭者况採錫挖煤開鑿銀鉛銅鐵鋁礦及硫黃凍石尤爲大利所在今公路四關運輸便利己異昔時爲治者果能因其利而利之爲民生謀永久之計爲國家立富強之基以實心行實政不急功好名不塗飾耳目開誠布公則上以是求下以是應十年以往安見貧瘠之山邑不變爲富裕之天府也哉

## 方言

父稱阿爺阿爸亦曰阿爹母稱阿媽溫廷敬曰亦有稱哀者統稱曰爺哀邑俗亦同汪榮寶言人生最初發聲爲阿世界各國字母多以阿爲建首中國古音亦常如此案爺爸爸邑語俱讀六麻韻謫公書俄古稱父爲阿爺木蘭詩軍書十二帖帖帖有爺名是也吳人稱父曰爹爹即父同著與古音合母古音讀父轉音米邑語呼母爲姆讀平聲音稍變矣姆本古女師保姆之稱殆嬰兒呼姆既慣而然哀邑語亦讀平音即愛字變音嬰兒出生隨地其聲聲皆曰嘸呀嘸呀哀本嘸呀二字之轉音嘸即哀呀即爺故曰哀爺初民以母先父故女生爲姓哀爺實爲語言之始今稱爺哀雖古亦必始于女系轉爲男系時代就爺孃之始于六朝蓋視稱哀爸爲後矣



祖父稱阿公亦曰阿爹邑語讀多他切祖母曰阿婆亦有稱阿祖阿妮者曾祖母稱公太婆太案稱祖曰公始于史記外戚世家婆本老嫗之稱吳越備史錢鏐誕生皇考欲棄于井祖妣不許曰婆留婆即祖母古已有此稱矣溫廷敬謂如父與祖父古皆呼爲爹讀重音後欲稍示區別遂以呼父者轉爲輕音邑語呼父與祖父爲爹讀音因有重濁與輕清之異蓋呼父爲舌上音呼祖父則舌頭音也祖母呼妮邑語讀仄聲亦舌頭音與潮語呼母爲者異姐子野切說文蜀人呼母曰姐邑語讀馬韻稽康幽憤詩恃愛肆姐不訓不師是祖母祖稱姐亦古矣曾祖父母稱公太婆太其義至明凡客族皆同惟潮語則曰大公太婆

兄稱阿哥弟稱阿弟邑語弟讀平聲如梯皆趙德麟候鯖錄愚之方言呼弟曰阿泰溫仲和曰弟讀若梯爲古音今邑屬語讀梯皆在齊佳二韻之間

父之姊妹稱阿姑祖之姊妹稱姑婆母之姊妹妻之姊妹均稱阿姨爾雅父之姊妹爲姑妻之姊妹曰姨釋名母之姊妹爲姨亦稱姨母以別于妻之姊妹也案祖母之姊妹稱姨婆亦以別於母之姊妹也

母之兄弟稱阿舅亦稱舅父妻之兄弟亦稱阿舅史記孝文帝紀封淮南王舅父爲周陽侯索隱舅父即舅猶姨曰姨母也新唐書楊行密謂其妻弟朱延壽曰得舅代我無憂矣此用舅與妻舅之別也

子之婦曰心曰溫廷敬曰心即新字轉音白即婦字轉即新婦之稱引六朝吳音讀婦輕唇爲阜由阜而轉爲白云初猶疑之案爾雅女子既曰婦婦潮語稱心埔或曰即新婦之轉廣州呼語爲心婆亦曰生婆

## 豐順縣志

### 卷十六

風俗

六

汕頭鑄字局梅縣分局承印

音義均易解邑語稱心曰與梅埔各縣同於義何取攷祖補曰叶敝呂切音廣韓昌黎元和聖德詩遂自顛倒若杵投曰叶下渚此可証曰爲婦人之轉音矣或曰心曰即薪曰因負薪井曰故所未詳也

夫曰老公妻曰老婆又曰埔娘蓋本君子偕老之義寒山詩東家一老婆侯景曰吳下老公是古有所此稱也嶺外代答稱爲夫娘嘉應州志則謂爲姑娘溫廷敬謂俱不類當作婦娘婦古讀重唇故其音如埔其釋最爲確當

母之父母曰姐公姐婆亦猶祖母呼姐言母之姐加以公婆而別於父之公婆也

妻之父曰丈人老母曰丈人哀亦曰岳父岳母歐陽修曰泰山有丈人峯故稱妻父爲泰山若稱妻之母爲泰水不知何義邑語之稱本此泰山爲五嶽之一岳同嶽故曰岳父岳母或曰晉樂廣爲衛玠妻父皆有重名岳丈即樂丈之訛總之不離乎古者近是

婦人稱夫之父曰家官亦曰家公夫之母曰娘亦曰家婆案顏氏家訓昔黃霸之子孫稱其祖父曰家公唐代宗曰不痴不聾不作阿姑阿翁古稱夫之父母爲舅姑後轉爲公婆溫公書儀古稱母爲娘子官即公之轉然家官家娘皆邑屬婦人對人自稱與他人相稱之通詞若婦人呼其翁姑則隨其夫之稱爲多自稱曰吾讀如涯稱人曰渠人我兼稱曰俺北人稱我曰俺邑語讀俺如恩而義爲廣

妾曰小婆亦曰細姐因世謂妻曰大婆大如龍川雜志仁宗謂劉氏爲大娘娘楊氏爲小娘娘是大小之稱由來久矣



愛子曰吾子子女之最後出者曰滿子滿女亦曰滿妹粵遊小志滿子嘉應呼子女之最小者邑語亦同陳裕詩滿子面甜糖餅餌是正代時已有滿子之稱矣

曾孫曰塞子釋名息塞也滿也石窟一徵言致曾孫則生子繁塞滿門戶也

鄉旌紳耆曰老成亦稱老大詩雖無老成人尙有典型禮七十曰老凡執業久經事多者皆曰老大者尊人之稱邑語本此

少年曰後生亦曰後輩論語後生可畏唐劉禹傳王叔父于東官用事後輩務進多附之此亦語言與文字合一之徵也

居住曰覈邑語讀陌韻如核案卽宅宇之轉音

椽曰栢爾雅屋椽齊魯名栢周人名椽玉篇栢屋橫木也古樂府東門行還視栢上無懸衣集韻栢何庚切音衡椽音傳邑語栢讀庚韻如行審椽之轉音也

渠曰溪亦曰溝曰圳說文渠者水所居也邑語呼渠之大者曰溪小而深者曰溝傳曰深溝高壘是也淺曰圳讀如暖宋典市流切音厠江楚間田畔水溝謂之圳案渠讀魚韻溝讀尤韻魚韻古通處柴氏作通虞尤據古詞日出東南隅有樓字不字也溪俗語齊韻語音同渠今溝厠同尤韻尤魚同齊古通韻邑語讀峻則同字異音也

## 豐順縣志

### 卷十六

風俗

七

汕頭縣字局梅縣分局承印

而物用異案廣西邊關鄉民今有以晒穀之竹篾爲席者惟面積較小如牀而已

揚米去糠之具曰箕其器周而圓用竹織成詩惟南有箕不可以揚傳箕星也索隱箕以箕揚訓弄爲象箕又受物有去去來來之象是也又形橢圓一面開口用以搬米穀者曰播箕史記所謂頭會箕歛者是用以收受塵土及糞壤者曰糞箕曲禮曰凡爲長者糞之禮必加帚於箕上者是同爲竹織之器而大小有別爲用亦殊邑語稱籬箕插箕糞証之古音義均同

採野生小竹撞破浸水晒乾而代明者曰蒸子詩以薪以蒸箋蟲曰薪細曰蒸陶詩荆薪代明燭廣雅蒸炬也凡用葭葦竹木爲炬皆曰蒸邑語讀蒸韶如真

箸曰箸集韻遲據切邑語讀御韻如住曲禮飯黍毋以箸與潮語筷筷條粵語曰筷子者異

茶曰茶邑語讀麻韻酒曰酒讀宥韻菜讀倉代切菜菜與潮話曰鹹者異

蠅蛄曰土狗與爾雅同蟬曰蟬龜曰龜蠃曰蠃蛇曰蛇百勞曰百勞俱與古音義同

案邑屬通俗語言大率類此異舉其要在今爲俗若攷古証之則爲雅雖俗語有仿雅者推比較粵語潮語則皆有字典韻書古籍可資攷証此亦古音存於方言者也客族來自中原雖展轉贛閩而語言不改其舊故邑語與梅埔語皆同其鄰近潮揭各鄉在家庭雖多抄潮語惟出與客俗交際仍抄客語清裨類針謂客語節奏句度較之內地不甚相遠與六潮音相合章火炎新言謂客族語言敦古或稱爲老官話誠知言也



歌謠

昔漢武帝立樂府采歌謠班孟堅謂代趙之謳秦楚之風皆感於哀樂緣事而發可以觀風俗知厚薄今亦採撫邑之歌謠附於風俗之末朱竹垞謂童謠興於田家雜占本嘗師法古人出於天地自然之音而世治之隆污人材之邪正莫不一本好好惡之公所謂詩可以觀者是已載之志乘固無戾於春女之思秋十之悲者也

童謠火營虫閃閃光飛入學堂夜夜照人做文章

赤哨哥尾拖拖人客來到擔凳坐人客唔坐請上床我去喊爺孃

月光井井花羅吊頸滿姑洗身跌落手箴俗呼戒指曰手箴阿哥抽得還爾也好

月光光好種薑薑必祿好種竹竹開花好種瓜瓜難大擔薑賣

月光光秀才郎騎白馬過蓮塘蓮塘背種韭菜韭菜花搗來請親家親家屋門前一坵田彎彎屈屈好種

蓮蓮葉層層好蓋屋蓮莖雙雙好架橋

案豐鄉村兒童每於黃昏月下互相唱和者皆此類謠詞也

俗諺 供子不讀書恰似瞎目珠俗呼生子曰供黃香鉄曰以供養二字混爲一也

案邑屬貧民雖肩挑背負皆送子讀書故文盲絕少諺語可見

養子不教如養猪養女不教如養驢

豐順縣志

卷十六

風俗

八

汕頭鐫字局梅縣分局承印

未食五月粽襖婆莫入窠 案邑屬鄉村四月天雨往往着棉襖故云

湯坑錫墮墮蘇州妹潮州屐

湯坑產錫墮洋錫見潮府志臨墮似虎丘膠而柔軟過之見嶺南雜記故以蘇女子比類而言

畜羊種薑利息難量一年四季子母三綱綱就言帶也羊一歲兩生子子當年又生子故曰三綱

半山開圳好開田彎彎屈屈要相連邑屬山村皆梯田瓦開圳引水依山開田由來尚已

朱竹垞謂粵俗好歌謠多雙關詞不必雅然情必極至黃香鐵石窟 徵俗村童樵婦所唱皆謂之山歌

按墨莊浸綠四方風俗不同吳人多作山歌聲怨咽如悲聞之使人辛酸吾鄉牧豎所唱沙辣梨其聲亦

甚凄咽沙辣梨者因歌詞中有沙辣梨劉三妹故以爲名此六字與歌詞本文不相連貫但用爲襯腔如

樂府之妃呼豳三字也邑俗男亦好唱山歌但所唱者非沙辣梨而爲呀或妹亦與歌詞本文不相連着

爲發端焉且無劉三妹三字大抵深山空谷發興浩唱多以呀 妹三字先作呼聲每一字中一句唱意

在喚起情侶或其他異性之相和與沙辣梨凄咽之腔調有別唱此三字時皆引吭長嘯且作曼聲其

腔調尤高元屈大均新語所載劉三妹與白鶴少年張望偉歌酣化石故事向在邑屬不甚著傳但其歌

詞皆七言四句有賦比興之

田云郎比三月豆藤嫩  
唔得上杆望妹來

類皆竹垞所謂詞不必雅情不必極至者皆出牧樵婦

之口而能叶乎古韻凡婉轉合拍類詩人竹枝詞蓋出於天籟人韻之自然者客族語言多與六朝音相

合例以山歌童謠之叶韻爲證而有徵



## 宗教

以神道設教而設立誠約使人崇信者宗教也邑屬向有道教佛教流行清末又有基督教入民國後崇信者皆日稀因邑人無富貴貧賤兒童六七歲皆入塾讀書崇信孔孟之學習知尊祖敬神內諸夏而外夷狄之大槩視道佛基督諸教爲異端孔子曰攻乎異端斯害也已故三教向不盛行雖居喪作佛事祈禳延巫覡亦祇習俗相沿實未嘗崇拜其教義也至崇信鬼神誠敬齋戒之習實本孔門齋明盛服以承祭祀之經訓積久而成爲儒教之風俗與長齋奉佛茹素修道者大異其趣古者天子祭天地諸侯祭社稷王爲羣姓立七祀置社士庶人立一祀浸假而成爲多神之俗由來蓋久若佛道二教祇緣迷信鬼神之故相因而致彼喪作佛事祈病禳災亦由夙所信仰者乞靈無方不得不借旁門外教之謎術以權濟一時之窮而已若基督教之強人廢棄其祖宗多神之祀而聽命上帝於一尊宜爲世俗所不喜此宗教之影響人心風俗積久而益見淺薄也

道教宗老子其道德經五千言旨趣甚明魏晉尙老莊之學大暢玄風厥後張道陵假託道教遂變爲神仙服食之術末流附會變本加厲非其旨矣唐紹天下祀老子附會益甚召純陽以儒入道稍近本旨邑黃花村口有呂純陽道觀實由邑令魏紹唐所倡今茹素修元之士及鬱不得所之婦孺焉其旨在正心修身其行動勸人爲善以善濟人以故佈道會期遠近至者常數百人識者以其尙無流弊挽救教澆漓之外道不加屏斥其次則觀巫覡俗稱法師所謂以舞降神專爲人祈禳者亦託名道教在昔四鄉所在皆

## 豐順縣志

### 卷十六

風俗

九

汕頭鉛字局轉分局承印

有傳言皆其祖先始遷入鄉自閩所携來而崇奉者殆楚詞九歌詩云楚南郢之邑沅湘之間其俗信鬼而好祀必使巫覡作樂歌舞以娛神者也客族來自中原何以習染巫覡之風以致祠廟落成疾病纏淹凡認爲有邪煞鬼魅皆延巫覡以祈禳之以湯坑女嫁男婚多延巫覡祈禳占頭陳姓因其始祖爲法師凡女子出嫁必持其香火送至男家謂能避邪惟邑境今亦僅存巫覡壇十餘處其所祀者皆爲觀世音亦名觀音娘娘若其香火各鄉村皆有之其畫像塑像皆爲美姪人又稱爲三奶夫人而非老子道君其爲附會妄託可見攷法華經苦惱衆生菩薩觀其音聲皆爲解脫以是名觀世音唐避太宗諱故祇云觀音今俗喊以觀音爲婦人胡石麟筆叢王世貞觀音本記皆謂古時無作婦人者該餘叢攷據南北史駁之觀音是婦人六朝已云然矣而其爲外教則一也廣州各縣各姓祖祠亦多祀觀音者惟巫覡祖觀音猶託道教以自存亦九流託始之意顧崇信者今亦日少矣周禮疏所謂今之巫令巫道滅者也

佛教自東漢入中國迄唐代始播及嶺海邑屬佛寺十餘所多建自元明清初惟建橋南山寺上陽羅寨庵建自宋代皆由當地富紳達官所倡建其住持悉皆俗僧但爲人居喪作佛事誦經懺悔求功德而已非有龍象高僧能闡揚佛教爲人設法也以故士大夫皆鄙夷之雖居喪亦屏棄佛事而以祭禮畢其哀思潮州沐浴韓昌黎教澤者有素韓分闢佛原道一篇邑人束髮受書皆誦讀之其外視佛教而不談久已深入人心若禪宗云奧義大小乘之妙諦既無名僧爲之倡導宗風雖有談禪之士終與寺僧格不相入逸老庵本羅文節遜世逃禪別墅雪樵上人始以逸老庵名之寶林寺雖有高僧守白詩僧釋性曉



卓錫其閒釋真樸雲水勾留鄭畊吳啓晉諸賢時相往還然皆一時禪悅雅興未聞提倡宗風且未久而歇絕迄無繼起而蔚爲風教者亦因僧寮狹陋寺產微薄故高僧皆棄而不顧佛教亦終於不振其於社會人心之關係自不能發生若何影響故邑人自居喪作佛事偶與寺僧接近以外絕無信仰佛教者也基督教有天主耶穌之別元初雖已入中國邑屬則自光緒間始有教堂之設立天主教堂有湯坑沙田各一所耶穌教堂有湯坑縣城隍墮產溪各一所其規模均不以湯坑爲大信教者亦較多次則隍墮縣城餘皆形同虛設入教者寥寥無幾入民國後惟湯坑耶穌教堂因設有醫院僅能維繫一般信教之少數人心而已以其爲一神教奉教必廢祀祖宗故稍有智識者皆厭棄之且入教者多倚勢凌人故吳其瀚孝廉有託教門之諷人心之趨向大可見矣



選舉表

邑人李唐介丞甫編纂

明進士

舉人

貢生 恩歲副拔

化成

黃勳 上陽人揭陽學有傳  
癸卯科陳經綸榜

治宏

黃一道 勳之子揭陽學  
甲子科陳琬榜

正德 黃一道 庚辰科楊維聰榜

許利 砂人海陽學  
庚午科

羅浩 上陽人揭陽學  
歲貢

曆萬

何仕家 棠荆人海陽學有傳  
壬子科吳殿邦榜

柯化鵬 砂人揭陽學有傳  
戊午科朱昌祚榜

羅經泰 上陽人揭陽學  
庚午科歲貢

曆天

楊世喬 金甌人揭陽學有傳  
丁卯科詹炎榜

正崇

羅萬傑 泰之孫揭陽學  
庚午科胡平運榜

張蔚階 建橋人程鄉學  
庚午科副貢

何仕浩 仕家弟揭陽學  
己巳科歲貢

羅萬傑 甲戌科劉理順榜有傳

清進士

舉人

貢生 歲恩拔副

治順

馮衍經 潘山人海陽學  
甲午科吳炳震榜

豐順縣志 卷十七

選舉表

汕頭鉛字局梅縣分局承印

吳啓晉 湯田人六奇子海陽  
學丁酉科

陳槩五 古樓園人程鄉學  
丁酉科副榜

張大衡 建橋人程鄉學  
戊戌科貢

羅明倫 上陽人揭陽學  
庚子副貢

熙康

游定海 大樁人程鄉學  
丙午解元

吳成象 啓晉之子海陽學  
癸卯科歲貢

羅國珍 上陽人揭陽學  
丙午科游定海榜

林棟 湯田人普寧學  
戊辰科貢

馮秉銓 潘山人普寧學  
乙卯科李拱宸榜

張燈 建橋人程鄉學  
丙午科貢遂溪訓導

羅萬善 國珍兄揭陽學  
甲子王漢榜有傳

張罕虎 建橋人程鄉學  
丙寅科貢

馮軾 潘山人  
丙子科貢

吳文規 湯田人普寧學  
丁卯科貢

朱元縉 下湯人大埔學  
丁亥科貢

張天麟 建橋人  
己丑科貢

羅基恂 萬樞仲子揭陽學  
丙戌科貢

譚濬 大田人程鄉學  
乙未科貢

吳熾 啓爵子  
壬寅科貢

劉琮 古樓園人潮州府學  
辛丑科貢



正雍

譚深弟海陽學  
癸卯恩科甲辰補行

羅昌齡萬善長子揭陽學  
甲辰科貢

譚益盛葛布人有傳  
癸卯恩科陳世蓮榜

曾遇龍龍山人揭陽學  
乙卯科拔貢

羅孟震上陽人揭陽學  
壬子科優貢

隆乾

曾世進新寨人揭陽學  
辛酉科陳炎宗榜

羅紹哲明倫孫揭陽學乾隆  
辛酉科貢

譚嵩鵬深之子有傳  
辛酉科同上榜

羅松樞萬善子揭陽學  
壬戌科貢

王道符環清人程鄉學  
辛酉科同上榜

吳成熾湯山人據府志補遺  
康熙六十一年壬寅貢

羅松樞後移居新亭  
甲子科何龍龍榜

羅漢峙上陽人  
甲戌科貢

吳玉振城廂人  
十九年貢

劉在奎乙卯科貢

劉登洲潘田人  
丁卯科羅文兼榜

黃逢清辛卯科歲貢

張天衢城廂人  
壬辰科歲貢

吳亦材城廂人  
丁酉科拔貢

張紹華建橋人  
癸酉科陳盛典榜

鄒繼功環坑人  
丁酉科歲貢

馬嶽脊后鑾人  
癸酉科同上榜

李玉沾北勝人  
己亥科歲貢

劉煒文癸卯科歲貢

豐順縣志

卷十七

選舉表

一一

汕頭鑄字局梅縣分局承印

張長發埔子寨人  
己卯科邱作霖榜

曾希甫己卯科歲貢

陳國煌和寨人  
壬午科鍾允榜

何中魁棠荆人  
辛己科恩貢

陳慎德癸酉科歲貢

張千秋建橋人  
辛卯科陳相伯榜

張舉建橋人  
唐丁科歲貢

吳映斗辛卯科同上榜

王耀曾環清人  
丙戌科恩貢

羅龍光上陽人  
甲午科郭雄圖榜

高約客石橋頭人  
壬辰科歲貢

譚玉衡壬寅科恩貢

羅飛熊上陽人  
丙午科陳雄思榜

羅炳甲甲辰科歲貢

吳亦材丙午科同上榜

張師雄葉亭人  
癸卯科歲貢

葉芝丙午科歲貢

鄭家蘭九河人  
戊甲科梁有源榜

張羽儀小溪壩人  
歲貢

吳景憲龍蟠園人  
戊申科同上榜

歐陽希聖松林社人  
歲貢

朱攀桂上林坑人  
己酉科梁念祖榜

李漢玉城廂人  
己酉科歲貢

巫馬光癸未科歲貢



張橋建橋人  
甲申科歲貢

張洪盛建橋人  
己酉科歲貢

張樹玉建橋人  
乙酉科歲貢

吳文英丁亥科歲貢

張春杰建橋人  
丙子科歲貢

吳景憲戊辰科歲貢

吳豐上吳墩人  
庚戌科歲貢

張和衷建橋人  
歲貢

歐陽錦松林社人  
壬子科歲貢

何器璉小溪壩人  
歲貢

王同書環清人  
歲貢

謝龍霖大中人  
壬寅科歲貢

吳舒憲龍蟠人  
戊午科副貢

劉登魁閩下人  
嘉慶辛酉科拔貢

吳錫疇大壠坑人  
辛酉科歲貢

何學海小溪壩人  
丙子科歲貢

何一清小溪壩人  
己卯科歲貢

鄭溥九河人  
歲貢

鄭翰九河人  
歲貢

彭思德下湯人  
科歲貢

李中興北勝人  
戊辰科歲貢

李嘉樹北勝人  
乙亥科歲貢

林永錡逕心人  
丙子科歲貢

吳開炳丁卯科欽賜副貢

葉輝庚唐午科副貢

吳會深癸酉科欽賜副貢

劉致中岡下人  
癸酉科拔貢

張文芳雙溪人  
丁酉科歲貢

羅廷光上湯人  
己卯科歲貢

李宗耀北勝黃花村人  
庚辰科恩貢

嘉慶

李雄植城北人  
辛酉科吳梯榜

羅龍光癸丑科進士

豐順縣志

卷十七

選舉表

三

汕頭鑄字局梅縣分局承印

鄭嘉蘭戊辰科進士  
欽點翰林院庶有傳

張鴻圖北勝官溪人  
戊辰科欽賜崔崇高榜

羅應隆上陽人  
丁卯科張勳榜

譚廷儔嵩鷗之孫  
丁卯科全上榜

李繼彬維楨胞弟  
丁卯科同上榜

楊成魁



高騰仞約畧子  
己巳科歲貢

張沛建橋人  
丙戌科歲貢

張朝封建橋人  
丙子科歲貢

吳亦樸乙丑科歲貢

曹蓉城廂人  
辛未科歲貢

陳宗猷丙辰科歲貢

鄭作柱九河人  
癸酉科歲貢

楊龍光戊午科歲貢

李飛鵬北勝黃花村人  
壬午科歲貢

朱金蘭壬午科歲貢

吳世驥城南人亦材子  
乙酉科拔貢

朱佩鳴乙酉科歲貢

吳錫爵戊午科歲貢

彭應麟庚寅科歲貢

劉慶擢辛卯科歲貢

黃獻猶戊子科欽賜副貢

黎錫球大樸人  
欽賜副貢

黎樹玉大樸人  
副貢

林承琦逕心人  
歲貢

吳亦槐城內人  
丙申科歲貢

徐汝亨大鼓唇人  
乙未科恩貢

張繩武藍田人  
乙未科歲貢

彭文雄下湯人  
丙申科歲貢

吳永清城內人  
丁酉科拔貢

吳逢春新坡人  
戊戌科歲貢

李映春北勝人  
庚子科副貢

何昌言棠荆人  
辛丑科歲貢

張文山雙溪人  
癸卯科歲貢

黎晉廷大樸人  
乙未科恩貢

張騰中建橋人  
乙未科恩貢

光道

譚謨大樸人  
辛巳恩科溫慈濂榜

張雲錦建橋人  
辛巳恩科同上榜

吳紅城北人  
辛卯科中式

吳世驥壬辰科順天鄉  
試榜有傳

葉上林北溪人  
乙未科中式

羅師灝上陽人  
癸卯科欽賜

豐順縣志

卷十七

四

汕頭鑄字局梅縣分局承印

吳世驥癸巳科進士  
欽點禮部主事



張登雲 埔子寮人  
內午科歲貢

汪爲龍 城北人  
丁未科歲貢

鄭鳴謙 布心人  
己巳科歲貢

劉葵向 歲貢

楊蓉初 水頭洋人  
戊申科歲貢

吳翹 新坡人  
己酉科拔貢

羅鳴謙 己酉科歲貢

饒青雲 己酉科欽賜副貢

彭景雲 下湯人  
庚戌科歲貢

李濟川 北勝溪西人

鄭松 布心人  
辛亥科恩貢

馮杏春 仙洞鄉人  
壬子科欽賜副貢

李虎臣 乙卯科欽賜副貢

王煥文 環清人  
丙辰科欽賜副貢

李向辰 北勝人  
丙辰科恩貢

楊新 北勝人  
丁巳科恩貢

吳尙魁 城廩人  
丙辰科歲貢

王琳 環清人  
戊午科恩貢

藍書升 仙坑尾人  
戊午科歲貢

朱輔璜 戊午科歲貢

李廷柱 己未科欽賜副貢

朱煥光 臨隍人  
戊午科歲貢

朱輝光 東隍人  
乙未科歲貢

吳漸遠 田背人  
庚申科恩貢

張玉麟 埔子寮人  
庚申科恩貢

吳永燾 亦村之孫  
辛酉科拔貢

何作礪 潘田人  
壬戌科欽賜拔貢

劉淑元 東隍人  
壬戌科恩貢

吳鵬 高車田人  
壬戌恩科副榜

張其淵 雙溪人  
癸酉科恩貢

豐成

豐順縣志 卷十七

選舉表

五

汕頭鑄字局梅縣分局承印

治同



譚敬承 大田人  
丁卯科歲貢

洪應鑑 北勝轉水人  
丁卯科恩貢

洪鳴盛 北勝轉水人  
丁卯科歲貢

蔡良 柯屋寨人  
甲子科歲貢

張作猷 雙溪人  
己巳科歲貢

邱瓊章 藍田丘屋寨人  
癸酉科拔貢

蔡言颺 赤嶺人  
甲戌科歲貢

鄭硯池 九河人  
甲戌科歲貢

鄭流照 九河人  
壬申科恩貢

吳家淮 甲背人  
乙辛科恩貢

朱錦堃 臨隍人  
丙子科歲貢

王顯朝 環清人  
丁丑科歲貢

楊金聲 北勝人  
戊寅科歲貢

譚其文 大田人  
己卯科恩貢

張楷 雙溪人  
己卯科歲貢

六 汕頭錦字局梅縣分局承印

豐順縣志 卷十七 選舉表

陳林皋 潘田人  
壬午科歲貢

朱炎 上杭坑人  
壬午科歲貢

譚史 藍水坑人  
壬午科欽賜副貢

劉玉樹 岡下人  
壬午科欽賜副貢

鄭舒翹 九河人  
甲申科歲貢

吳其瀚 高田人  
乙酉科拔貢

詹史 臨隍人  
丙戌科歲貢

譚日新 大田人  
戊子科歲貢

何耀華 東隱人  
己丑科歲貢

張炳堃 北勝粉寮人  
辛卯科歲貢

吳世麒 小溪壩人  
歲貢

陳步瀛 北勝古頭人  
甲午科歲貢

丁惠馨 湯坑人  
辛卯科副榜

朱文灝 上林坑人  
壬寅科歲貢

鄭方舟 九河人  
己亥科歲貢

光緒 吳永智 世顯之子  
乙亥科順天鄉試

彭景雲 下湯人  
癸酉科欽賜舉人

吳其瀚 乙酉科中式

吳昌坤 永智子  
乙酉科順天鄉試



羅煥梅上陽人辛丑科欽授翰林院

陳期昌北勝占頭人丙申科歲貢

丁培珊湯坑人丁酉科拔貢

楊達中北勝沙田人庚子科歲貢

李國楨北勝人乙巳科歲貢

陳步洲北勝人癸卯科歲貢

吳世瀛新坡人己酉科歲貢

羅對輝上陽人己酉科拔貢

王惠和環清人己酉科歲貢

梁百泉北勝人戊申科恩貢

陳廣堯北勝占頭人庚戌科歲貢

劉世麒葉亭人己酉科拔貢

清孝廉方正

嘉慶王逢壽環清人丙子特科由歲貢選舉

道光吳發嗣小溪墘人辛巳特科由優生選舉

吳伯齡南廂人己酉科由歲貢選舉

豐順縣志

選舉表

七

汕頭鑄字局梅縣分局承印

選舉表二

清武科進士

武舉人

康熙

吳啓虬雲田人丙午科中式

吳振宗城廂人丙午科中式

吳玉鷗乙酉科中式

張豹變藍田人乙酉科中式

羅鎮瑞萬傑之孫癸巳科張斌授榜

羅有年餘下人癸巳科同上榜

羅甸上陽人癸卯科余猷捷榜

羅佳雄上陽人癸卯科同上榜

羅起濱萬傑曾孫甲辰科曾佳喜榜

張全斌雙溪李寨人丁酉科解元

吳元發田背人辛卯科中式

張雲龍雙溪人甲午科中式

朱應魁上坑人丁酉科中式

統宣

正雍

羅佳雄鎮福子丁未科王元浩榜

隆乾



張凌雲 雙溪人 癸卯科中式

羅應玉 上陽人 己酉科中式

吳重慶 新坡人 壬子科中式

羅元榜 上陽人 壬子科中式

羅智勇 上陽人 癸酉科中式

吳慶平 田背人 辛酉科中式

鄒慶昌 璜坑人 甲子科中式

鄒鵬飛 璜坑人 丁卯科中式

張登魁 雙溪人 戊寅科中式

鄒文貞 璜坑人 乙未科中式

蔡煥 田坡尾人 癸酉科中式

吳蘭馨 新坡人 辛酉科中式

羅國材 高尾人 辛酉科中式

張定山 建甯人 壬戌並補乙未恩科中式  
乙丑會武考授兵部五品差官

鄒名標 布心人 庚午科中式

八

汕頭鑄字局梅縣分局承印

豐順縣志 卷十七

選舉表

緒光

羅尚德 上陽人

選舉表 三

清

優級專門學堂畢業

吳祖理 高田人 廩生 廣東省立法政學堂

吳桂芳 新坡附生 兩廣師範學校

李廣鵬 小勝附生 兩廣初級師範

王家麒 環清人 廩生 廣東高縣警察學堂正科

陳烈 占頭人 廣東警察學堂

王玉麟 環清人 廣州西武陸軍學堂

吳白華 新坡人 附生 廣東軍醫學堂

饒公球 馬頭人 廣東省立法政學堂

吳耀寰 新坡人 廣東省立法政學堂

留學外國

羅致通 上陽人 光緒三十一年 日本海軍學堂

張禮亭 埔寨人 宣統元年 日本早稻田大學



謝勸吾 廣東武備學堂

王家棟 字楚材 環清人 廣東省立法政學堂

王五良 環清人 兩廣農林學校

王郁文 環清人 兩廣優級師範學堂

徐簡菴 埔頭鄉人 廣東高等警察學堂正科

長之瀚 建橋人 廣東中學商業科

大學專門學校畢業

李 嘆 山花村人 國立廣東高等師範

張騰光 建橋人 國立廣東高等師範

李清下 小勝人 原廣東高等師範北京大學

吳 露 廣州 山大學

羅錫猷 羅家山人 陵大學

徐名鴻 埔頭人 北京高等師範學校

譚炳堃 大田人 廣東高等師範學校

李偉高 小勝人 廣東高等師範學校

豐順縣志

卷十七

選舉表

九

汕頭縣字局梅縣分局承印

張健民 海溪人 廣東警察專門學校

李少岳 黃花村人 廣東法政學校

彭璇璣 粵鄉人 廣東法政學校

朱佐周 北溪人 廣東警察學校

朱銳鋒 上林坑人 廣東法政學校

吳磐若 大山人 廣東警察學校

陳淑均 占頭人 廣東警察學校

朱羣英 東甯人 廣東警察學校

吳聘我 橋背人 廣東警察學校

羅廷佐 羅家約人 上海復旦大學

羅經猷 羅家約人 廈門大學

羅樹基 羅家約人 北京大學

羅 洋 羅家約人 廣東法政學校

羅先培 羅家約人 上海南開大學

羅宗傳 羅家約人 國立廣西大學

海陸空學校畢業

丁培龍 湯坑人 黃埔海軍學校

陳 傑 西陽人 黃埔海軍學校

吳錫祺 字逸志 坡人 保定軍官學校

陳勉吾 東羅人 保定軍官學校南京陸軍大學

洪玉祝 潭江博水人 雲南講武學堂

張慎階 占頭人 潮州中央陸軍分校

張 勉 占頭人 潮州陸軍分校

賴植廷 亂溪人 中央潮州陸軍分校

古兆榮 沙田鄉人 南京陸軍大學

張奮鵬 雙溪人 廣東軍事政治學校

陳偉成 東陽人 黃埔陸軍學校

李宗遠 小勝人 中央陸軍學校

楊戊生 沙田人 中央陸軍學校

張克文 雙溪人 廣東陸軍學校

張克相 雙溪人 廣東陸軍學校

李競中 小勝人 四川航空學校

李其華 北溪人 昆明航空學校

張杏芬 建橋人 中央陸軍學校

張兆潘 建橋人 中央陸軍學校

陳振憲 東陽人 陸軍學校

陳世傑 東陽人 中央陸軍學校



胡式我 蔡溪鄉人 中山大學

陳振齊 東隱人 中央陸軍學校

羅堯範 羅家約人 廣州中山大學

鄭亮 九河人 黃埔軍官學校

羅文道 羅家約人 香港美國大學中國分校

鄭可川 九河人 黃埔軍官學校

羅英烈 羅家約人 中央大學法科及遊學日本

鄭宗可 九河人 黃埔軍官學校

王家驥 羅家約人 廣東公立法政學校

鄭乃祥 九河人 中央陸軍大學軍官班

王用賓 羅家約人 廣東公立法政學校

鄭輝 九河人 中央陸軍官校

譚炳奎 大邑人 廣州中山大學

鄭美綸 九河人 中央軍官學校

王乃勛 羅家約人 廣州中山大學

吳振羣 西廂人 廣東海軍學校

鄭品軒 九河人 廣州中山大學

吳德羣 西廂人 廣東航空學校

鄭意淮 九河人 廣州中山大學

楊銘初 沙山人 第十一軍陸軍學校

鄭榮 九河人 廣州中山大學

楊逸谷 沙山人 廣西中央陸軍學校

王用光 羅家約人 廣州中山大學

朱秋賢 廣坑人 四川航空學校

陳庸 和樂人 廣州中山大學

陳林鋒 羅山人 南京中央陸軍學校

鄭以揚 九河人 中央政治學校

譚樹標 人山人 廣東陸軍測量學校

陳國光 占頭人 勸勤大學

李宗準 南松鄉人 中央陸軍學校

豐順縣志 卷十七

選舉表

十

油頭鎮字局梅縣分局承印

吳克諧 喬音人 廣州中山大學

李春國 附松鄉人 中央陸軍學校

吳思存 新坡人 廣州中山大學

李炳樞 附松鄉人 中央陸軍學校

吳鴻璉 高田人 廣州中山大學

李業訪 附松鄉人 中央陸軍學校

徐名東 埔頭人 北京大學

王展勳 羅家約人 中央陸軍分校

徐名功 埔頭人 北京大學

鄭亮英 九河人 中央航空學校

張扶漢 埔寨人 大學

鄭權 九河人 中央陸軍學校

楊信吾 大德人 廣州中山大學

鄭秉剛 九河人 中央陸軍學校

王應麟 環清人 廣州中山大學

鄭翼雄 九河人 中央陸軍學校

黃宇常 臨隱人 國立中山大學

鄭乃祥 九河人 中央陸軍大學參謀班

鄭述玄 九河人 四川重慶大學

鄭經 九河人 中央軍醫學校

陳端 西隱人 上海光華大學

鄭銳 九河人 中央軍醫學校

陳友禎 羅家約人 上海南洋醫科大學

鄭健生 九河人 中央軍醫學校

羅廷鑑 羅家約人 上海南洋醫科大學

洪瑞芳 東隱人 黃埔軍官學校

羅建中 羅家約人 廣州光華醫學院

王同文 環清人 中央陸軍大學

吳善羣 高田人 香港華仁書院

張漢民 中央軍醫學校



徐子仁 埔頭人 上海聖旦大學

王啓豐 環清人 中央警官學校

羅嘉樹 羅家約人 南京金陵大學

王乃忠 環清人 中央警官學校

羅文英 羅家約人 日本東京學院

楊紀洲 豐良人 中央警官學校

黃郁青 大羅人 廣州婦孺產科學校

吳慕韓 西甯人 中央警官學校

羅善政 羅家約人 上海美術專門學校

吳芝華 南州人 中央警官學校

羅剛德 羅家約人 上海美術專門學校

劉紹琨 環清人 中央警官學校

羅膏澤 羅家約人 廣州國民大學

張玉文 建橋人 中央陸軍軍官學校

丁立言 湯坑人 廣州中山大學

朱震華 紫湯鄉人 中央陸軍軍官學校

譚致中 大田人 國立同濟大學

鄭德榮 中央警官學校

丁立垣 湯坑人 中央大學

王文新 環清人 廣東警官學校

丁兆麟 湯坑人 廣東法政專門學校

王作新 環清人 中央警官學校

吳應奎 廣東陸軍無線電學校

丁懋 湯坑人 中央陸軍正科學校

陳慧根 湯坑人 廣東陸軍測量學校

王新 環清人 中央陸軍學校

吳昌慶 附松鄉人 廣東陸軍測量學校

王兆強 環清人 中央陸軍學校

羅立儀 羅家約人 中央政治學校高等科

王志光 環清人 中央陸軍學校

豐順縣志 卷十七

選舉表

十一

汕頭鑄字局梅縣分局承印

李庭蔭 小勝人 法國機械專門學校

王依杰 環清人 中央陸軍學校

李國平 黃花村人 日本東京帝國大學研究院二年 法國巴黎大學研究院二年

王文達 環清人 中央陸軍學校

李辛之 小勝人 美國科倫比亞大學

王作英 環清人 中央軍校

黃維揚 西甯人 德國柏林法政專門學校

王俊英 環清人 中央軍校

黃炳麟 潘田人 日本九州帝國大學

王子源 環清人 廣東燕塘軍校

江誌誠 南坑人 日本早稻田大學經濟科

王夢平 環清人 廣東燕塘軍校

陳偉成 西甯人 日本步兵專門學校

王少康 環清人 廣東燕塘軍校

朱師晦 東甯人 德國柏林河大學醫學博士

王振光 環清人 中央步兵專門學校

羅致容 羅家約人 美國大學碩士

王慕陶 環清人 中央軍校第二分校

羅致微 羅家約人 日本長崎醫科大學

王思根 環清人 中央軍校第二分校

羅士清 羅家約人 德國柏林大學經濟科

譚守常 大田人 黃埔軍校第五期

羅克典 羅家約人 日本東京帝國大學研究院農村經濟科

譚震 大田人 中央軍校第十七期工兵科

羅吟甫 羅家約人 上海大學

譚志傑 大田人 中央陸軍軍官學校第十七期全科

羅克強 羅家約人 蘇聯逸仙大學

彭國賓 下場人 中央測量學校



羅潔仲 羅家約人 法國巴黎大學理化工程科

曹其華 附城人 日本明治大學

馮劍南 銅鑼人 日本早稻田大學

徐瑞華 蘇聯逸仙大學

黃宇常 陽隴人 德國柏林大學

王紹生 環清人 北京師範大學

丁培慈 湯坑人 國立廣東高等師範

羅從厚 羅家約人 上海東吳大學

吳式均 新坡人 廣東法官學校

吳念祖 西甬人 廣東法官學校

吳州華 新坡人 廣東法官學校

謝繼先 探芝樓人 廣東法官學校

鄒仰平 廣坑人 廣東法官學校

陳乃績 鄧屋寮人 廣東法官學校

李瑛 城廂人 廣州中山大學

豐順縣志 卷十七 選舉表

李紹青 小勝人 北京大學

李孔昭 小勝人 北京大學

李憲 小勝人 北京大學

李辛之 小勝人 北平大學

李毅中 小勝人 勤勤大學

李賞秋 小勝人 勤勤大學

黃維齊 西甬人 北京大學

林益智 西甬人 朝陽大學

梁毓芳 沙田人 中山大學理科

黃萬鍾 湯坑人 朝陽大學法政大學

張國鈞 埔寮人 上海特志大學

王乃宜 環清人 中山大學

張道 雙溪人 廣州國立中山大學

鄭紹玄 九河人 廣州中山大學

譚卓廉 大田人 中央軍校

丁雙典 湯坑人 廣州航空學校

陳振熙 東甬人 中央軍校

陳振齊 東甬人 中央軍校

陳世傑 東甬人 中央軍校

胡孟植 東甬人 中央軍校

吳年 新坡人 西南步兵專門學校

陳賢村 湯坑人 廣東嶺南大學農科

吳昌華 中央陸軍學校

吳鴻汕 號思群橋背人 中央武漢第二分校十六期步兵科

吳俊元 橋背人 中央軍校武漢第二分校第十六期步兵科

吳夢柳 廣合人 中央陸軍軍官學校第十期

吳勉之 石灰井人 中央陸軍軍官學校第十二期

吳恩龍 廣合人 中央陸軍軍官學校第十三期

吳森庭 三角塘人 中央陸軍軍官學校第十六期

吳若海 三角塘人 中央陸軍軍官學校第十六期

吳凱聲 橋背人 中央陸軍軍官學校第十六期

吳鴻光 廣合人 中央陸軍軍官學校

吳海濤 中央陸軍軍官學校第十六期

吳鴻團 中央陸軍軍官學校第十六期

吳鴻均 中央陸軍軍官學校第十六期

陳志彪 湯坑穎川鄉人 中央陸軍軍官學校

吳省初 中央陸軍軍官學校第十八期

吳慧我 中央陸軍軍官學校第十八期

吳濟仁 中央陸軍軍官學校第十八期

吳信偕 中央陸軍軍官學校第十八期

吳耀華 中央陸軍軍官學校第十八期

吳夏芝 中央陸軍軍官學校第十八期

吳江陵 中央陸軍軍官學校第十八期

吳中廉 中央陸軍軍官學校第十八期



李冠芳 黃花村人  
廣州中山大學

吳遠略 中央陸軍軍官學校第十八期

李銘槃 黃花村人  
廣州中山大學

吳濬流 中央陸軍軍官學校第十八期

李國華 黃花村人  
廣州中山大學

林格物 東陽鄉  
中央軍校第四分校

李廷杰 小勝人  
廣州中山大學

鄒玉堃 橫溪鄉人  
廣州燕塘軍校

張志遠 建橋人  
廣州中山大學

鄒漢平 橫溪人  
中央軍校第六分校

鄭德能 九河人  
廣州中山大學

鄒宜之 橫溪人  
中央軍校第六分校

王輯生 環清人  
廣州中山大學

鄒寶光 橫溪人  
中央軍校第六分校

陳永年 占頭人  
廣州中山大學

鄒孟堅 橫溪人  
中央軍校第六分校

陳豪 占頭人  
廣州中山大學

鄒鶴鳴 橫溪鄉人  
中央軍校第六分校

劉維嶽 蘇蓋人  
廣東法官學校

鄒昌儉 橫溪鄉人  
中央軍校第六分校

劉烽 岡下園人  
上海暨南大學

丁景華 湯坑人  
中央軍官學校第十期

林海珊 廣州法政專門學校

羅崇儒 羅永約人  
中央陸軍軍官學校第十六期步兵科

朱祖謙 廣州法政專門學校

吳慕文 海軍第一艦隊陸戰隊  
教導隊學員隊

鄭渭川 九河人  
廣州中山大學

羅舜亮 羅家約人  
軍政部軍需學校第十期

張志寰 建橋人  
上海復旦大學

張振寰 中央陸地測量學校畢業

豐順縣志

卷十七

選舉表

十三

汕頭鑄字局梅縣分局承印

楊師達 豐良鄉人  
廣州中山大學

楊鑑泉 豐良鄉小樓人  
中央陸軍軍官學校步兵科畢業

楊其昭 豐良鄉人  
廣州中山大學

楊朗儒 豐良鄉人  
省立勸勤大學



仕宦表

邑人李唐介丞甫編纂

文職

武職

封典 襲蔭府

隋

陳 洪 居八鄉貴人村 義安郡丞 有傳

唐

陳 政 洪之子 詳見陳洪傳 王鈴衛 翊府左郎將

陳元光 洪之孫 敦子 嶺南行軍總管 出鎮安國軍漳州

宋

羅 安 居豐田上陽有傳 任南雄府沙水鎮巡檢團官

元

羅真養 安之子 有傳 任博羅縣主簿

張德達 居建橋墟 有傳 任程鄉縣大平司巡檢

明

許 亮 前沙壩人 任神沙縣知縣 有傳 據烈傳補府志海洋志無攷

張乾福 建橋人 有傳 授都鄉長 僉軍事武德將軍

黃 勵 以子一道封承德 郎戶部主事

豐順縣志

卷十八

仕宦表

一

汕頭鑄字局梅縣分局承印

張應龍 建橋堡人 有傳 任承河陽縣知縣

吳萬雄 歷任直隸真定肇慶總兵 平廣大將 太子少保 有傳

羅拱暘 以子萬傑贈行人

吳志孔 城廂人 有傳 任分宜縣知縣

吳廷楨 歷任侍衛大將軍 貴陽總兵 提督全省軍務 有傳

吳煥宇 以子萬雄贈光祿大夫 太子少保

吳之鵬 城廂人 任武昌尉 陞署武昌縣知縣

吳鳳營 以孫萬雄贈光祿大夫 太子少保

柯化鵬 蓋田湯坑人 任浙江溫州推官

吳 偉 以曾孫萬雄贈光祿大夫

何士家 棠荆人 任湖廣衡山縣知縣

羅萬傑 上陽人 有傳 任吏部封驗司員外郎

吳邦表 以元孫萬雄贈光祿大夫

羅 浩 上陽人 任永福縣教諭

張石岡 以孫應龍贈中議大夫

何仕浩 棠荆人 任惠州府教授

張紹榕 以子應龍贈中議大夫

葉如山 大田人 任長樂縣學正

吳 龍 以曾孫建楨贈榮祿大夫

吳志恩 以孫廷楨贈榮祿大夫

吳琦悅 以子廷楨贈榮祿大夫

清

張大衡 建橋人 任揭陽縣訓導

吳六奇 鎮平鎮掛印總兵官 左都督 太子少師兼大帥 有傳

羅鼎明 以子國珍封文林郎 昆明縣

吳成象 城廂人 任封川縣教諭

蔡 鳳 守備 陞管戎鎮都司 統領 官兵防守要隘 有傳

吳廷笏 以子汗贈榮祿大夫

張 璵 建橋人 任遂溪縣訓導

朱 樑 歷任大埔廉州營游擊 加副將銜 有傳

吳志禹 以曾孫六奇贈光祿 大夫少保兼大保



曾世進 湯坑人 歷任德安建昌等知縣寧州知州

歐亮 任饒平鎮中軍 有傳

吳奇恭 以孫六奇贈光祿大夫少保兼大保

羅國珍 上陽人 有傳

楊貞 中軍參將歷任大埔中 有傳

羅利 以子元輔贈登仕郎訓導

馮秉銓 南溪人 任南陽府葉縣知縣

王金 任饒平鎮右營參將

羅象基 以孫佳雄贈昭勇將軍

吳永勛 城廂人 任江西樂平縣典史

鄒瑞 任湖廣德安府副將

羅萬善 以子昌齡贈修職佐郎

吳廷鴻 城廂人 任廣西靈山縣縣丞

楊孟 授饒平鎮參將

吳三俊 以孫鵬飛贈奮力校尉

譚 夔 任湖北盤龍司巡檢調署 河陽州州判兼攝州篆

王必號 任饒平鎮參將

吳啓卓 以子鵬飛贈奮力校尉

羅鳴鸞 萬善子 歷任桐鄉縣 善海鹽石門等縣知縣

鄭宏 歷任連州千總連陽游府 有傳

吳啓卓 以子鵬飛贈奮力校尉

朱邦寧 湖田人 歷由軍功陞任長沙府知府

吳漢 明武舉順治六年赴平靖二王投 誠授饒平鎮大埔守備瓊州游擊

鄒東岳 以孫瑞封駱騎將軍

羅仕相 上陽人 任陝西寧夏縣典史

吳 標 任江南江寧鎮中軍 參將六奇之弟

鄒晦宇 以子瑞封駱騎將軍

譚 深 大興人 任典江縣教諭

吳起豐 六奇子 任貴州安 龍總兵官

鄒時麟 以子緒功贈修職郎

譚益盛 葛布人 任浙江于潛縣知縣

吳啓爵 六奇四子 任山西大府府 兵官調署天津總兵

吳泰峯 以子亦材贈文林郎以孫世職 贈奉直大夫

張詩深 埔壠人 任雲南蒙化府 參軍調南河司巡政廳

吳啓鎮 六奇二子 為儒以蔭選光祿寺 署正以軍功改授黃岡協副將

吳開瓚 以孫亦材贈文林郎

譚嵩鵬 大田人 歷署羅福安壽寧 三縣特授平和歸化知縣有傳

吳啓相 六奇第九子 以軍功授 虎門副將

張 璋 以孫千秋贈文郎

譚宏謨 嵩鵬子 任甘肅洮州昭磨 廳司獄

吳啓虬 武舉任寧夏衛中所千總 陸軍印守備

張乾達 以孫千秋封文林郎

譚紫蟾 嵩鵬次子 任光澤南平西昌陝縣知縣從軍進川以功陞 補州代理軍遠府知府奏調江西署南昌府 張雲龍 歷任南州鎮標鎮 中平遠上總

吳奇瑞 以孫瀛達贈文林郎

豐順縣志 卷十八

仕宦表

一一

汕頭鎮字局梅縣分局承印

彭 齡 下湖頭人 任江西永豐縣主簿

吳慶平 進上仕廣州全省 提督務 有傳

吳廷瑄 以子瀛達贈文林郎

張夢龍 建橋人 任四川七都驛丞

張凌雲 武舉歷任饒平惠安 將軍鎮中平達嘉應千總

吳亦材 以子世職封奉直大夫 晉中憲大夫

彭秀宇 岡下排人 任安徽廣德州知州

羅廷柱 任浙江溫州府營千總瑞安 協鎮溫州鎮鎮見真陽瑞袍

吳亦槐 以孫世職贈朝議大夫

彭捷任 大溪背人 任福建長樂縣知縣

黃 葵 金湯人 以平猛功授饒平 營總鎮千總黃戴監副

吳世驥 以弟世職賜朝議大夫

朱孔璋 居林人 授仙遊縣知縣調桐仁 縣署為政王詳詳知蜀山洲有傳

吳鵬飛 湯田人以軍功任廣海寨 把總

吳世馴 以佳永智贈奉政大夫

譚錫璋 大田人 任湖北潛江縣分司

彭盛武 仙洞鄉人 任黃岡協鎮

朱啓元 以孫錦洲贈朝議大夫

王耀智 任清遠縣儒學 傳

譚格宇 任饒平鎮因城坑中 有傳

朱肯堂 以子錦洲贈朝議大夫

鄒繼功 歲貢仕廣州府學訓導 有傳

譚朝順 任饒平鎮外委把總

丁世美 以曾孫日昌增光祿大夫

羅龍光 進士請叙選建州府學教授

譚朝豐 任饒平鎮營把總

丁捷華 以孫日昌贈光祿大夫

陳國煌 任山西汾西縣知縣

朱應槐 武舉特授江南清 運總府

丁賢拔 以子日昌贈光祿大夫

張紹華 特授常熟縣知縣歷任東安番 馬等教諭陞廣州府學教授

元 建橋人 由千總以辦學詳功任梧州 三合營哨授右營守備管領巡防

朱依德 以子士琦贈儒林郎

張千秋 任惠州府歸善學教諭

吳 全 任潮州鎮標城守營 營前縣城守

朱丕顯 以孫士琦贈儒林郎

楊九疇 沙田人 任粵羅州導卒下任

丁 順 副將署兩廣督標右 營參軍日昌弟

朱士傑 以子煥猷贈儒林郎

中長發 任會館學諭

丁學詩 補用知縣賞戴花翎 署廣東東莞法協右都關府 署潮州澄海營參將

張鴻翔 以子凌雲贈武舉騎尉

朱攀桂 任龍川縣教諭

丁惠良 署廣東東莞法協右都關府 署潮州澄海營參將



王同書 任新會縣教諭

朱映奇 榜海坑人 由行伍署縣平千總

張鴻舉 以孫家珍贈儒林郎

黃逢清 任澄邁縣訓導

張彪 孝廉人保舉都司賞戴花翎儘先補用游擊

張得雲 以子家珍贈儒林郎

吳亦材 任馬平縣知縣有傳

杜開科 西洞人保舉千總任興寧縣城守

王錄時 以孫澹如贈儒林郎

鄭家蘭 庶常散官改授邵武縣知縣有傳

張克勤 建橋人授廣州營中衛守

王洪容 以子濟如贈儒林郎

李漢玉 任對興縣教諭

朱上標 上坑人補用江西都關府

王志郎 以子步清贈儒林郎

張騰飛 授荊州府巡政廳

丁志德 保南澳遊府賞戴花翎署碣石鎮總兵有傳

李樹金 以子士博贈儒林郎

李維楨 歷任河南汝陽濟源等縣知縣有傳

朱邦連 康坑人授興寧縣城守

譚殿序 以孫添贈儒林郎

李維彬 任屋州學正

朱白淑 上林坑人任黃崗守標

譚克俊 以孫嵩鵬贈文林郎

張登瀛 歷任寧波府經歷奉化縣典史潮州軍市巡檢

王玉麟 環清人歷任新兵營帶三江協都司林軍營長豐順縣

譚深 以子嵩鵬贈文林郎

張體仁 任湖北石橋司巡檢代理雪陽竹山等縣知縣埔舉人

公安局長

譚嵩鵬 以子步清贈奉直大夫

張啓華 署江西南洋口分司補授廣豐縣縣丞

馮占椿 番仙八人授廣東水師提標營都司

鄒示耀 以孫名標贈武署騎尉

朱鳴玉 歲貢選授廣州府仁化縣儒學

儘先補用賞戴藍翎

鄒同榮 以子名標贈武署騎尉

吳世驥 進士歷任禮部主事員外郎掌印郎中記名御史徵取以緊缺知府用

黃馮裔 番田鄉人任廣東提標千總

王元漢 以子玉麟贈武署騎尉

丁日昌 歷任兩淮鹽運使江蘇布政司兵部侍郎江蘇福建巡撫台灣學政船政

丁立鏞 任水師提標中軍參將

吳登州 以孫世猷贈儒林郎

大臣部總督銜南洋各屬大臣節制沿海七省水師有傳

丁立鏞 任水師提標中軍守備

吳亦錦 以子世猷贈儒林郎

豐順縣志 卷十八

仕宦表

三

汕頭諸字局梅縣分局承印

朱錦州 考授兵部主事署陽朔縣知事龍州知州順加道銜以知府儘先補用有傳

丁鳴盛 署理潮州城守營都司

吳世猷 以子其瀚贈文林郎

張萬熙 浙江候補巡檢任孝豐順縣典史

譚文芳 以子益盛贈文林郎

譚史 署興寧縣儒學補信宜縣教諭

陳振常 以子大受贈儒林郎

吳玉振 任新安縣儒學

張懷經 以孫定山贈武德騎尉

吳舒憲 任樂昌訓導

張清瀾 以子定山贈武德騎尉

劉在奎 任徐聞縣訓導

丁顯榮 以弟日昌晉封光祿大夫賞戴花翎

鄭松 任信宜縣訓導

丁日承 以子惠良封武功將軍

徐耀光 署鳳山縣左堂

丁惠勳 以弟惠良封武功將軍

朱啓瀚 署江山縣左堂

吳成紳 以孫鵬地徵仕郎

吳瀛達 任廣寧縣知縣

吳文煥 以孫清芳地贈儒林郎

丁惠均 任福州福興場鹽課大使加品銜

吳開楨 以子鵬騰贈徵仕郎

丁惠霖 考授巡檢署台灣鳳山縣典史

吳泰襄 以子清芳贈儒林郎

朱蕃義 康坑人任廣西宣化縣縣丞

龔庭 龔父六奇廕精奇呢哈番

吳永智 授戶部四川司主事誥授中憲大夫

吳啓豐 龔父六奇廕精奇呢哈番

丁國楨 分發廣西即補巡政廳

吳啓鎮 龔父六奇廕光祿寺署正



丁惠釗 福建興化府知府

吳成隆 署文啟爵府他喇

丁惠深 歷任泉州府馬巷撫民分府廈防府

吳開樞 襲祖啟爵府他喇布勒哈番

吳昌坤 舉人欽取國子監學正學錄

吳泰明 襲曾祖啟爵府他喇布勒哈番

邱瓊章 拔貢抗人任福建大田縣知縣

吳亦進 襲鼻祖啟爵府他喇布勒哈番

詹史 漢任 縣教諭

蔡鑑泉 襲新祖啟爵府他喇布勒哈番

王懋修 歷任廣西宜山縣知縣代理慶遠府知府

蔡湘 襲清泉祖啟爵府他喇布勒哈番

吳昌華 任戶部四川司主司陸軍部員外郎

丁奎釗 襲父為龍府啟爵府他喇布勒哈番

丁寶瑛 建福大田縣知縣

### 民國

#### 文官

吳其瀚 舉人任豐順縣知縣有傳

陳勵吉 歷任粵軍第一師第四團團長司令別動隊司令

吳耀寰 歷任梅縣檢察官順德梅丰縣推事連平和平法院院長

丁國樑 清附生任豐順縣知縣

丁培龍 歷任廣金寶堂學和船長

彭璇璣 海山院推事

王懋修 任豐順縣知縣

吳錫祺 歷任北伐第四軍團長第八路軍指揮部參謀

謝少微 歷任兩廣四會等縣推事

吳明理 其瀚子舉人任豐順縣知縣

王家驥 歷任潮安五華潮陽等縣檢察官福建和平津浦縣科長現充律師

丁培珊 清拔貢七品小京官過班知縣民國廣西容縣知縣

洪玉祝 歷任粵附營長陸軍中校廣東高州機關訓練所

### 豐順縣志

#### 卷十八

#### 仕宦表

#### 四

汕頭歸字局梅縣分局承印

李介丞 清附生民國曾任江觀察使署內務科長鎮南道尹署秘書署理開平縣知縣

陳勉吾 歷任陸軍教導師師長機械化師長

劉維嶽 歷任梅縣龍川等縣推事

吳雲裳 清考授職員署理五華縣知縣

吳佳芳 歷任廣東革命軍陸軍第八團中校參謀

吳念川 歷任梅縣興寧等縣推事

丁國煌 清附生署理普寧縣知縣

張慎階 歷任北伐軍連長司令部第四補充團第一營少校營長

吳丹華 歷任潮陽縣推事惠來縣法院院長

王家驥 清附生代豐順縣知縣

張志寰 國民政府高等考試及格歷任連平雲浮羅定廣州等縣法院檢察官兼院長

張內炎 歷任陸軍第十一師第二營營長本師獨立團少校團長

吳昌麟 現任始興地方法院檢察官

陳勵吾 歷任清遠電白等縣縣長

張廷輔 海軍司令部上校軍需處長建橋鄉

王家驥 歷任遂溪台山等縣推事

羅慶英 代理豐順縣長

鄭榮 廣東省會公安局政治部中校秘書

李瑛 歷任東莞法院檢察官現任第八師中校軍法官

張之瀚 選士豐順縣縣長縣立師範講習所長

鄭亮 少校營長江門勸匪殉難

譚炳奎 歷任建國政府地方法院推事廣西廣縣分庭

吳式均 歷任吳川河源等縣縣長

張廷輔 海軍司令部上校軍需處長建橋鄉

檢察官

陳庸 歷任豐順翁源等縣縣長現任第七戰區司令部上校科長

吳聘我 任國民革命軍第四師中校政治指導員

饒公球 廣東法政學堂畢業歷任普寧平南各縣

王五良 歷任豐順潮安等縣縣長廣西省政府參議廣東第五師團長

吳亮初 任第八十師副師長少將高級參謀

監獄官派員律師公會會長

王楚材 原名家樑任兩廣鹽運署秘書平南鹽務總局長

陳成偉 任陸軍一六五師第二營少校營長殉難

吳學徵 前任豐順分庭檢察官

張健民 梅縣總務科長擢代梅縣長

陳林鋒 歷任上校團長補師團主任

羅克典 任豐順縣縣長廣東民廳觀察

鄭宗可 現任陸軍六一師上校團長



王乃勛 歷任汕頭公安局秘書  
廣東省民政廳視察

丁培綸 現任第十二集團軍  
少將處長

鄭紹玄 廣西省黨部執行委員

丁辰生 曾任中校軍需

張鑑初 追隨總理革命有年中國國民黨暹羅  
總支部執行委員國民政府銓敘簡任官

徐名鴻 歷任十一軍政治部主任  
十九路軍總部秘書長

吳桂芳 豐順縣督學局長  
教育局長

吳祖芬 邑附生任國民革命軍第  
十四軍司令部少校諮議

張騰光 豐順縣教育局長

吳柏蒼 任少校自衛大隊長

張道 豐順縣教育局長

李其章 歷任第八路總指揮部少校副官現任粵籍  
邊區總指揮部副官兼防空指揮部主任

吳思存 豐順縣教育局長

張奮鵬 歷任稅警團少校連營長

王乃宣 豐順縣地方行政幹訓所  
教育長

張扶漢 曾任獨立廿旅少  
校政治部指導員

鄭渭川 豐順縣黨部書記長

吳克諧 國民革命軍第四軍中校軍需  
第九戰區兵站總監部中校科長

李昌明 豐順縣黨部書記長

鄭德能 第七戰區長官司令  
部參謀長中校秘書

鄒仲平 曾任兩淮草浪場場長

羅致通 歷任駐觀鰲同鄉  
艦長海軍部參謀

林振標 西浙清泉場場長

陳傑 歷任海軍飛鵬海圻  
艦長梧州下關總辦

鄒一鳴 廣東大洲場場長

王用光 現任第七戰區長官  
司令部上校科長

楊競華 汕頭督辦公署科長兼充汕頭民衆通  
訊社社長汕頭新聞記者公會董事

王同文 現任第九戰區兵站  
第三支部上校部長

彭超文 曾任考選澄邁  
縣自治科長

王志恂 現任上海總監部  
上校警衛營營長

豐順縣志

卷十八

仕宦表

五

汕頭鑄字局梅縣分局承印

王志恆 現任第九戰區兵站  
第三支部少校交通主任

王新 現任中央陸軍  
直轄中校營長

王文新 現任第九戰區兵  
站分站少校站長

王作新 現任運輸總制局監  
察處少校檢查員

王輯宏 現任第九戰區第  
三支部少校副官

王子傑 現任湘贛軍  
庫少校車長

王悅民 曾任第九戰區兵站  
第五支部少校經理

王子芬 曾任粵軍炮兵  
營少校營長

王公寰 曾任第十五集團軍  
五十二軍中校參議

丁培慈 現任第十二集團  
軍上校秘書

丁國璆 現任第十二集團軍  
經理處上校科長

丁懋 現任第七戰區司令  
部挺進隊上校參謀

丁國英 現任第十二集  
團軍中校經理

王鴻模 現任第四戰區  
司令部少校副官

吳洞達 現任第二軍七師二旅  
三團少校衛生隊長



曹其華 現任第九戰區政治部上校宣傳隊長

徐名東 歷任國民革命軍陸軍二六師上校政治部主任一七六師上校軍需處長

曾壽南 現任國民革命軍陸軍十一師上校軍需處長

曾壽仁 現任第六戰區軍糧處少校科長

彭國寰 現任中央陸軍學校第四分校上校教官

丁祥麟 現任第七戰區特務隊上校隊長

徐影三 現任湖普揭地方團隊司令部中校副官主任

徐晉陞 現任國民革命軍第九軍中校團附

丁雙興 現任廣州航校飛行軍事教官

吳昌慶 現任廣西陸軍測量處局上校教育

吳煜南 現任挺進隊第二縱隊中校軍需

羅廷鑑 曾任陸軍第十二師少校軍醫處患師營區第三補充團少校醫官

吳慕文 現任國民革命軍工務社昆明辦事處第三處庫少校庫員

吳明文 軍事委員會特別訓練班少校政治指導員中校教育別動軍技訓班中校教官

羅舜亮 現任陸軍第七十軍司令部少校軍需

豐順縣志

卷十八

仕宦表

六

汕頭鑄字局梅縣分局承印

羅舜洋 現任粵閩贛邊區司令部政治部中校科長

張建勳 廣東虎門要塞沙角下游台長銓叙少校

張兆藩 廿五歲團軍總司令少校參謀

張杏芬 第六戰區長官部特務營少校參議

吳鴻杰 軍政部三補訓第三營長

吳其中 軍政部十三補訓第二營長

吳年 現任第九戰區幹訓團少校軍事教官



列傳一 政績

邑人李唐介丞甫編纂

宋 陳堯佐

丁日生

清 張十璉

張邦泰

葛 曙

錢誦清

吳蘭澱

張 璿

沈 霖

馮寶封

秦 泰

李洪毓

傅孟修

趙培蘭

王雲奇

鄧衍憲

林兆鏞

單夢祥

宋

陳堯佐字希元四川閬州人以試祕書省校書郎知朝邑縣會其兄堯叟使陝西發中人方保吉罪保吉怨之誣堯佐以事降縣主簿徙下邳遷祕書郎後遷府推官坐言事忤旨降判潮州修孔子廟作韓吏部祠以風示潮人咸豐二年己亥夏有陷隍村民張氏子張章年十六偕其母濯於江矣忽爲鱷魚尾去其母號弗能救泊中流則噓之無餘堯佐聞而傷之乃令縣吏李公召郡吏楊勛拏小舟操巨網往捕之二吏投網集百夫曳之以出鱷至暴非可網得至是竟弭耳受網作文示諸市以烹之人皆驚異事聞於朝召還值史館著有潮陽編其網得鱷魚處今至名爲網鱷溪詳古蹟

清

張士璉安邑人雍正三年以進士知海陽縣事端方謇直練達廉靜修海陽縣志縣有豐政都其地僻遠處萬山中向有抗官拒捕等習時仲坑諸山出產銀鉛礦徒嘯聚久爲盜藪士璉乃嚴查保甲慎選約正俾互相稽察積弊以釐一方敕寧旣念其僻遠凡輸糧應試及對簿跋涉艱難遂諭里民僉呈乾隆二年總督鄂彌達巡閱至潮士璉旣陞任廣州鄂督復申前議力贊成之豐順建縣實士璉之力居多後擢陞惠潮嘉道縣學宮建立基地亦士璉出巡蒞縣時所核定傳聞其精青烏術云

葛曙字生洲餘杭人乾隆八年以名進士署理豐順縣事時邑治初建規制未備前令皆草創未就而去候蒞任乃經始建造大興土木舉文武署廨學宮壇廟關隘城垣及書院以次完成縣城分拆海揭嘉埔四邑邊鄙成治而仲坑大寶諸山自明季礦徒鬻集往往爲地方患建縣方始治具未張其疲難不易理可知候乃釐定章制教養兼施寬嚴並用三四年間遂致盜息民安百廢俱舉蔚然新邑規模復手纂縣志八卷凡輿地建置經政風俗物產人物諸大端悉心採撫釐然有當足備後來爲治之具其有大造於豐邑者如此旋調新寧全邑士民皆遮道攀轅送之其遺澤至今猶嘖嘖人口也



吳蘭澂浙江建德人附貢捐知縣乾隆二十二年授知縣事興利除弊卓有政聲旋有倖滿入京引見奉旨回任先後在豐十餘年洞悉地方情形民生利病故爲治能批隙導窳政簡刑清奸滑者無所逞其術風教尤爲之一振

沈霖武進士乾隆五十二年由舉人大挑授知縣事清政廉平案牘餘暇輒耽研經史每有著作士林傳補之旋舉行縣試力疾評閱考卷不稍忽既而病劇家人咸知公宦囊如洗若一旦不起則殯且無所歸有勸以將縣試大榜首名出脫者謂可得白金千數以濟緩急公忽然曰吾生平不任受財賄試士爲國家掄才大典豈容屈抑真才自玷清白決不爲此昧心墮行之舉既憑文揭榜士論翕然尋卒于縣署邑人哀之

秦泰金匱人乾隆間先後任縣事歷八載勤政愛民作育多士簿書之暇嘗觀臨鵬湖書院集生童講學諄諄不倦復于書院廳前建造三屋樓閣左右增築廂房十餘間爲院生住所所以廣育人才其昌明文教有足多者若壇廟祠宇捐廉倡修爲數尤多

傅孟修福建南安人嘉慶六年由進士知縣事勤恤民穩培植人才每遇大比設爲賓興集應鄉試員生舉行考課爲評甲乙以預決中選並公譙贈資倍加鼓勵性至孝大君迎養署內侍奉必親柔聲愉色承歡無間每審訊訟案必稟告而後升堂判斷訖必縷陳情節俟大君命之退始釋冠服其至誠如此

王奇雲江西安福人嘉道間蒞任縣事先後三次慈愛爲懷聽訟尤勤慎先是縣試無考棚向假縣署學  
**豐順縣志** 卷十九 列傳一 一一 汕頭鑄字局梅縣分局承印  
宮兩處分考應試士子往往因坐位不敷紛擾殊甚公乃捐廉倡邑紳擇城內舊守備署廢址改建文昌廟左右分設兩廡編列坐位壹千三百餘號其嘉惠士林邑人感之

丁日生江南昭文人由附貢知縣事清慎公明光緒十二三年邑屬連歲大饑餓殍盈野而奸宄叢生畿釀大亂貧民每因借貸不遂或以口角細故動輒服毒圖賴借命勒索一般狡黠棍徒遂從中唆擺因緣以爲利一經報官相驗往往案未結而蒙其架陷者既傾家蕩產矣公廉得其情乃出示嚴禁凡經驗確即將本案親屬分別重究不加株連一切差役雜費概由官給不准向被告需索分文澆風頓息復將禁示泐石垂爲永例

張邦泰江西泰和人道光二十七年由舉人署理縣事勤恤民隱清慎自勵尤能崇獎學風嘗以字學七種類書分送士林勸導講求小學每朔望詣各廟行香畢即傳集城鄉士庶至書院聽講賢論並飭學童誦習孝經及朱子小學察其勤敏者分別獎給復捐廉白金置產生息爲每科鄉試士子卷費蒞事年餘遽謫任澄海縣士論惜之

錢誦清無錫人同治四年由附貢保舉署理縣事賢良明幹十月十八日抵任未浹旬適江南餘黨僞康王汪海洋大股由閩竄踞嘉應州即傳諭四鄉設局募勇團練預爲戒備時左宗棠督統大軍專辦贛閩粵三省軍務駐節三河以賊勢窮蹙乃定四面合圍之策指揮各軍節節進逼汪遂于塔子坳戰役被軍官擊斃僞王譚休仁統其衆見官軍圍逼遂取州南間道竄入縣境錢令聞耗以邑北鄙緊界嘉應雖



萬山重疊而北溪分水凹實爲嘉應入縣問道凹內有逕渚一段懸崖峭壁下臨深澗僅有鳥道可通乃星夜督集鄉壯將道掘斷迨譚逆大股十餘萬浩蕩至前鋒人馬皆墮崖死深澗中積屍齊徑後至者皆踏屍骸過及抵北溪山村輜重盡失至搜取山上骨罐蓋爲炊具其窮逼可知時官軍數千人屯紮大田白溪壩未敢進越二日復整旅出詎至北溪村口見阿婆嶂亂山層疊疑爲又陷絕地亟將嚮導格斃折回遂相率薙髮易服四散潰竄迨逾旬大軍繼至始招降尙收集餘賊三四萬人積二十餘年擾亂十數省之大平軍至此遂遭殲滅此雖窮寇自蹈絕險然亦錢令臨機善應與邑人奮勇掘毀路徑之所致也事後錢會臚舉在事出力紳耆詳請獎叙奉准加文武學額及獎叙多人至其芟剔縣署陋規力除積弊諸善政亦多可稱者

張溶甘肅古浪人同治九年由惠來調署縣事廉明果斷不避強禦不任徇人視事僅三月一切新舊詞訟案件當堂剖決二百餘卷之多輿情翕服其吏胥差役概不准向原被告需索花費其清正如此馮寶封桐鄉人同治六年署理縣事蒞任後卽興修城隍廟旋倡修學宮並於樞星門右建八角亭嗣以潮州城內軍廳巷舊豐順倉廢宇傾頽倡邑紳募貲改建鵬湖書院登瀛堂爲賓興之所在任三年政通人和禮賢下士爲治以勤能廉平著稱

李洪毓湖北沔陽人同治十三年署理縣事蒞任後力裁革衙舊惡役向有陋規積弊概行剔除治化一新旋奉令陞調邑人以好官難得環乞留任晉省後大吏令准回任乃捐廉倡邑紳興修西門堤岸及萬壽宮火神廟建復陷隍倉諸要公所有簿書案牘必親自經理聽斷特平撫綏治富尤致意提倡文化培養士氣且事親至孝臨去任奉母命捐廉百兩設局紳生息爲芟除斷腸草費其愛重民命之心可謂無微不至在任三載善政頗多而宦囊如洗洵無忝邑人挽留也

趙培蘭山西崞縣人光緒二年由舉人特授縣事清廉惠愛不邀譽沾名邑紳非公不見署內僕役僅數人詞訟案牘必親自裁判聽斷特平考校尤認真每下鄉勘驗不多帶差役所需公費概自支給力戒差胥擾民積習在任五載政簡刑清允稱良吏

鄧衍憲河南人由進士特授縣事前後十餘年剛方廉靜寓寬於嚴吏民咸敬畏之深悉地方利病民情奸僞非正紳賢士不許謁見專裁抑劣棍強豪以故政令肅然訟庭爲虛雖無甚建設而政簡刑清四境寧禮萬民安樂署內右廂房傾地侯乃改建廳事一楹顏曰幅輻無華齋其以安靜之吏自勵可見又撰木勝聯懸大堂云姑息適以養奸儒民官矜亂民勿宥安靜卽能造福日計不足月計有餘

林兆鏞號棣之黃岡人光緒二十七年由舉人署理縣事自懷官箴政平訟理時值庚子八國聯軍陷北京兩宮西奔舉國人心驚惶侯素洞達中外大勢督導紳民力持鎮靜勸勵士林講求時務縣試考七場尤特別認真能憐才愛士其清才藻鑒風義有加非俗吏比也旋調署歸善首縣以新任惠州府索供肩輿百輛不之應大守某滿人以自恃上級挾之遂自請撤任並參劾之其風厲于此後擢任廣西臬司單夢祥號繩武山東黃縣人光緒三十年由進士特授縣事適北勝一隅遭甲辰洪水巨災之後瘡痍滿



目五華會匪邱義山鍾富山陳滿等竄匿普豐邊境誘人拜會肆劫掠猖獗異常侯蒞任按鄉村清辦親率縣勇星夜入大埔境老竄窟山中手擒匪首鍾富山殺之凡入會亂民分別處治責成紳耆約束或緝送設潭江小勝產溪各保安局遴正紳董其責力謀善後恩威並用小數月遂告肅清凡四鄉利病民間疾苦皆能洞燭無遺時清廷方變法預備九年立憲邑屬素貧瘠又風氣未開侯推行新政如設學校興實業辦警察自治禁烟調查戶口編訂門牌諸要政皆籌畫縷縷非費不舉侯殫精竭慮次第措施未嘗責民間攤派分文凡詞訟獄囚皆剖決如神尤善于勾攝實情故無枉無縱其起擲勒交法變化層出皆出人意想所不及遇案關情罪雖豪強巨紳不稍瞻徇其精明幹練爲歷任所未見至于優禮正紳引用士類爲助裁抑貪劣激濁揚清以教化爲務具得爲治大體大吏每遇鄰封匪亂或發生劇變輒檄令借理任內曾一調饒平而兼攝嘉應均以事竣始回前後四年民情悅服境內肅然咸稱頌爲神君皆由侯之廉潔自失慈愛善懷精明果斷勤勞固懈有以致此宣統三年秋調陞高要首縣邑人依依不舍贈送屏匾傘帳者接踵遺愛去思雖紳耆士林農夫野老皆異口同聲今猶稱道不衰焉

案自開縣迄清末二百餘年歷官百人舊志著錄政績者僅十二人本志增補四人共得十六人甚矣好官之難得也查舊志德政祠人祀者十三人中未著錄政績者有楊時行馮寶封區文龍三公楊區二公舊志均無事績可攷惟馮公修學宮城隍廟及建登瀛堂諸政散見舊誌夫旣以德政祀其人而不紀其政績未免疎漏茲僅詳就有可攷見者補錄之

## 豐順縣志

### 卷十九

列傳一

四

汕頭鑄字局梅縣分局承印

### 列傳一

流寓

(以有文字事蹟留遺于地方者爲限)

宋 鄭國翰

陳燕翼

朱 憲

張 翹

楊萬里

郭之奇

黃公度

馮元颺

明 郭子章

吳元昌

黃 華

辜朝采

盛端明

陳衍虞

郭 成

謝元汴

邱 京

清 鄭 濂

麥天縱

黎偉光

吳贊誠

李文田

民國 上官雲相



何春帆

劉志陸

黃麟書

李郁焜

宋

鄭國翰字寧夫揭陽藍田六圖人紹興十八年戊辰進士初授莆田令歷官兵部郎中見國事日非遂致仕歸里乃築書莊于湯坑之飛泉嶺下集生徒講學其中以澹名軒學者稱爲澹軒先生朱子遊揭陽嘗主其家名益藉甚

朱憲字元晦婺源人紹興戊辰進士與鄭國翰同榜官秘閣修撰嘗遊揭陽寓國翰家偕入飛泉嶺盤田書莊遂次賦七絕句云梯雲石磴羊腸遠轉壑飛泉碧玉斜一路風烟春淡泊數聲雞犬野人家復手書落漢鳴泉四大字榜諸攬勝亭並鐫之石壁

楊萬里號誠齋吉水人南宋四大詩家之一也紹興二十四年進士知漳州調廣東提舉常平茶鹽平沈師亂督師至潮過湯坑瘦牛嶺有絕句云行盡天涯意未休循州過了又梅州半生不貫乘肥馬老去須教過瘦牛時萬里經梅州之田彭舖過豐政都取道瘦牛嶺至潮登韓山復觀于海以沈賊竄潮故也

黃公度字師憲莆田人紹興八年進士第一人十九年擢判肇慶府攝南恩守治事之餘以讀書著文爲

豐順縣志

卷十九

列傳一

五

汕頭鑄字局梅縣分局承印

樂題詩隆蔭堂句簿書休更早花塢向人閑又增學廩釋秀民與之登降揖遜學者用勸邦人像而祠之及召還過瘦牛嶺有詩云自嘆年來爲食謀扶百指過南州時平四野皆青草此地何曾見瘦牛

明

郭子章廬陵人泰和進士萬曆間知潮州有才名政尙整肅著潮中雜記補前志所未備學者稱爲青螺先生嘗宿站口產溪驛有詩一律云產水驛前洄陷隍路旣開海雲隨浪捲竹月破窗來猿鶴時相狎鱷鯨不用猜秋聲飄嶺樹歸草繞鄉臺

黃華德華人嘉靖初爲程鄉欖潭驛驛丞以驛站公務赴饒平過小陂隍有詩云連山不可極黜處見人家野廟依喬木孤烟帶遠沙竹園千畝綠驚破一溪霞何必秦人谷偏誇兩岸花

盛端明字希道海陽人父鳳儀爲安溪學正掘地得宋端明殿學士希道先牛碑故名與字取焉宏治戊午科解元壬戌科進士選庶常歷官右副都御史督南京糧儲被劾罷家居十年嘉靖中復起用爲禮部右侍郎尋拜上郎尙書加大子少保著有程齋彙稿行世卒年八十一贈大子大保謚榮簡先是端明家居時海寇邱泥金程鄉賊梁八尺等先後流劫海陽乃避居隴隍虹嶺山南麓閱五六年其故居舊有盛宮保粟主相傳其先世原居隴隍今隴隍東洞北洞及雷洞山三處均有宮保先代墳墓存在惟故居棟宇近已傾圯

郭成蜀敍南衛人降嘉元年授潮州鎮總兵官時屬邑賊巢以百數成督諸軍平之嘉靖末蘇繼相據藍



田黃寨自稱天一大王至是竄入鄉山成搜勦次入鄉小灘見七婦人渡水語以賊巢所在并進勦日期後平賊果乃其言成爲之立廟至今里民崇祀之稱七聖廟其灘亦名七娘灘

案郭城葛志誤作郭成松攷通志潮州府志等傳及職官表俱作郭成無松字應更正邱京字禹平號稼堂仁和人幕游潮州工詩嘗過產溪有竹枝詞云產溪渡口暮春天月色臨江收瘴烟聽徹蠻歌渾不解柳邊棹出蛋家船

案石狗村有蛋家灣以地名詩句証之在明代韓江間邑屬尚有蛋民浮家泛宅也

陳仲謀燕翼官大理寺卿隆慶四年奉命巡撫閩粵至建橋以其地上隔程鄉下界海陽均鞭長莫及而寇亂猖獗諭紳士張乾福招募丁壯築土城以資保聚並保舉乾福爲六品都鄉長僉軍事乾福因散家資數萬督衆興築深溝高墉立東西南北四門即今之建橋園張翽泰興人由進士歷戶禮兵各部主事以建武宗廷杖繼以議大禮兩杖闕下謫饒平縣典史直聲震天下不以遷謫介意吟咏自適日引諸生講經課藝嘗至湯田遊溫泉有詩云十里青郊路看山興未窮乳泉溫石大茆屋貯春風野老追隨久康衢笑語同武陵幽絕處只在小溪中後召還巡撫延綏以籌邊奏功陞兵部侍郎著有南村集

郭之奇字仲常揭陽人崇禎戊辰進士選庶吉士任詹事以忤溫體仁周延儒乞假歸省時邑寇葉阿婆張文斌等逼揭陽城之奇捐募壯士與知縣馮元鸞率兵追擊同宿于上陽賦聯句詩之奇試劍雲初集元鸞投戈日未傾食漿明俗厚之奇袞帶引清風鳴遠回春氣元鸞村雞促夜聲愁聞五更角之奇不盡

## 豐順縣志

### 卷十九

列傳一

六

汕頭鎮字局梅縣分局承印

壯悲情越日後追賊入長樂後永曆帝駐蹕肇慶詔促赴行在力謀匡復尋晉禮部尙書歷十餘年閉關奔走百折不撓卒殉國賜諡忠簡著有宛在堂集

馮元鸞字爾穀慈谿人天啓元年進士授揭陽縣知縣追寇宿上陽即夕與郭之奇賦聯句詩後官戶部給事中有直聲拜兵部右侍郎遷兵部尙書

吳元昌字子玄海陽人興化府教授能文章喜佛學得宗門單傳直指之法甲申國變元昌以身處萬里攀髯無從痛哭泪可盥面乙酉黃海如圍潮州之亂避居九河扁山岩鄭青莪館之山陬茅屋臥病月餘中夜皆喃喃念佛既而辜朝采陳圖公亦至元昌靜穆寡言間接警欬多低語獨話及君親大故駭棘黍君之事則眉張髮豎目眦欲裂丙戌福建陷棄儒服披緇爲僧尋殉節于漳州

辜朝采字願小海陽人明諸生讀經史不屑屑於章句之學兄朝璽貴獨蕭然物外築四香堂聚書萬卷鍵戶讀所交皆一時名士著述甚富乙酉與陳衍虞避亂九河扁山岩日與衍虞相唱和久乃歸去

陳衍虞號圓公海陽人崇禎戊午舉人兩修郡志著述宏富有蓮山集乙酉遭亂被賊追捕幾爲所得走避九河扁山岩途遇辜朝采與俱奔至碧巖東方已白鄭青莪館於山陬茅屋中二榻先有一人在呻吟臥視之則吳元昌也大喜相與聯榻而居衍虞有客辜小願詩四章其一云走戟挑刀記逐忙驚魂猶在水雲鄉踰踰兩夜荆榛路信宿蝸廬瘴嶺陽云云即言逐居扁山時也詳見古蹟類

謝元汴字梁也澄海人崇禎進士甲申聞京師陷北向痛哭未幾南都陷唐王監國福州元汴許赴天



與行在上疏陳事旋奉使宣慰兩粵充冊封三藩副使便道奉母避居于邑屬大田社之泥塘授徒而食顏所居室曰霜山草堂意在謀收集仲坑山礦徒以爲用仲坑山密邇坭塘明中葉採銀鉛礦有工人二十餘萬衆至是嘯衆在山往往爲地方患元汴與羅萬傑李士淳賴其宵聯結及郝尙久反正謀響應爲匡復明室大計既而失敗元汴居坭塘七年自序所云我所居在窮山短水者也著有霜山吟放言燭言陶吟諸集庚子至廣州觀察知永曆已亡諸義兵亦盡陷乃謀奉母歸潮州詩詳見古蹟類惠士奇督學廣東刊元汴文爲嶺南三大家之一

## 清

鄭濂字廉水餘姚人舉人康熙二十二年知揭陽縣事興利除弊風俗一新尤能禮賢下士建尊經閣修縣志濬玉窖河立義學揭人稱爲良吏嘗至湯田遊豐溪溫泉賦湯泉詩十六韻結聯有我其欣此泉酌之將滿腹句詩詳古蹟類

麥天縱香山人副貢康熙十九年任海陽縣訓導嘗遊龍祖寺賦詩云不遊龍祖寺安識洞中奇伏石多驚虎逢僧忽訝師入雲依五色掬水味三危支遁愛山切應留借一枝

黎光偉順德人舉人雍正六年任揭陽縣教諭嘗慕飛泉嶺之勝蟠履羣幽過礫下鄉古寺訪鄭國翰書且攬勝亭遺蹟搜拓朱子落溪鳴泉遺蹟石刻呼童僕披荆斬棘久之始得復攀登嶺頭賦詩而歸有登飛泉嶺訪朱子遺蹟詩一章云五嶺東南障飛泉號揭陽與形通粵險戍壘入秦荒路恍天台似仙疑鶴

## 豐順縣志

### 卷十九

列傳一

七

汕頭歸字局梅縣分局承印

嶠藏捫蘿緣鳥道理策遶羊腸古木盤千曲幽巖漱百芳我來尋篆蹟磨石認靈光風景如繪自是身歷其境者之詩

吳贊誠嶺南分巡道同治四年以搜勦太平軍餘逆駐沙田圩與楊金聲陳期昌緒紳款洽甚歡臨去賦留別詩云亂山行盡見桃源斗室蕭然絕市喧嵐帶晴烟青入畫溪環茂樹綠當門情移圖史新知拓歲稔桑麻古處敦愧我風塵倦戎馬雪鴻一夕爪留痕贊誠後累遷巡撫

李文田順德人咸豐己未科進士授翰林院編修歷任各省學政工翰墨光緒初寓邑紳丁日昌家遍遊湯坑山水屢月文田精研青島之書今犁頭山下丁大夫人墓地卽是時所擇初擬湯坑之內嶺因爲李氏祖墓所在始改卜並爲書李氏火德公祠額謂是地可改建祠堂云

## 民國

上官雲相浙江人任浙軍參謀長十三年督師入潮與粵軍戰于飛鵝嶺兵敗隻身溯韓江東岸行薄暮至小產村人胡筱石以雲相行憫憐之館于家時潮梅皆粵軍屯駐胡勸其不可行居留月餘日借書卷吟咏自遣胡亦厚待之臨去猶依依曾手書宣德帝答神語風吹不響鈴兒草雨打無聲鼓千花爲聯贈胡後雲相任集團軍總司令屢致書招胡往南京居總部後方所以報之者甚誠云

何春帆連縣人歷任中山大學教職員連縣縣長二十五年任廣東省第五區行政專員兼保安司令抗日戰役潮汕淪陷遷治邑之布心春帆館溪上小學校謀策動民衆抗敵遣使招邑紳李介丞商方畧聚



米盡灰談屢日夜李賦詩酬之有日斜溪上官廚冷杯酒臨風借箸籌之句春帆後爲李所著明季嶺東山岩記作序詳藝文

劉志陸字偉軍梅縣人歷官至遠威上將軍勳三位抗日戰役任廣東第九區自衛團統率委員策洪之政等克復南澳倡設梅西水利截河築壩旋任廣東省政府委員兼第五區行政專員保安司令遷至小湛山麓興建七壁茅屋多楹具園林之勝以區屬糧食缺乏創築山塘墾山田種山禾木薯之策督令邑屬實施謀自給世稱之爲三山運動召集邑紳組建設促進委員會倡築黃花村楊門集赤米田潘田山塘多處墾山地千餘畝植木薯數百萬株復集資百萬組韓江企業公司關嶂背爲墾殖場謀設造紙廠於石狗汲汲卜遑因屢督師抗敵積勞致疾而卒潮梅民衆聞之無不哀悼者李介丞將在企業公司所遺桐苗于嶂背黃花村兩地方分造劉公紀念林場並於潭澳縣立中學校建紀念堂

黃麟書龍川人歷任廣東省政府委員兼教育廳長二十九年秋以政務視導團主任蒞縣與第五區行政專員劉志陸率同縣長劉禹輪潮安縣長吾汝泰饒平縣長陳署木南澳縣長洪之政民政廳視察王乃勛廣東省府參謀黃玉明古無我至黃花村視察山塘墾田並留題姓名錄於村口溪石上李介丞刻其石

李郁焜號少炎中山人歷任廣東省軍政長官三十年調任第五區行政專員兼保安司令遷治于湯坑之穎川以區屬各縣械鬥層見特懸千金徵求銷弭械鬥詩文將所取馬道穎李介丞劉遜鄉前三名詩歌卽發各鄉以資化導復創保造產辦法通飭屬縣督各保一律墾田二畝種植雜糧歸爲保公產並擬改辦縣立第三中學爲模範學校

## 豐順縣志

### 卷十九

列傳一

八

汕頭歸字局梅縣分局承印

## 列傳一

仕官文

隋 陳 洪政元光

吳之鵬

宋 羅 安

元 羅真養

何仕家

張德達

柯化鵬

羅萬傑

明 黃 勳

黃一道

張應龍

吳志孔

## 隋

陳洪八鄉貴人村人先世家穎川隋爲義安郡丞因居留八鄉貴人村遂爲揭陽人子政用良家子以武功著隸廣州揚威府唐高宗總章二年泉潮間蠻獠嘯聚亂民苦之僉乞鎮帥有威望者以靖邊方朝廷



以政剛果敢爲謀猷克慎進朝議大夫統領嶺南行軍總管事鎮綏安偏禪自許天正以下一百二十人俱稟號令比至鎮羣蠻來侵自以寡不敵衆退保九龍山奏請益兵朝命政兄敏暨兄敷領五十八姓來援敏敷遣卒母魏氏代領其衆乃進師入閩屯雲霄鎮政卒子元光繼領會廣寇陳謙連結洞蠻苗自成雷再興等進攻潮陽陷之守帥不能制元光以輕騎討平之永隆三年盜起攻南海邊邑循州司馬高琬受命專征檄元光潛師入潮岱開道襲寇壘俘馘萬計嶺表悉平還軍漳州事聞進元光正議大夫領嶺南行軍總管嗣聖三年元光上疏言周官七閩宜增爲八請于泉潮間建置漳州詔從之即令元光鎮撫由是北距興泉南諭惠潮西抵汀贛數千里無烽火之驚號稱樂土鄉人以陳氏數世貴顯而附從爲編裨將校因之而官貴者咸爲閩里光故稱其所居里曰貴人村稱其村曰西南大山曰貴人山厥後苗自成雷再興之子復起于潮元光聞報遽輕騎禦之爲賊將藍奉高刃傷而卒遂葬于綏安之大峙原事聞贈右豹韜衛大將軍詔立祠廟祀之元光鎮漳後遂家于漳自是其子孫遂爲漳州人

案揭陽志陳洪爲義安郡丞因留居爲揭陽龍溪人潮州府志唐陳元光揭陽人祖洪隋丞義安郡因留居爲黃阮新舊通志同豐順葛志揭陽龍溪郡於嘉靖四十二年割隸海陽並無貴人村地名乾隆三年設豐順縣揭陽屬分割地方內有貴人村居民多陳姓但其有知其先世者云今攷貴人村貴人山在八鄉境舊屬贛田郡拆自揭陽由飛泉嶺經石子溜至貴人村凡六十里據方輿紀要一統志古贛田隘一名石磴飛泉徑置石馬營自秦漢迄隋爲南北通道所必經謂即秦戍守揭陽嶺之最南關隘

## 豐順縣志

### 卷十九

列傳一

九

汕頭縣字局梅縣分局承印

是陳洪所居于隘內之八鄉貴人村實扼南北通衢也貴人山高四千餘尺跨揭陽五華二縣界亘百里貴人村依山爲屏形勢雄偉爲八鄉中之最大村八鄉居民向以陳許魏三姓族爲大自昔皆以剽悍著稱隋唐之際嶺南羣豪皆收集土著之衆以立功名如馮映寧長真鄧文進區澤陳集源諸酋豪皆屢世承襲若陳洪亦其一也政所統之許天正以下一百二十八員敏敷所領之五十八姓在當時皆環所居土著之雄長相習有素故敏敷敷道卒其母魏氏能以一婦人代領之史傳稱政用良家子以武功著者殆由如此朝野僉載稱元光爲嶺南酋家尤爲政父子習用土著之明証不然陳洪居八鄉未久非父子善能用衆而能挈地方之羣雄乘時奮起而立功名又豈易致八鄉之人從而改易其山川村里之稱謂因其一家之顯貴而名之者哉溫廷敬書元光傳後謂元光鎮漳後子孫居漳及王審知入閩遂自附會爲光州固始人漳志傳因之又謂通志實本揭陽潮州二志當日必有所本非必地方志附會賢哲之習溫氏于此言因未及知貴人村山由陳氏之貴顯而得名之信據但謂必有所本而已介承以爲自陳洪留居後政及元光兄弟父子生斯長斯其爲豐順之八鄉人有確然不容疑者在也

## 宋

羅安上陽人原籍福建莆田縣任南雄府沙水鎮巡檢司園官羅官後值宋末亂擾乃卜居贛田都上陽鄉三龍上遂爲揭陽人安負才智以厚重稱上陽本沃土安任園官久習治生產迺遷適理大啓爾宇既



致富建羅寨庵延師課子既歿葬于白石嶺即今上陽羅氏始祖

## 元

羅真養字朝奉上陽人安之長子真養博學多通以才行著元至元年舉人才選授博羅縣主簿既罷官遂不復出

張德達號坦齋字小四原籍閩之寧化元至正間任程鄉縣人平司巡檢十一年辛卯輩寇陳滿嘯聚爲亂陷梅塘寨踞太平司署連陷城邑二十年招討使陳梅督師進討德達蒞任統義勇協勦遂克梅塘寨卒滅寇寇既罷官以寇亂挈眷居豐政下湯之康坑時海內義師颺起因賦詩有一四海爲家男子志何須翹首白雲鄉之句遂不歸原籍乃卜居于程鄉之建橋堡及大祖定鼎當道招德達仕許不赴永樂六年贈永德郎即今建橋張氏始祖也姪良輔號大一郎儒雅有幹才隨德達來此於洪武五年遷居李寨村即今雙螺口之李姓始祖

## 明

黃勳字守勳藍田上陽人讀書務體要不屑于章句平居無戲語雖盛暑必衣冠危坐展卷端肅如禮聖賢年十九登成化癸卯科舉人丁未授江西新淦縣諭曰修己教人一也以振士風崇正學爲已任日與諸生講誦具費俱不受且周貧者或疑其矯勳曰廉吾素也豈以顯晦易操耶又曰言語與心術異德之賊也閱六載還慶遠府教授以氣節勵俗見郡守長揖而已守督過不爲勳歲餘謝病歸山樂道終其身嘗手書恭默憂勤中正六言訓其子一道曰終身佩服也參通志揭陽志修黃壹道字唯夫號月溪上陽人勳之子幼承家學舉宏治甲子科鄉薦嘉靖辛巳科成進士授戶部主事奏革漁蠹疏繼疏議大禮出守興化府以正學率諸生訓民隱清滯勸政勵治建寧海橋築長城堤民受其利爲立祠刻石以誌功德歸田後寓居揭陽西門內久之遂家焉

## 豐順縣志

### 卷十九

列傳一

十

汕頭歸善局檢校分局承印

身嘗手書恭默憂勤中正六言訓其子一道曰終身佩服也參通志揭陽志修

張應龍字仰雲建橋人早失怙母王氏教育成之屢試未售就調廣糧儲道楊憲幕綜理簿書爲楊所倚重天啓元年出爲臨漳縣主簿應龍負幹才與邑紳周瑞交善周官吏科給事中兼大僕寺少卿疏應龍爲賢吏遷署臨漳縣知事旋補衡山縣轉興都留守司經歷嗣楊連陞都察院御史復保荐應龍爲能員奉詔管領顯陵兼承天沔陽縣事以勤慎著稱聽斷持平興利除弊民咸頌之以母老未克迎養遂辭職授中議大夫並封贈二代歸里未一年五十八歲而卒楊都察周少卿合致誄詞有云一勤以趨事嚴以持躬才雄遂電守固凝冰其爲人可見子三人俱賢優

吳志孔字思聖號宣台小溪壩人萬曆間出例貢登仕郎授泉州府晉江縣主簿在仕延名士李庶常光緒教授子弟時程鄉李士淳同里何仕家亦引至授學焉其憐才愛士如此志孔後遷江西袁州府經歷均稱最擢授分宜縣知縣有惠政及民任滿去縣邑人德之爲立德政碑以誌遺愛吳之鵬湯田鄉安墩下人少有大志負濟時才當明嘉靖間由捐例任湖北武昌縣縣丞旋升授武昌縣知縣卓著政績迨歸田後整理各處列祖墳塋故于吳氏三世祖蟻地墓道碑中亦有其名云



何仕家號純弼字文定棠荆人生而穎異習隨同里吳志孔于晉江縣主簿仕內授學于李光緒與李士淳相切磋仕家博涉羣書能文章功吟咏極爲光緒所器重歸潮後遂冠多士萬曆壬午科舉于鄉任湖廣衡山縣知事後以國事日非告歸與海陽黃尙書錦吳尙寶殿拜揭陽郭詹事之奇羅吏部萬傑等十人結陶社推仕家爲之長相與論文和詩探討國故說者謂陶社諸君子雖在野不忘國事甲中國變尤力謀匡復後萬傑之奇士淳諸人皆間關奔走百折不撓當時仕家之主盟陶社其志節可知

柯化鵬號聲朝藍田金湯人舉萬曆戊午科亞魁授溫州府推官獄獄清平每爲囚犯求生理丹筆不忍妄下任滿去州民首頂香爐送者盈路有不遠數千里護其歸者並爲建生祠其仁愛感人于此生平謙厚和平崇禎四年冬大餓邑紳士倡會賑化鵬以藍田黃寨各鄉去縣治爲遠特倡賑一方全活甚衆甲中國變山寇竊發築金湯寨爲保聚與羅萬傑金鼎寨楊宮金甌寨相犄角復與萬傑謀匡復其親族或寨人有從賊者化鵬督衆撲殺之既而九軍賊圍金鼎寨化鵬理喻之賊要令其子出與議乃退詎賊乃挾其子去化鵬自是輒光斂鐔而匪亦不敢害與妻偕隱終老

案葛志聲朝作朝聲今據黃兆榕柯文肅公像贊更正金湯寨實化鵬築今據碑文更正

羅萬傑字貞卿號庸菴上陽人崇禎庚午科舉人甲戌成進士甫釋褐丁外艱歸服闋改行人司行人兩奉使冊封吉荆二藩庚辰召對給筆札問修練儲備四事敷奏無諱深中時艱擢吏部清吏司主事尋轉驗封司員外郎舊例副郎不得與選事吏部尙書鄭三俊力澄銓政以萬傑正直不阿破格畀之萬傑矢

## 豐順縣志

### 卷十九

列傳一

十一

汕頭鎮字局梅縣分局承印

公慎請託不行任事一年復以內艱歸里甲申三月國變北耗至蹴然起憤不欲生曾弘光帝立于南京萬傑盡廢其家產築金湯寨約同志起兵勤王未幾南都陷隆武帝立于福州又相繼陷先是萬傑與郭之奇諸人結陶社聲氣廣通永曆三年己丑起僉都御史郭之奇疏復聞請速與萬傑敕印令統吳六奇賴其肯等由大埔入永定取汀州與郝尙久從黃岡入詔安取漳州爲兩路以規閩郝尙久反正萬傑與李士淳賴其肯謝元汴各起兵嚮應未幾尙久敗萬傑乃盡散諸勇健痛哭入山故其寄諸部屬詩云破釜昔曾聞項籍攜鎗今竊效陳搏初遁居隆烟寨旋築逸老菴草衣蔬食以寄其黍離麥秀之悲林居三十年足不履城市會清朝簡求遺逸被征邑令敦勸出山萬傑作詩答之有首陽亦屬周張士敢道食薇不是恩之句卒不應生平著作殊多大半散佚其存者如郭之奇墓志銘祭孫戒菴文皆激昂慷慨足以起頑立懦詩早歲所作格合三唐體兼劉白晚更冲夷澹遠寓感慨于和平爲人篤友誼官吏部時同邑王宗昌病危萬傑晨夕左右爲求治林士奇卒于京邸萬傑冒暑爲治喪疾革命題碣曰龍山樵夫之墓自言身丁世變忠孝兩愧學道無成去當再來卒年六十八鄉人私謚曰文節世以謝枏得比之沈德潛題其像曰高風亮節

## 列傳一

仕宦武

清 吳六奇

楊 孟

鄒 瑞

張凌雲



王金

羅佳雄

楊貞

丁志德

陳尙

王玉麟

鄭宏

蔡鳳

朱樸

吳啓爵

### 清

吳六奇字鑑伯號葛如湯田人幼讀書有雄畧慷慨向氣家故饒于財以博中落貧乏爲郵卒歷山川阨塞皆心識之落魄於浙海寧查孝廉伊璫見而奇之資而歸富明李海內大亂山寇竊發六奇與弟標依湯田通判府舊城集鄉兵練訓保障一方礮山寇張文斌葉阿婆林參實彭仕炳劉良機等聲威日著順治二年乙酉黃海如攻潮州六奇率所部馳救海如敗遁留蔡元分兵屯意溪率部分駐關隍三河韓江自三河以下撫而有之遠近賴而安五年清師由閩入粵六奇率先效順授以副總兵官給劄數十聽便宜署置官屬時土寇江龍據大埔鄭儼據湯坑九軍賊劉公顯等皆聽張六奇先後討平之十年潮鎮郝尙久附明邑屬皆響應靖南將軍喀喀木率大軍圍城六奇率所部從之以雲梯助攻潮州平六奇功爲最

### 豐順縣志

#### 卷十九

列傳一

十一

汕頭鎮字局梅縣分局承印

最旣而九軍所在爲潮患六奇統勁旅搗其穴破馬頭寨盡殲其黨世祖嘉六奇忠勤屢建大勳特授掛印總兵官左都督開閩饒平並命援勦無分疆界隸官兵三千鄉兵不在此數威望遂益彰未幾鄭成功陷揭陽澄海普寧六奇率官鄉兵會兩藩諸鎮討之凡八月克復三城寇乃大坂餘黨據黃岡者悉誘而擒之時沿海要地尙爲鄭成功所據六奇乃大治海艦募水師會勦廈門克之又奉詔往諭南澳僞將杜輝吳謹皆降徙其衆于揭陽餘銅陵諸嶼皆望風歸化繼而有木塞賊據大埔和平爲亂六奇移駐三河平之海疆告靖遂晉少傅賜蟒貂力馬等物四年狂僧邱義首告六奇匿桂王子爲婿又與永曆帝通問及私開銀鑄事靖南王以所告皆誣入奏義伏誅六奇以鄉兵效順隨靖南王討逆誅寇多在閩粵間嘗率師復連陽平苗疆定金陵之亂討寰沙之賊所向有功任將鄒瑞李青吳漢王金歐亮等咸盡其能所部從征芻蕘糧器械皆自具不煩朝廷而又修封疆嚴守禦築饒平大埔黃岡大城所西林營其餘興學校築饒平大埔學宮及郡學明倫堂皆不貲悉自捐朝廷以六奇爲嶺海屏蔽寵賚有加初錫太子少保屢晉少傅兼太子太傅康熙己巳五月三日薨年五十九奏聞上哀悼贈少師兼太子太師賜諡順恪遣官祭葬御製祭文碑文以褒嘉之特旨以次子啓豐襲職領鎮事前後兩賜蟒玉盛甲貂冠弓矢惠賜馬等雜物使者資軍前頒之海內以爲榮祀潮州海陽豐順鄉賢饒平大埔名宦六奇性仁厚兼恭喜施與禮賢下士孳孳不倦有古名將風治軍餘閒輒讀書清翰墨著有忠孝堂文集

鄒瑞璜抗社人明季武生順治十年率鄉勇隨饒鎮吳六奇恢復潮州旋寇陷程鄉大埔鎮平平遠等縣



瑞率所部勦平之十二年以功授饒鎮中軍游擊康熙三年廣福兩省總督會勦大埔木客賊檄瑞率隊進勦滅之以功授驍騎將軍九年擢傑湖廣德安協副將及卒葬大埔縣高坡之古野  
王金環清鄉人爲饒鎮吳六奇標將屢立戰功初授都司僉事管領游擊順治二年普寧土寇林參寰劫縣城金以計擒斬之六月澄海寇困潮州解其圍繼而彭仕炳作亂陣擒渠魁三年海賊勾結倭寇掠潮陽未幾山寇又攻梅州鎮平金先後率部俱勦滅之四年寇破長樂金督師克復十六年興寧大饑復移粟萬石賑之隨擢饒鎮石營參將崇祀縣學鄉賢

楊貞號翠環沙田鄉人少諳兵略爲吳六奇所知順治元年黃海如圍潮州隨六奇提兵往援貞率隊戰于筆架山克之復討葉阿婆及九軍劉公顯等屢立戰功六奇鎮饒平擢爲裨將九年郝尙久附明之賊貞佐六奇運籌決策輸助餉械事平授參將歷守大埔饒平揭陽勦撫兼施地方義安及奉檄協勦木客賊與鄒瑞分別良歹原情定罪予以自新鄉民感之爲建鄒楊二公祠後提督楊遇明器其才欲保荐之貞託詞以謝旋乞退築紫荊園終老焉倡建積慶東林西竺三寺康熙十二年卒崇祀鄉賢

陳尙原名奇龍號桂山原籍嘉應州後遷居沙田鄉占頭村遂爲豐順人尙素富勇略順治初隨吳六奇倡義殲寇旋六奇效順平寇任饒平鎮總兵尙以功擢從征守備康熙九年奉饒鎮吳六奇劄往福建代向宣義將軍尙可喜商軍務爲尙可喜所器十三年平南王尙可喜劄尙加守備職調查北勝銀溪神宮透珠大勝等處地方原練壯勇官兵壯勇備械督帶赴都統軍前調用自是尙所部兵力倍增十六年

## 豐順縣志

### 卷十九

列傳一

### 十三

汕頭鎮字局街縣分局承印

六月大將軍和碩康親王劄給尙爲參將七月寧海將軍都統喇奉令捷伐海逆寇以尙才識兼優著自謀畧尙隨從征勦既而以老病乞辭歸占頭尙歷在軍有謀善戰所向克敵功勩頗著以故屢遷主藩鎮統所識拔惜年老未克竟其用卒年八十有二爲今占頭村陳姓始祖

鄭宏號公毅環清鄉人初舉義勇隨吳六奇援潮後歸蔡元所部屢立戰功授連州千總擢都司順治十四年總督洪奏保昭義將軍任連州游府嗣奉詔將部屬額糧追解宏分別緩急征收曲體下情州人德之爲立生祠晚年解組歸里捐田八畝餘爲基園地方尤賴之

蔡鳳墮隴赤嶺村人順治十二年海寇攻陷澄揭普三縣鳳隨吳六奇勦平之旋粵藩大軍駐新圩吳鎮嘉其能保眷隨征任戎旗守備十八年以征勦潮陽山寇黃元尙等功受上賞康熙二年前後奉委招撫南澳僞鎮杜輝吳陸等投誠並會勦木客賊殲其渠黃以舉功績屢著加管戎旗都司銜十三年潮鎮劉進忠叛平南王督師征討令鳳領兵督戰斬獲甚衆王嘉其績擢受守備十四年奉命搜勦店前匪首王元偉王蘭等各處賊巢加授都司管事並統領官兵防守要隘子得功補右哨六局二旗管隊孫進補右哨北門管隊

朱樑號秋壯下湯社人富膂力練兵法順治十二年由行伍補授饒平營千總防守緝捕以勤慎著尤善訓練所部擢陞大埔城守營守備康熙九年流寇逼城樑奮力殺賊擊潰之以功陞大埔營游擊十五年奉調赴廣州克復龍門縣叙功加副將銜調補廉州營游擊擒逆帥祖澤肅凱旋後以積勞成病年六十



二卒於靈山官署崇祀縣學鄉賢

吳啓爵字縻源六奇第四子郡庠生以父廕授正黃旗侍衛隨提督施琅攻澎湖多立戰功諭降台灣賞  
偽冊印星馳奏捷擢升大原總兵給卹襲旋調瓊州平黎岐靖島嶼再調天津行次雷州卒康熙癸巳以  
義恩諭祭功臣榮寵之典及焉

楊孟號翠華巡心鄉人少負勇畧倡義捍衛順治初隨吳六奇征勦巨寇葉阿婆等屢立戰功六奇鎮饒  
平歷授中軍參將駐紮三河接轉軍儲率部所至地方皆慶女寧後辭歸穩于葉華村樂善好施鄉里德  
之

張凌雲號濟川雙螺口人由武庠歷任潮州鎮標饒平惠來豐寧鎮平遠各營千總嘉應州城守巡防  
緝捕所至有聲尤能愛士卒恤民情以親老乞歸值歲饑捐穀百石赴城縣平糶邑人秦泰以匾旌之

羅佳雄字世岱號在書上陽人習儒業旋棄去習武藝登雍正丁未科武進士授溫州衛守備清理屯糧  
釐革陋規大吏嘉之擢天津都司尋調白石口都司白石古飛狐塞地戶鮮知書佳雄葺署傍舍爲義學  
捐俸延師以教兵民子弟其地有關稅向歸都司收解賦貢牲畜並徵佳雄陳請謝席塗制軍減收舊徵  
之半凡馭戰及馬牛羊外一概免徵制軍深爲獎異飭勒石以垂示地方擢陞山西參將時值大軍西  
討出關軍務倥傯佳雄戴星出入事皆預籌大中丞陳宏謀疏列軍功一等上游咸相倚重平生敦倫紀  
篤道誼幼失慈母惟事祖父母父繼母惟謹每痛祿不逮養至終身不受兒子女星辰一拜先是任台灣

豐順縣志

卷十九

列傳一

十四

汕頭縣字局梅村分局承印

游擊乞假歸葬咸署陞步相卜宅兆者數月既得地負上躬築祭墓必準于禮兩叔父故絕爲之繼嗣立  
產嘗倡宗祠以崇祭祀歷官三十餘年囊無餘物後以奔走軍臺勞瘁成疾卒于官奉勅台扶柩歸入城  
治喪有子四人

丁志德號琴軒湯坑人性孝及讀書通大義七歲以父患樂從軍廣西梧州奉母羅氏無間晨夕九歲怡  
州陷父歿志德聞變恐傷母心每背人暗泣弱冠隻身赴梧尋父骸不得痛歸越年復往訪旅梧同鄉張  
某乃得之東門外錐樹岡墓碑深歿嶺指滴血負骨歸葬鄉里稱之同治元年從軍江南以克復蘇常金  
陵功擢守備李鴻章器其才飭赴江南製造局習新式槍炮左手無名指爲炮機碾斷目是炮術獨饒心  
得既而歸標廣東水師建築潮防沿海砲壘迭獲海盜調署南澳游擊以母憂歸不欲任甲申之役張之  
洞督粵與欽差彭玉麟知志德嫻砲務檄修虎門威遠上下橫檔各砲台總理台務規劃五年勛勞卓著  
檄署水師提標中軍參將仍兼台務志德念台防爲國要政若有事始募兵無事裁撤則兵非素練安能  
驟禦外侮上屯田台防議上游嘉納之會虎門大火志德率兵救護身先士卒商民被災百餘戶爲捐貲  
營繕撫慰備至及俸滿入都居民遮道乞留歸以名刺懸堂屋供祀之其見愛士民如此後奉調增城參  
將復任水師提標參將所至整飭戎行閭閻愛戴光緒二十五年陸豐土匪陳細宰等揭竿倡亂蹂躪縣  
邑奉制府檄率部馳勦並奏膚功事平簡命署碣石鎮總兵時西江盜賊最熾下游港澳毗連洋海  
匪跡出沒無常視港澳爲通逃藪香山地當其衝粵督李鴻章以治匪當先西江而治西江必先香順特



調志德署香山協副將責以緝捕志德蒞任偵悉匪徒營集基圍基仙無力抵禦恣其食宿乘機出劫乃先籌辦沙團仿保甲之法輔以兵力使匪無地窩藏一面購線跟緝不數月而匪跡斂授大鵬協副將甫義鄉篆未幾以病卒於省寓五十有五志德秉性剛正律已嚴與人交循循如不及誠子弟述先訓以孝爲本居節母羅氏喪哀毀逾恆逢忌日必設位哭泣歲時祭祀必誠長子培珊拔貢署廣州客縣知事次澄波清波鏡波均列軍曹

王玉麟字爵臣環清鄉人少孤貧能刻苦力學年未冠卽旅食四方積苦兵間者有年後考入廣州西武陸軍學堂苦心操練昕夕匪懈既卒業以學兩科優異見知於當塗光緒內申歲奉廣東水陸師提督李準命赴東江一帶募軍足數百人返省後札委爲新軍巡防營哨官未幾擢升營帶旋以勦匪功保授連州三江協都司玉麟雖武人然深識民族大義對於總理革命排滿學說拳拳服膺平遠姚雨平主持中國同盟會廣東支部事謀聯絡新軍玉麟與部下哨官王朝賓魏炯球等首先加盟辛亥光復新軍駐防江會者凡三營玉麟復率所部首先反正糾合友軍進駐省垣國土重光論者謂不無微勞焉迨粵局戡定玉麟以所部投張寰傑統率轉在廣東北伐軍第四軍聯絡參謀隨大軍北伐直搗金陵固鎮宿州兩役尤爲臨陷履危共和告成解甲歸里旋奉委潮梅鎮守使公署總教練官一以編練勁旅充實防務爲事龍濟光主粵附和帝制殘殺民黨因爲同志秘密進行討龍僕僕往來省港汕廈間龍氏離粵西南局面一新玉麟偶重緝軍符或服務地方均不久於其任民十二後退隱鄉居盡瘁于地方公益慈善事業民十七避亂僑居省垣越兩歲病卒寓館年五十九惠陽楊壽昌輓之以聯云爲軍人砥礪廉隅身退功成廿載冰霜留持操有兒子致隆孝養端居講學兩年甘旨足千秋蓋紀實也有二子長韶生國立北平師範大學文學士次健生肄業國立中山大學農科

## 豐順縣志

### 卷十九

列傳一

### 十五

汕頭總字局梅縣分局承印



列傳一 仕宦

邑人李唐介丞甫編纂

清 羅國珍

吳世驥

丁國煌

譚益盛

朱鳴玉

譚深

丁日昌

朱孔璋

朱錦洲

吳亦材

王懋修

張登瀛

丁培珊

譚嵩鵬

丘瓊璋

李維楨

丁國樑

清

羅國珍號豈藏字正殿上陽人與兄萬齊齊名人稱為大小宋中康熙丙午科第四名舉人選授武進縣知事旋以憂歸起補昆明縣兩任繁劇皆有政聲丙子分校演關所得皆知名之士尋解組歸與兄觴咏林壑白首怡怡先是潮鎮劉進忠叛附明遣將據揭陽十四年將軍尙之孝總兵王國棟進駐藍田令縣團練有司川國珍應國珍奉令奮然率子弟兵五百餘人築壘于琅山臥戰數閱月悉力助戰城遂克復

豐順縣志

卷二十

列傳二

汕頭編字局梅縣分局承印

明年官兵引還國珍被賊執逼授僞命不爲屈卒亦免于難文事武備皆有足多者揭令鄭濂延國珍修邑志力任成書國珍尤能詩其詩雋雅健舉過乃兄惜少存者

譚益盛號德舉葛布人讀書不拘常解爲文不拘時尙自信其所見達然後已三十後始進上庠雍正癸卯科舉于鄉試南宮不第授浙江於潛縣知事在任十餘年化澆浮挾奸誦環潛七邑皆稱之爲神君兩充浙闈同考官及致仕潛人攀轅遮道如失所依歸里後俸錢存者無幾以弟姪均之有稱有友受者日非也吾親在貧不能奉養今以贍父母之子孫特少補從前不孝之罪耳益盛素行儉性正直而頗不羈平居常誦孔子大德不踰閑出入可爲一句在里日芒鞋草服登山臨水卜營宅兆不自異于野人然若修道路請減賦勒官山賑貧乏凡關於公益事業皆勉力爲之鄉里德焉

譚深字懷川大田村人由海陽學領雍正癸卯科舉人負經濟才以忤巡撫王安國意抑任曲江教諭在任修學宮勵氣節正文體諸生具贊俱不受有貧寒者時周給之懇懇以敦行立品爲勗曲江人士因是皆以修辭立誠相砥礪閱三載吉歸林呈請留任者數百人爲立去思碑深居家馭下寓嚴於恕敦睦族鄰力戒子孫毋奢毋傲毋比匪晚年尤喜濂溪書手不釋卷後端坐而逝遺命戒子孫永不得用僧作佛事後人至今遵之

朱孔璋號琢齋東隅鄉人由監生就選歷任山棗司巡檢桂林府參軍調凌雲縣縣丞以管錢局卓異擢陞知縣乾隆三十六年高宗巡幸山東孔璋任仙遊縣奉聞浙總督委赴迎駕貢方物恩賜綿緞旋調貴



州歷署洞仁荔波玉屏等縣遷獨山州知州在任五載清操自持興利除弊殫心民事民苗有召父之歌  
仙遊縣志以孔璋廉明強幹載入循吏傳並立碑後門及楓亭梅嶺以誌遺惠旋擢候補道阮通志本傳  
稱孔璋居官廉明居家孝友云

吳亦材號任齋城廂人幼聰慧年十四舉秀才乾隆丁酉科拔貢丙午順大鄉試舉人歷任龍門感恩教  
諭嘉應州學正遷廣西馬平縣知事廉明正直不枉徇人政聲丕著及致仕士民遮道送之居鄉里培育  
後進儉樸如寒素樂善不倦邑文廟考棚普濟橋文塔書慶祠皆亦村所倡建道光癸巳重遊泮水年八  
十卒子孫曾履世皆科甲蟬聯世以明德有後稱之張登瀛覽雲驢埔子寨好學善書嘉慶十五年由從  
九歷署寧波府經歷奉化昌北慈谿等縣典史杖錫大錢漁浦等司巡檢調杭州府城南稅課大使所至  
多惠政道光二十一年丁內艱起復調補湖州府督市巡檢二十九年辦水賑濟積勞成疾年六十九卒於  
官

譚嵩鵬大田人深之仲子乾隆辛酉科舉人授福建和平縣知事歷任福安壽寧羅源清流等縣均期年  
而遷任和平僅四月和平本處邑嵩鵬觀政民皆息爭咸以爲異旋調歸化縣修圭山書院增膏火多立  
義學設惠民倉教養兼施政平訟理在任六年不阿時好吏民皆懷德畏威及解組邑紳赴府籲留者署  
爲之滿相率製鐸碑並爲建祠有泣饑護送至數十里者生平孝敬父母母早故每臨墓涕泣父病且  
夕侍湯藥衣不解帶父歿哀毀骨立率諸弟廬於其性行類如此

## 豐順縣志

### 卷二十

列傳二

二

汕頭鎮字局梅縣分局承印

李維植號岱林北廂人父勉明饒于賞維植自幼聰穎過人與同懷弟維彬孝廉讀書舍輝樓上其父督  
教殷嚴少長受學於新興縣教諭堂伯父漢玉治經史詞章弱冠補學弟子員旋由廩生舉嘉慶辛酉科  
鄉試公車北上適與顧元熙同舟及會試後同舍遂與交莫逆再試不第大挑一等以知縣簽分河南補  
濟源縣知縣政聲卓著豫督某器其能調補汝陽縣知縣維植率濟源數年以節操自勵剔弊興建有廢  
必舉及奉調虧空頗鉅由家鄉滙去五千金填清後始赴新任汝陽大邑也向受汝水河患奉札歷兼經  
河防諸要政維植皆潔已奉公勵精竭力屢修築河堤防護得力遇災必躬親拯救治行爲歷任最當道  
亦倚任之後以積勞致病乞辭職士民爭上書挽留故屢告辭俱不獲命遂卒于官年六十有餘汝陽人  
民無賢愚皆哀悼之卒後宦囊如洗復由家鄉滙款去眷屬始得扶柩歸里維植狀貌魁偉性情豁達夙  
以學行著稱生平著作頗多未及編刊後嗣因迭遭變故概行散軼子鎮邦庠生顧元熙督學廣東至潮  
猶以故人子弟爲念傳其子起至隨隕舟次見詢云

吳世驥號蘭皋城廂人亦材之季子七歲爛語少抱大志博通文史年十四進庠十八拔貢弱冠充武  
英殿重刊康熙字典校錄官選授西寧縣教諭年二十七舉順天鄉試道光癸巳科成進士欽點禮部主  
事任精繕司主事遷議制司員外郎兼樂部和聲署署正禮部則例館提調實錄館校對京察一等記名  
御史以繁缺知府用在京供職十餘年所辦條疏及吏治事皆洞中時弊僚友交推其賢乃天不假年五  
十一歲卒時論惜之子永智光緒乙亥科舉人授戶部主事孫昌坤乙酉科舉人國子監學正學錄昌華



授戶部主事遷陸軍部員外郎民國初舉眷居南京

朱鳴玉隴原人山廩生考授仁化縣教官在任三載捐廉倡修學校明倫堂督課士林誘掖維殷邑人翕然尊之以勸廉善誘載仁化縣志年六十六而卒

丁日昌字持靜號雨生湯坑人幼有神童譽弱冠爲諸生逾年歲上庠惠嘉道李璋煜聞其能延之入幕縱談時政嘆爲不世才咸豐四年甲寅上冠吳忠恕圍攻潮州勸助防勦歸里集鄉勇千人馳援生擒寇渠事平授瓊州府訓導遷江西萬安縣知事善聽斷初期呈詞及百紙三四期僅四五十紙匝月後二三紙而已時李翰章爲贛南道奇其才聲名藉甚旋兼提廬陵縣篆既而寇陷陵日昌趨謁曾國藩於九江乞師請限若干日克復慨陳軍事甚晰國藩壯其言撥兵三十爲助果如期收復厥後國藩督師兩江檄調日昌赴安慶勦理軍幕上吏治條議十則復陳丁漕諸弊核議州縣攤捐款應裁者數十則皆洞中時弊同治元年奉令回粵權辦高州營幫辦軍務克復信宜復奉調督辦上海兵器收復無錫金匱等縣陞直隸州知州賞戴花翎蘇撫李鴻章委辦全省行營營務克復常州生擒逆王陳坤書叙績以知府用旋奉旨署蘇松人兵備道上海自通商以來華夷雜處奸商翹僥潛結夷商其狡黠者往往與官吏抗日昌抵任後驅夷兵出城檄犯事輪船充公索回吳淞炮台地基裁革會防局供應及英法兵費禁洋貨收洋經濟賭規拿英教士陸和尚正法拔除東浦一路電線資遣外僑流氓返國捕奸僧通事某置獄沒收其私購輪船及機器廠地移建製造局於南郊凡此俱關國家主權要政爲人所不能爲者日昌

## 豐順縣志

### 卷二十一

列傳二

二十一

汕頭縣字局梅縣分局承印

雷厲風行不少假借卒使羣吏懾服繼調兩淮鹽運使司兩淮利源有鹽釐日昌特訂定章程整頓積弊課額驟增手草鹽政改革議十餘萬言方謀澈底整頓未幾奉旨擢陞江蘇巡撫時潮人有謠其權術躁進者日昌力摯曾國藩代奏以直不勝任之語乞辭旋奉命來粵查辦洋務事竣李鴻章電調赴皖適清以潭江決潰口三百餘丈日昌奉命籌費督修躬親畚鍤數月及合龍流急人力難施夜大雪二尺許乘凍集人夫趕築大功告成人咸爲其得天助遂遷江蘇布政使司在任如清訟均漕減漕價墾荒田釐賦役勸植穀懲奸胥興水利政績炳然逾年坐陞江蘇巡撫時江南底定甫三年耳民氣凋殘政籍蕩廢日昌淬精勵神創設條教興利除弊兩年之間清理積案多至二十七萬餘起其立法最善者曰月報訓誦冊曰錢糧斗則簡明告示經奉旨飭各省仿照施行著爲成例撫標兵藉永綠營舊例額缺而卒歲惜不可用日昌條減兵增餉議上奏謂併三兵之餉養一兵併二弁之餉養一弁則兵弁皆可精選一再奏陳始得旨如所請至江海防水師章程亦多所更正常言天下事壞於泄洩思有以矯之每當夜闌秉燭案牘高可隱人靡不親自稽核每閱至百姓枉屈不伸或受書差凌虐輒歎歎大息悽然淚下或見勤政愛民諸事則呼慕僚共賞時日昌甫強仕不半年鬚髮已盡白矣奉旨赴津門查辦交涉批隙導窾外夷俯首就約既丁內艱旋舉服闋奉旨特召旋聞穆宗廟星馳抵京叩謁梓宮痛不欲生兩宮召對所以稍循而獎藉者甚至旋派幫辦北洋大臣嗣命總理船政授福建巡撫沈文肅謂一歲之中恩旨稠疊上之知公可謂至矣公謙讓未遑舉世無不爲公慶者撫閩時夏月淫潦暴發水災蕩折離居飢民盈萬露立



城上六晝夜日昌口照手附之設粥廠二十餘處大廠日就食者千餘人小廠數百人咸慶更生逾年復  
災仍依法賑之全活尤衆台灣本海外與區巡撫例領東渡巡閱日昌先奏言因臺防必須練兵欲練兵  
必先籌餉不如以開墾之衆資以養兵不外求而足以開墾之利助軍餉則餉不外求而足至是周歷  
全台籌劃布置北自蘇澳噶瑪蘭南自恆春琅嶠皆開闢以來大吏所未經之處番民歸化夾道歡呼台  
俗向有漁戶等稅多立名目胥吏因緣爲奸輸於官者十取於民者百乃奏罷之歲蠲免舊額五千二百  
餘兩台灣提督學政向由福建巡撫兼攝日昌以康熙湖南苗搖學額例奏設番童學額以資招徠旋乞  
假養病回籍閩中士大夫榜於櫺曰留中丞沾百姓祖德東門多鳴咽失聲晉豫大饑兩江總督曾國荃  
奏請日昌出辦賑捐在籍募二百餘萬元解赴散拯其夙以國家安危民休戚自任雖解組蓋未嘗一  
日忘也先是日昌服闋奉旨特旨入朝上意擢署直隸總督後朝旨中變未果改派辦北洋大臣後撫  
閩乞歸養病疊荷賞賜人獲御賜克食御賜福字尋奉旨加總督銜會辦南洋海防兼總理各國事務大  
臣節制沿海七省水師俱在籍供職光緒丙子直隸總督兼軍械大臣李鴻章丁憂請開缺慈禧太后准  
給百日假在任服喪鴻章力懇開去直督缺諭衆人自代乃舉日昌及粵督張之洞二人迨後謂日昌可  
瑜先電徵其同意時日昌在基隆營葬母事宜鴻章電惠嘉道轉達日昌得報電覆稱命督直下竟得  
病遂滿返揭陽園寓未幾卒年五十有八朝野惜之照例賜卹賜祭生卒諸書藏書極富多宋元板精  
本成皆精命書目四卷所著有撫吳公施撫區公懷藩吳公兩巡巡公履海通圖說炮火圖說鹽政改革

豐順縣志

卷二十一

列傳

四

並頭諸字屬梅縣分局承印

議百蘭山館詩文集各若干卷同光之際深諳洋務者咸推日昌與郭嵩燾二人如創辦輪船招商局改  
漕運爲海運及派遣學生出洋留學諸要政皆日昌所建議歷勸曾國藩李鴻章奏辦者其卓識遠識關  
係國家大計多此類也尤喜提倡文化宏獎士類所捐撥贍田鵬湖兩書院學產及登瀛堂實產在在  
請增加學額所以爲桑梓謀者不可枚舉雖嫉惡如仇然世或病其風厲然老成典型實足令人景慕無  
窮也長子惠衡具幹濟才有父風次惠馨訓貢江蘇補用道惠康廩生戶部主事

朱錦洲號瀛波東陽鄉由廬貢攷拔兵部主事光緒間調署廣西陽朔縣知事遷桂林府理藩分府自戴  
花翎旋調署龍州同知以防備楚匪功奏保欽加道銜以知府儘先補用錦州歷任皆以廉潔勤勞  
爲懷能得民心官龍州有內陸榮廷譚浩明皆充州署弁勇邊關毗連安南多匪錦洲善於撫綏一屆  
爲効力以故蒞任後盜息民安又能優禮地方紳耆政簡刑清士民德之任滿告歸不復出

王懋修號亮生環清鄉人少負才氣不甘制藝束縛弱冠投筆去初仕台灣基隆祥字左營文案加請充  
棟字正營光緒十一年台督辦劉銘傳以在九品部儘先選用十三半黎匪亂懋修條陳撫臺十一  
中粵督張樹聲可其議發交雷瓊兵備道委赴黎峒勸善後事宜二十年日韓之役奉委帶辦中敵軍務  
旋調委台灣前敵糧台巡撫唐景崧保舉賞給五品頂戴札回粵招募維遠左軍渡台任前敵營務處二

十四年改仕粵漢鐵路購地局文案赴南洋招股乙酉以辦理昭信股票出力案內奉獎叙府經歷指分  
廣西試用旋奉粵督岑春煊札充戎軍營務處委員三十一年九月藩司余誠格委署宜山縣知事



以勸辦廣西各匪出力案內奏督府保奏以知縣留原省補用三十二年五月兼署官山縣知事八月知府王祖同丁憂奉委代理慶遠府知府以又襄辦賑捐案出力獎敘實載藍翎懋修深諳時務幹練通達所至皆受特達之知遇如此能官歸里後民國三年奉委署豐順縣知事力謀建設如創辦各區警察皆其率卓大者嗣以改建潮城王氏宗祠寄居潮州五年潮梅鎮守使莫擎宇與福建督軍李厚基稟請辦龍濟光聯結謀附北京政府宣告獨立閩督派臧致平任總司令率旅援莫駐潮州金山時粵督莫榮新檄護國軍三軍總司令沈鴻英惠州督辦劉志陸各率所部分路討之兩廣巡閱使陸榮廷駐梧州復遣邑人李介承返潮為沈助李至潮知懋修與潮紳領袖王延康孝廉契謂懋修曰莫氏必不敵所慮者賊軍耳惟潮城不宜作戰場請於沈劉兩路軍進次潮州三十里外時密商王孝廉聯合各界出而斡旋屆時常用電告機宜懋修諾之李沿途佈置運計興寧促沈軍直搗贛隘既而贛陸各奔開會以潮城密邇戰禍已逼眉睫因聯電請懋修邀同紳商各方請求臧總司令顧全潮民生命財產撤兵回閩謂此間已要求沈軍暫緩進兵一面由沈逕電臧氏俯順輿情撤兵回閩免糜爛潮州否則請自擇離三十里外地次戰懋修挽王延康等與外國教士聯謁臧謀和遂定期由兩軍各派代表會議沈軍復進次曲灣派代表偕潮紳黃雪廬英教士等赴會劉志陸得電均派代表至兩軍訂約原議三日後撤兵詎臧於是晚放空炮激夜濟師而去是役也潮城得免戰禍懋修旋之力為多願作官數十年家無餘貲惟信望素著居鄉里於公益善舉建設殊多如沙田圩一渡水青潭各大石橋皆需費巨萬工程浩大懋修皆獨力

豐順縣志

卷二十一

列傳二

五

潮州鎮守使莫榮新

鼻捐成之其家行正直尤為人所共仰年六十四卒于潮城旅寓

丁培珊號雲波湯坑石印人福石鎮志德子年十八舉博士弟子員旋肄業廣雅書院治學具條理明體達用應提學試展前列為歷任學使所激賞光緒丁酉科拔貢朝考授州判乙巳長豐順縣學務公所後循例報捐知縣分發廣西試用奉委廣西省學務公所課長民國元年署理容縣知事有任年餘政平訟理紳民德之後以時局多故解組歸吳桂芳籌設豐順縣立中學挽培珊任中學校長為學生最所敬服培珊精明渾厚治事長於修理喜怒不形于色因一循循儒者非風塵宦客比也年六十卒

丘瓊章號子瑤癸酉拔貢溪頭村人少有大志英姿卓犖在藍田書院讀書時丁中丞其器重之戊辰進文庠壬申補廩癸酉拔貢同治十三年朝考就職直隸州州判後報捐指分福建省己酉歲奉委署台灣府經歷并任撫墾局招撫生番其為脫服墾植荒地著有勞績卸事後奉調文閣簾差記大功五次光緒廿四年蒙李牧呈報總督許書吏部以該員才具明晰係屬稱職准其實授永存直隸州州同兼辦稅釐局廿六年奉李牧札委署理大田縣正堂接事後政治廉明士紳愛戴交卸時製送萬民傘軟遍數枚奉勅仍回原日永春民情強悍好訟每因細故動輒控告隨傳兩造秉公判決並戒鄉民勿爭訟訟則終凶民多感德光緒廿八年接家書其母同堂五代一舉得三元係同寅聞說聯名舉報五代同堂子孫曾元共四十八人十月部文覆到恩准旌獎匾額賞賜緞疋由本省給領本擬明年請假回家慶祝五代同堂並祝其母九旬壽誕不料其母竟於明年二月謝世丁憂回回家誠為大憾至其父國光候補通判卒於



滬在家治喪居與人士談預料國家有變革切宜興辦學校作育人才庶有補於時艱後不欲復出壽六十八而終同年載鴻慈尙書歸題銘旌

丁國樑字沅東湯坑人清附生爲人豁達有大度以物望爲衆人所歸民國建元地方多故秩序未定邑人公舉吳其瀚任安民局正局長國樑副之羣情翕然迨其瀚辭職督署改委國樑知縣事在任數月閭閻賴安其處事一衷之以至誠善當鼎革之秋人心惶惑求所以維繫大局者非徒文告鞭扑已也解組後專心辦理地方教育事業民七長豐順縣勸學所對於發展小學教育倡導中等教育苦心掣劃並保送留法旅省公費生至庭蔭吳念祖張道等多名以宏造就自時厥後人材漸彬彬稱盛矣晚年退居鄉里以耕讀自娛卒年六十有二有六子長培恩早卒次敬辰乃有傳三子玖經商四培慈十二集團軍上校參議五懋上校參議六培憲經商

丁國煌字拱北湯坑人清附生少聰穎文名藉甚弱冠載筆宦游四方所至有聲曾兩度佐戎幕掌記室事雖值軍書旁午然意態閒雅從容應付論者輒以阮元瑜擬之民十八奉委署理普寧縣長時值地方喪亂之後瘡痍未復因與民更始勤勞撫字休養生息元氣漸復蓋於爲政大體三注意焉國煌從政多年然不失名士風度尤長公牘文書判往往比跡樊山傳鈔萬本辭職後長子培綸仕第一軍軍需處長迎養廣州德政北出西路私邸種竹栽花頗養天和民廿五兩廣歸正中央廣州市長曾養甫擬委國煌長教養院未就七七事變侮氣日熾返里幾病卒年六十二

# 豐順縣志

## 卷二十一

列傳二

六

汕頭鐫字局梅縣分局承印

### 列傳二

忠烈

明 吳萬雄

吳廷楨

譚經綱

彭璇璣

賴心合

張慎階

譚格宇

張繼

清 歐亮

朱達

連旭

鄭亮

黃大鵬

陳成偉

蔡德新

黃奪標

丁爲龍

黃日中

張萬達

張聲

民國 丁敬辰

明

吳萬雄字孝俊豐政郡城廂人明諸生幼穎悟過人泛濫百氏書後得王守仁集讀之喜曰爲聖賢豪傑之道在是矣由是研精覃思至忘寢食聞邸抄至必借閱以故洞達時務每論及楊嗣昌熊文燦招撫誤



國髮皆欲裂冠遊京師再應京兆試不售與崇德吳之屏吳爾璠父子二大吏交莫逆以文章道德相切劘時海內流賊蜂起史可法奉朝命勦賊招徠天下奇才謀士萬雄上平賊議萬餘言可法召見奇其才留之軍中參與帷幄凡所策劃悉中機宜以故無役不在行間萬雄雄能羅致義勇得人死力故指揮作戰所向克捷屢獲超擢積官至左右都督總兵職繼以大軍連敗英山六合之賊及順天王乞降諸戰功擢任直隸真定大名總兵官既而廣東土寇竊發奉調鎮肇慶未幾闖賊陷京師聞崇禎殉國萬雄北望慟哭失聲乃奮起與各僚友紳士謀匡復宏光帝卽位南京特遣使加萬雄鎮南將軍以任福寧鎮總兵來召萬雄以馬阮用事辭不赴一書勦辦嶺東西諸寇以綏靖地方丙午十一月與總督丁魁楚侍郎翟式耜舊臣召大器等擁永明主由柳監國於肇慶授萬雄左都督掛印平虜將軍晉大子少保十八日監國止位改元永曆復加武經署職管理防勦事宜後唐王聿錫稱號廣州遣林察率師來攻永曆命萬雄將京營健卒偕侍郎林佳鼎各率兵拒之林遣使僞以乞降誘佳鼎輕信爲實萬雄力諫不聽及戰於三水之三山口佳鼎猝不及備軍士潰亂自相踐踏身負傷赴水死萬雄亦被圍困力戰突圍而還永曆帝奔梧州乃命留守肇慶萬雄受命於危難之際籌防練兵悉以獨力負之越明年正月清將尙可喜李成棟西犯光遣使致書招降萬雄大怒罵投其書於爐火執其使製之俄而清兵大舉攻城萬雄督師登碑死守血戰月餘不相下清兵復增援謀急攻時城中士馬糧秣久缺孤軍絕援誠爲敵陷萬雄親督所部巷戰手刃敵兵十餘卒以力竭戰死永曆帝聞耗震悼追贈大子大保特進榮祿大夫予諡忠烈

豐順縣志

卷二十

列傳二

七

汕頭縣志局編印

吳廷植豐政都安敦嶺下人勇藝過倫萬曆初任侍衛大將軍崇止間授貴州貴陽總兵官兼提督全省軍務晉榮祿大夫贈封四代甲申國變在貴陽任內殉難事實未詳

譚經綱豐政都大樞鵠洋寨排下人父聖典字啓忠明諸生雄於文食餽程鄉爲諸生所敬畏嘗言士之所尙不惟文也日與諸子姪講忠孝節義之大道謂不如是則雖文如楊蔡亦名教罪人甲申國變經綱與其子姪賢經等數人與流賊戰同時殉難人咸以爲聖典義方之訓云

賴心台金甌寨人與舉人楊宮筑寨自衛丙戌九軍賊攻寨甚急時吳六奇屯豐政都通判府城兵力勢大羣盜皆畏之心台夜半縋梯後牆冒圍突出赴六奇處乞援復乘夜回以瓠杓數頭潤寨外濠塘潛行被賊執逼令心台誘寨人開門得免死心台僞應之比及寨門則大呼曰援兵日至汝等宜堅守寨門不可開也賊怒斷其手足殺之並焚其屍既而六奇率援兵至大破賊金甌寨卒賴以全

譚格字豐政都大樞社人生有異相方口駢脇坐如山行如龍無寒酸態爲人秉正嫉邪輕才重義見義勇爲規遇無隱人謂其有國士風時巨賊張文斌據瓊坑劫掠數縣格字任千總隨大軍進勦遇賊伏兵力戰不敵遂殉難人皆痛之

清

歐亮松林社人任饒平鎮吳六奇中軍所至皆立戰功康熙十三年七月潮鎮劉進忠叛附明遣所部據揭陽亮奉令討之乃親率所部進駐磐溪都部署未就突被敵軍襲擊力戰不敵死之亮素驍勇善戰六



奇得報深爲痛悼

連旭墮下埔人少有胆畧家貧捕魚爲業嘉慶初海寇猖獗蔡乾餘黨沿江海劫掠旭與林孫陳之艷等同捕魚被賊擄去賊見旭等體貌魁梧且慣習水留爲羽翼旭姑許之適中秋夜賊在船設筵賞月旭等乘其醉擒賊首數人獻官軍總戎黃標嘉其功擢旭等三人爲把總後屢建奇功授香山協營左哨千總遷達濠營守備九年廣府屬海寇熾當道知旭能檄令捕之旋督隊赴濠洋海面與賊大戰身負重傷猶手刃數賊而卒賊遂平賜卹有加並賞給世襲職

黃大鵬金湯人勇猛絕倫由行伍疊陞黃岡協右營把總咸豐二年隨中堂柏俊從征江南大營攻鎮江城殺盜頗多旋被炮擊傷殉難

蔡德新藍田都田心人久列行伍咸豐四年土寇吳忠恕圍潮州惠嘉潮道曹履泰檄委率隊守東橋頭筆架山德新與賊激戰擒獲多名屢著戰功經道鎮保舉賞給六品頂戴復進攻東津等處賊營破之遂解圍總督葉巡撫柏貴具奏准以千總留提標水師營補用九年髮逆石達開圍嘉應州德新奉令率隊赴援其子清泉淵泉姓思創及阿鸞阿連五人均率所部任前鋒先後入城助守德新與次子龍泉率四十餘人在教子岑猛攻以衆寡不敵被困重圍中均戰歿淵泉協民壯嬰城固守時大霧彌漫河水盛漲外援阻絕賊衆五六萬連日環攻六月十六日黎明地雷轟發四城坍塌三十餘丈賊蟻負入城遂陷兼檳州篆文晟暨淵泉所部三百餘人與賊巷戰同日陣亡詳載嘉應州志同治七年江蘇巡撫丁日昌以外援阻絕賊衆五六萬連日環攻六月十六日黎明地雷轟發四城坍塌三十餘丈賊蟻負入城遂陷兼

豐順縣志

卷二十

列傳二

八

汕頭鎮字局梅縣分局承印

德新父子陣亡情形具奏請卹奉旨追贈守禦所千總給予世襲雲騎尉襲次完時以恩騎尉世襲罔替並祀昭忠祠纂入忠義傳思創龍泉清照馬兵例給卹阿鸞阿連均准附祀淵泉協守梅城陷巷戰陣亡經知州汪政詳報粵督勞崇光奏請優卹奉旨與州吏目尹紹伊等十人同給予世襲雲騎尉襲次完時以恩騎尉世襲罔替

丁爲龍湯坑廩生參梧州府陳瑞之幕咸豐七年逆匪圍攻梧州府城爲龍偕文武官登埽死守八月初十日督戰力竭城陷復揮兵巷戰手刃受創倒地猶罵賊不屈被賊抉舌剖腹殉難同治七年江蘇巡撫丁日昌臚列爲龍戰死情事具奏奉旨從優議卹嗣准部議照外委陣亡例給予雲騎尉世襲襲次完時給予恩騎尉世襲罔替

張萬達埔仔寨人幼孤事母孝由從九品分發浙江補用咸豐十一年奉母陳氏居杭州純佑橋髮逆陷杭城罵賊不屈隨母殉難聞者痛之事平巡撫馬新貽列狀具奏奉旨賜卹加贈鹽運司知事銜廕一子入監以縣主簿歸部選用

丁敬辰別署警廳湯坑人當少年時已嶄然露頭角攻書於鮑江警察學校成績優越民初邑人吳祖理綽篆興寧延敬辰佐幕深加倚畀以其通曉兵農錢谷且操守耿介非風塵俗吏比也卸任陽春知事黃綽南慕其能延攬入署札委承審敬辰既從事董理簿書謝絕酬酢跼蹐步不出門者數月初春陽大盜徐東海橫行數百里間西陽警備司令黃任寰督兵痛勦之兇骸少戢其後匪衆遷怒縣署乘隙大股竄入



肆行殺戮以少報復聞署職員殉難者數十人敬辰竟遇害年未滿三十論者惜之

彭璇璣字玉衡黃金市魏鄉人民七卒業於廣東公立法政專門學校歷任推檢等職持法務求平恕不爲苛刻故獄訟以理優游法界者垂十年民十六任海豐縣署承審時黨事件發生暴動焚殺之事層出不窮親故多爲之危璇璣夷然謝曰爲國家服務生死當置之度外抵任未幾以共黨攻城失守璣竟飲彈而卒可謂烈矣

張慎階以字行砂田鄉馬齊塘人黃埔軍官學校第一期畢業生入伍後以討惠州楊坤如戰役功陞連長十五年出師北伐大軍逕趨長沙畧武漢旋分軍出贛取南昌慎階任前鋒作戰最力遂擢陞革命軍總司令部第四補充團第一營少校營長既而南昌復爲敵陷雖力戰克復然期年之間三得三失慎階率所部身臨前綫其苦戰可知卒殉難於梅嶺奉令照例給一次卹金八百元遺族年卹金三百六十元二十年期邑令步我東撰文建烈士紀念於故里二十八年入祀豐順忠烈祠

張堃字丙炎砂田鄉嶺下人十五年黃埔軍官分校畢業充革命軍第一軍大砲連指導員隨大軍北伐歷經鄧鄧贛湘皖豫魯晉等省旋奉委任總司令蔣衛隊第十團第四連連長及新兵大隊長政治訓練主任等職復入軍官高級班畢業二十年任陸軍十一師獨立團第三營營長國軍五次勦匪堃轉戰贛省先後擊斃僞師長二名爲官兵無數負傷數次二十三年擢率本團團附入廬山軍官訓練團畢業奉命代本團團長率部克復九江協攻黃昌城疊次衝鋒博擊受傷良攻貫橋斃匪千餘後偵知豹子山

## 豐順縣志

### 卷二十

列傳二

### 九

汕頭銘字局梅縣分局承印

大岑格一帶陣地匪卡堡輔堡星羅棋布鹿砦外環逼於四週縱橫二十餘里高山周圍皆散兵壕上蓋樹幹五層覆土一公尺五寸餘鹿砦三道又多隱蔽小堡構成交叉火網堃奉命進攻決計以身許國寄家書云近來戰事極烈責任甚重惟知鞠躬盡瘁而已但爲國死死亦有榮望勿多念等語八月二十八早卽由貫橋開始進攻陸空兩軍同時撲進匪頑強抵抗官兵前仆後繼節節進逼遂奪取豹子山協攻大岑格各匪堡守兵悉數繳械斃敵遍野堃身先士卒奮不顧身卒力戰陣歿二十有七總計五次勦匪血戰二十餘次堃率部生擒及擊斃匪二千零八名獲槍五百九十餘枝機關槍二十餘挺在克復城邑築公路七六十里建砲壘一百八十七座其忠勇急公同袍稱爲罕觀及戰歿軍府高級官長深爲悲惜各部尤稱哀悼咸謂袍澤中折一良將損失至大中央政府批定二十年賜卹共給年撫金萬餘元以示優異軍事委員長蔣公特撰文致祭各部長官均派代表蒞場奠祭詞輓聯自國府主席及各省軍政長官以下多至數百具極哀榮哀子名益扶級揚旌塋原籍入祀豐順忠烈祠

朱達沙田鄉西坑人廣東李兵營訓練畢業充廣東高射機關槍營排長二十七年改調充國民革命陸軍第一九五師九五零團第四連少尉連長抗日戰役全奉調赴南京達奉令率所部一連駐守雨花台山嶺未幾敵寇進逼達激勵所部誓死守敵大隊至奮勇殲絕滅敵前仆後繼卒以孤軍力竭陣亡年二十有四所部僅存二十餘人奉軍事委員會批令給一次卹金五百元年撫金二百四十元二十年照抗戰陣亡晉一級入祠祀豐順忠烈祠



鄧亮字浩然九河鄉人黃埔軍官學校畢業生歷充革命軍第三師第八團三營見習官旋調補排長十五年北伐積功由連長陞十一師廿三旅第二團少校營長二十一年調駐江西勦匪九月奉令游擊安福縣于金田江夏橋之役與共匪數倍之衆激戰腹部中彈猶率部衝擊部雖力勸退後亮曰吾儕爲國捐軀死何足惜卒于二十日在吉安固江途次殞命奉令給卹入祀豐順忠烈祠

陳成偉字厚志西隴人黃埔軍官學校畢業復留學日本步兵專門學校畢業歸國後任陸軍第十九路軍營長旋任陸軍第一五五師教導隊教官第四師及第一五六師少校參謀調本師第二團第二營少校營長旋調陸軍獨立廿一旅第二團團附二十七年抗日戰役寇犯東江奉命率部禦敵自石龍陣地轉移正果時被敵機轟炸陣亡成偉少年英俊竟資志而歿聞者惜之

黃奮標湯坑人素性慷慨遇事故爲里中少年多趨附之歷任湯坑區長警察所長民國十六年共黨謀攻縣城奮標率湯坑工兵隊赴援擊潰之旋八鄉共黨大股蠢動縣長方乃斌委奮標爲湯坑區長受事未幾經率鄉警隊馳往勦辦深入八鄉山忽股匪蜂湧至四面包圍奮標力戰以寡不敵衆昆季均殉難湯坑民衆咸哀之爲建立紀念碑

黃日中號思鴻大羅鄉人慷慨有太志壯歲廁身軍籍比十九軍第七十八師排連長淞滬抗倭迭著戰功旋充陸軍三零四師上尉附民國二十九年一月二十三日在廣西南寧奉命圍攻八塘力戰捐軀張聲雙溪人畢業於縣立一中軀幹修偉性質剛毅民十六以後共黨盤踞九龍嶂時出蹂躪各村落地溪聲督隊激戰兩小時卒將共黨擊潰而聲不幸於斯役陣亡該鄉士紳曾請縣府優加撫卹

豐縣志

卷一

列傳二

十

汕頭錦字局梅分局承印

列傳二

明 張乾福

民國 吳世瀛

鄭善莪

陳祥光

楊宮

陳晉祺

饒有鎮

徐名鴻

清 吳廷魁

李弼

吳慶平

羅星

吳濟瀛

明

張乾福字洪塘建橋堡人少負奇氣有勇略酒食倍常人隆武二年寇渠黃瑞結黨爲亂自江西及興長程鄉各縣遭劫掠者無數乾福言於父母及子姪輩曰「人生必重君國後顧身家事今賊勢猖獗難免



曰吾家若不聯鄉井爲預防置砲械防禦將流離失所矣一適大理寺鄉陳燕翼奉命巡撫閩粵路經乾福所居建橋鄉以其地上隔鄉程下距海陽縣治均鞭長莫及寇盜常出沒於附近山谷乃出示募壯丁築上城團防禦禦先是乾福方稟大吏請兵未發至是慨然散家貲巨萬集民兵千數詣燕翼自效燕翼見乾福雄偉有謀略奏保以六品都鄉長僉軍事令督人役興土木深溝高壘立東西南北四門各置一寨族鄰聯戰守越月奉特旨嘉其能准武德將軍乾福於是統義勇隨閩粵撫按官兵協勦奮勇前驅深入賊巢生擒賊首黃瑞楊樹吳安山張欽鍾鳳五人斃匪數百餘皆潰竄寇悉平

案葛志隆武誤作隆慶今攷陳燕翼事可訂合更止之

鄭義九河人年十六爲諸生有大志尙氣節讀書潮州所交皆一時名士時海內流寇蜂起義見國勢日危潮州將亂乃裝歸里以扁山險峻上有水泉曰廢田租數百石於山麓墾地築砦設險立柵鑿井灌泉開山通道爲南劍門北劍門兩隘日費數萬錢父兄聞之不聽及砦成而潮州作遠近依而安北數百家時海陽吳元昌辜潮乘陳衍慶請名流皆避亂先後至義皆縮之山陬茅屋一時扁山砦中成爲世外桃源後大清定鼎混一海內詔各行省開科舉咸勸義赴秋試應之曰我豈不知新朝恩德其如食生祠之粟何及陳衍慶應召作宰卿書義出仕不應日徜徉山水以文酒自晦永幾無疾而卒年三十有二臨歿時有樵者路過其峨冠博帶義擁上扁山砦亦不異也

楊富原名世喬柳生金溪寨人登天啓丁卯科舉人性豪邁喜談兵乙酉秋九軍賊劉公顯等攻揭陽

豐順縣志

卷二十一

列傳二

十一

前頭編字局編印

城官率鄉勇搗其巢揭圍解未幾賊圍攻金溪寨官勵衆堅守歷數月寨內糧盡剝樹皮蕉根棉核以食千人無懈志賊久攻不下復增其醜類寨中壯士輒心台乃星夜奔後騰出赴湯田吳六奇乞援旋六奇兵至至大破賊已丑宮從郝尙久破賊于梅岡擒賊首馬殿黃甲庚寅總兵班馬志富誘殺賊渠劉公顯傳達馬茂素等官與有力焉旋復與吳六奇定方略討藍霖前寇不數年以次削平宮雖與諸將協討寇寇然心存明室不受清官祿永曆六年郭之奇規復潮州授官兵部主事與諸將聯絡陰圍響應七年郝尙久反明事敗乃已後避居揭陽之沙腹湖卒

饒有鍾字秀寰馬關人明季諸生性忠介明大義甲申國變隱居巖穴者書若干卷以清史查緝其嚴密焚其稿有鍾滿清人關後不難疑不見客不至城署不許兩子御清服歲時祭祀必整明代衣冠以拜敵于年如一日其特立獨行如此鄉鄰有危姓者爲鄉中豪富各族久受其欺凌後以事爲人所中幾致赤族賴鍾力得解危者來謝議報因諷之曰祇願此後鄉鄰和睦遠勝于厚報多矣其人爲之頓歛勢讎年八十卒鄉人私諡曰惠恪先生

清

吳廷魁號亭原高田人幼失怙五代孝丁事母以孝聞及長高曾以下故墓皆爲營墓置祀田廷魁向博覽自永之書兼通算學青島歧黃諸術後參饒鎮吳六奇軍事以精算法善運籌決策所至征勦皆有功奉旨加鎮國將軍銜隨營用廷魁性廉潔在軍每招集流亡加意撫綏使之安居樂業所保全者多後以



老辭歸先是廷魁僑居潮城好行其德有一異人至以嘉禮待之因出青鳥岐黃秘本各一相示謂以此助君濟世無不效者今馳名遠邇之紫金錠丹即其秘方也廷魁曾於大埔銀溪口見皆病涉乃倡捐義渡置產生息垂六遠其利人濟物類如此生子十三人孫曾九十餘人五代同堂年八十二而卒世稱其有隱德所致云

李弼字瑄哲號殿英黃花村人好讀書有幹才屢試不售習爲吏充海縣署吏胥簿書有暇輒手不釋卷清初佐貳官例由吏員充選必實歷五年始得考取康熙初復定考取分四等聽部選以佐雜用時弼考取列一等授吏員以正八品分所歸部銓補康熙四十一年海陽知縣王毓英方蒞任聞弼考取一等老成練達素行清正延如幕僚優禮有加弼亦感其遇以清勤自勵遇事多所建白又剖決如流好行此德今尤倚爲左右手及弼銓叙典史赴部清分會不欲其去謂自作官亦不過爾爾况道遠必非強仕何如升安嗣以營塋先人墳墓乞歸王毓英書雄才清劬四字匾贈之遂不復仕弼先世寒畯乃歸爲曾五父仰山公建祠立祀田復自建祠凡築橋建廟立鄉約造防風林利羣善俗之事皆悉力率嘗曰晝暇寐於新建高岡園有賊乘遊行劫忽夢見白衣婦人來謂弼有賊至速走避忽驚覺急披衣出門而賊果至得免人謂其有陰德所致子元發後致巨富以壽御賜銀帛敕授修職郎後經文宗繡曾孫飛鵬三人俱歲貢

吳慶平號靜海瓊坑貫人幼讀書負奇氣後投筆習弓刀年十八登嘉慶辛酉科武舉連捷進士考充廣

## 豐順縣志

### 卷二十一

列傳二

### 十二

汕頭鎮字局梅縣分局承印

東全省塘務粵督吳榮光奇其才以忠勤職相勸慶平服膺之廨中一切積弊釐剔殆盡公餘則習書史翰墨旋丁外艱歸里哀毀逾度遂矢志奉母嘉慶庚辰倡建宗祠學宮側不辭勞瘁繼乃結廬大柱山下居焉顏其堂曰尚志署其門曰可以蓋取討衡門可以棲遲之義也手書朱柏廬永訓於屏風集唐人句爲聯榜諸廳事云無多別業供王稅未有涓埃答聖朝其志趣可見居鄉里坦而易遇事之有關風化者皆力爲之道光初里有通賦者慨然代償出其獄甲申鄰里以旱構釁感釀械鬥慶平撫循之杯酒勸化懷輒焉鄭家蘭大史贈以詩稱爲肝胆照人季布彥方復見云居家三十年諄諄以討禮種德爲訓年五十八而卒

羅星上陽棚子人附生正直好義尤善排解紛邑令張邦泰以訓俗型方匾旌其堂咸豐六年土匪吳忠恕圍攻潮州星督團勇集子弟及次子武生楊輝率赴潮救援紮東橋頭與賊激戰斬賊甚多旣捷以功保獎訓導銜子揚輝賞六品頂戴復派團勇堵紮吉嶺關擊破逆首紀阿服滅之鄉邑賴以保障年八十六而卒

吳濟瀛號蓬洲橋背人授千總銜天性孝友見義勇爲咸豐四年土匪聲揚倡亂由大田分路撲攻縣城濟瀛在局與諸紳募集義勇合官軍防禦督隊擒賊首盡殲之同治四年髮逆譚體仁大股自嘉應州竄入北溪人心震駭濟瀛協助縣令誦清率團勇堵禦卒殲敵寇勞績卓著邑修學宮城隍廟火神廟西堤各工事皆躬而其役晉早災大饑力勸賑捐邑建義食捐儲谷石均竭力勸贊共底于成其見義勇爲熱



心公益邑人咸稱之年六十四卒

## 民國

吳世瀛號少蓬新坡鄉人宣統己酉科歲貢選訓導不樂仕以經術教授於鄉閉戶課徒不涉公事然素正直明達事理處世待人當世咸稱之爲忠厚長者民國初厲行地方自治投票選舉區長運動競選人品不齊操選權者慮爲地方患乃一致票選世瀛爲區長義無可諉強而後就咸慶尙人旋被設立縣議會後舉爲正議長時以改革未幾吏治糾紛奸僞萌起上下交征世瀛遇事持正貪劣皆有所忌憚地方人心風俗賴以維持者甚大厥後奉令裁撤縣議會輒謂解此羈絆如釋重負自是退居家園謝絕時事以種花課農自樂性喜花石嘗搜集小白石之園者方者長而曲者無數悉置瓷盆中以清泉供養之觀書餘閒輒玩以自娛謂此中別有清趣足以澄心滌慮其高致如此仲子逸志中將任第八路軍總部總參議迎養廣州東山私邸世瀛居未久以貴要車轍盈門厭其煩囂乃別賃一室以居春秋佳日杖履優游每於公園遇奇花嘉卉輒流連不欲去韋服布履皓首龐眉鬚鬢臨風若拂望之似神仙中人而不知其爲顯要封君也既而逸志爲築蓬廬於故里池園樓榭果園花畦木石皆奇乃還歸願養見永天年未幾而卒年八十有三矣邑人李介丞與五區人士爲文而祭之曰忠信之長萬夫之望坐鎮縣門四維是張可見其物望矣

陳祥元字潤甫贈陸人品相清奇豐神瀟灑酒性剛直嫉惡如讎然好禮遇士人在陽陸隱於市士子經過

## 豐順縣志

### 卷二十一

列傳二

### 十三

汕頭縣字局轉印分局承印

其地者輒厚款之並爲買舟論者以此多之當清季時局轉振祥光盱衡大勢謂世運遞嬗培植人才實爲先務故常改造時勢之說勸勉其子有子七女一咸受專門教育燭火之費供給無置常曰積財以自活不如積學以用世也子勳吾鏡蓉勉吾最知名女端而西市立一中校長卒年六十六

陳晉祺字儼五清附生湯坑新川鄉人性寬弘有度樂易近人以物望爲衆人所悅服穎川五鄉咸尊禮之遇糾紛得其片言立解蓋德化及於鄉人能導之歸善說者輒以王彥方擬之生平論學不慕聲華而崇修理仕鄉學縣學講席廿年所載成弟子甚衆教子有義方長子庸受其提撕而命奮發砥礪卒用成名民十四年捧檄綰篆豐順晉祺勗以服務桑梓官以官聲爲重清慎自矢切勿與平常游宦者此後倡建穎川公學以經費支絀晉祺促庸往暹羅募捐謂爲鄉人服務雖遠涉重洋切勿以爲苦迄今校舍落成規模宏敞樓閣巍峨晉祺與有力焉年六十三歲卒

徐名鴻原名爾鴻後改今名以字行湯坑埔頭鄉人幼聰穎性沈默初肄業於縣立小學操筆爲文頗有法度可觀喜讀鑑史嘗點閱袁王綱鑑朱鼎鑑爛時方十二齡於同列齒最穉識者咸以大器期之後讀於高師附中既卒業考升北京高等師範國文部受知於錢塘章嶺稱高足爲文初頗宗桐城後捨去不學書宗魏碑而骨力道上畢業後任國文部助理留居北平所交多名下士初與新青年派組工讀互助團繼與梁漱溟黃艮庸王平叔結廬於城郊講學於農村經濟自治建設諸端往復討論其生平政治思想多淵源於此先是漱溟居金陵值陳銘樞交莫逆厥後國民黨改組議北伐銘樞費用事電漱溟南來



激溟時居曹州固持重遺名鴻三人行銘樞一見如舊遇事輒以諮詢旋銘樞奉命偕白崇禧入湘說唐生智參加北伐挽名鴻偕行決策頗多北伐軍興銘樞升任師長倚名鴻如左右手挽其任師政治部主任任職通鑑相隨暇輒瀏覽稱其於軍事政治有裨武漢勘定軍政有醴釀名鴻時與總政治部主任鄧演達交最密其見解步驟亦趨一致世人所目之第三黨於此植其基焉銘樞憤而離職事後名鴻語人謂此中蓋有苦衷然竟莫能明也民十六寧漢分裂葉賀一軍開南昌趨贛南下潮汕名鴻與郭沫若隨軍行及次潮揭師徒撓敗乃還歸埔頭故里胼胝力耕日從事畝鋤灌園怡然自得民十七激溟來粵主持廣東建設委員會事兼長省立一中約名鴻赴省襄助校務建議設班主任制行勞動教育時省市黨部主持者有憾於名鴻且窺其與蔣蔡諸人舊嫌未釋乃密令公安局長鄧世增逮捕繫獄者凡四十餘日名鴻識死生之分際處之泰然以營救者多獲釋銘樞事後且約蔣蔡二人爲之釋嫌焉未幾銘樞擢升省府主席愈益重名鴻每有大事必邀之計議其者屢以爲言不聽西南醴釀獨立銘樞離職名鴻亦離粵往蔡廷楷於江西旋隨軍開駐滬寧線十九路軍淞滬抗日名鴻實參贊之及蔡率部入閩名鴻任總部秘書長事無大小必以諮之迨閩西肅清名善後督辦每日足穿草履下鄉以刻苦淬勵所屬推行政令力主耕者有其田擬於閩西試驗其平日土地革命之說民二十三年以閩事變死焉使其尙存靖獻國家則對於抗建前途當有建拔也



列傳三 文學

邑人李唐介丞甫編纂

明 羅紅

吳翹

清 吳啓晉

譚廷儂

李經文

劉淑元

張紹華

譚在閣

李漢玉

彭景雲

鄭家蘭

吳鵬

王琳

丁乃潛

吳開歧

陳期昌

丁愚康

吳伯齡

吳其瀚

王惠和

李秉康

豐順縣志

卷二十一

列傳三

一

汕頭錦字局梅縣分局承印

吳鍾杰

劉世騏

吳震

明

羅紅上陽人正德初補諸生以學行見推爲督學陳欽所器重欲剡薦之越三日陳卒不果紅母八十以親老宜奉養遂不求仕進居龍溪其地臨水有林泉之勝以讀書吟咏自樂復娛情於耕釣乃於龍溪之陰別築釣台溪口有巨石嵯峨名曰望牛石紅徜徉山水亦耕亦釣嘗坐石上牧牛其雅興高風可見所爲詩頗多遺稿不傳有和友人某歸田百詠詩揭陽令陶楨見而愛之因造其廬相與登望牛之石坐垂釣之台賦詩而別後教諭黎文會主簿季本皆嘗與紅過從並推重之

清

吳啓晉號長源湯田人六奇長子有文武才少佐治兵參與帷幄然非其所志也性至孝重然諾友愛諸昆季能得父歡心讀書尤手不釋卷順治丁酉科舉人房師洪琮以大器期之海甯名士查伊璠孝廉居六奇幕府一載六奇令啓晉侍座學益精進伊璠曾叙其所爲文有關戢安之大者嘗稱啓晉韶秀玉立工詩所至輒流連興懷古昔疾行五指篇什繁富美不勝舉後選詩可備錄啓晉詩可見也自以父宦銜掛印以長例膺蔭典顧獨發憤下惟力求能自樹立甯讓弟啓爵承襲尤有季禮流風啓晉喜佛學高僧



守白掛錫曹山寶林寺啓晉爲拓建寺院讀書其中與守白談禪宗得曹溪一指之妙乃未幾竟卒天不永年人皆惜之所爲詩文頗多今亦散佚查繼佐所敘者亦無存

李經文號約齋黃花村人幼負異姿雙眸炯炯如電有大志年十八邑令江廷隆以偉器相期縣試拔置第一補潮州府學弟子員經文博極羣書尤長於攷據以古文爲訓義不屑拘於時應鄉試十三科薦卷七科不獲選遂絕意舉業專事著述督課子弟染別業數楹額曰井汲軒積書充棟丹黃殆遍讀書執筆嘗竟日夜不眠其精力過人如此所著三易通義及各種遺稿數十厚冊未刻蠶佚舊存毛詩一冊頂格空白紙長四寸許筆蠅頭細字皆滿加硃圈點近亦佚去少壯爲文姿意汪洋珍珠船所採刊者可見一斑後一歸於簡輿樸茂晚年精畫工繪井汲軒課讀書圖一幅書倉庋壁盆花羅簪庭前執卷環而立者數人獨自正襟危坐案頭攤一書自題卷端詩云靜坐芸窗下長吟徹曉天文章誰共賞經濟世通傳攷証無今古鉤深有歲年何須折秋桂本是月中仙其懷抱可想見也後以增生選貢補訓導年八十而卒弟宗耀嘉慶庚辰科恩貢子飛鵬道光壬午科歲貢補教諭皆受其學者飛鵬好學毫而彌篤歲必購新書數十金嘗謂吾與古人爲徒不能一日離書孤立云

張紹華字劍軒建橋堡人由廩生登乾隆癸酉科舉人大挑一等簽分江蘇試用署松江府同知特授常熟縣知縣自請改教職歷任番禺歸善等縣教諭化州學正陞廣州府學教授淹通經史善爲文所至皆以文章爲士林模範羣相推重在廣州任以品學爲督撫所器重告辭不獲後詢知年已八十有二因准

## 豐順縣志

### 卷二十一

列傳三

一一

汕頭鎮字局梅縣分局承印

給假回籍年八十七卒

李漢玉城廂人年十七進庠旋食餼於庠升上舍膺乾隆己酉科歲貢銓選新興縣教諭在任昌明學術士林式化尤長於經古詞章之學著頗多見收於觀海集刊行者尤夥故文名甚著平生操持正直誨人不倦學者多師之

鄭家蘭號秋泉九河鄉人少家貧而大資英敏其叔父梅川資之學年十六補縣學生旋由廩生登乾隆戊申科亞元嘉慶戊辰科成進士欽點翰林院庶吉士散館改授福建邵武縣知縣在官清操自持不以察察爲明多惠政民咸稱之爲鄭菩薩其慈愛可知充福建鄉試同考官得士曾元海大激賞之惟正副主試官均不以爲合家蘭謁此人必發且聯科捷力荐始獲選及會試果成進士入翰林當時人皆服其藻鑒之明後曾元海督學廣西感恩知己遣人資金餽之並爲賀建大史第師生情重一時傳爲佳話定例縣常年倉官儲穀凡新舊任交替需盤查存缺以明責任家蘭初蒞邵武任時視各倉廩標封仍舊盤查一二廢穀額無異蓋以各廩皆備遠行結報迨任滿交代逐廩清盤始知向所未盤各廩中空無所有者卒受賠累甚鉅而宦囊如洗解組去日百姓皆遮道歡送並爲建立生祠歸里後歷主講韓山書院嶺東俊秀之士多出其門下工書法楷行兼美爲世所珍著有正初文集四卷

王琳號玉山環清人少負不羈才篤志力學期及於古爲文不逐時尚由廩生膺咸豐戊午科恩貢家貧以經術教授於鄉成學之士多出其門丁日昌中丞未達時曾執贄門下及撫吳丁憂歸獨以師禮尊之



爲詩書扇以贈有澤國宦遊空遠思之句復延至絮園多所唱和屢敦勸出山不樂仕進以年老辭謝琳善詩其詩風格清朗行興立就而自然雅詠從不留稿故所傳僅文徵所錄數首生平尙氣節不以寒儉介意惟秉正嫉邪遇非禮之財輒望望然去若將浼者爲廩生時以送考督學院試在潮適屠戶毆辱大埔考生案當道罰賠數萬元九縣廩生皆分派百金琳聞而恥之若不可終日即棄所事歸里其耿介不苟得類如此年八十一而卒子之桂附生係楚材歷任遂溪台山等縣推檢官兩廣鹽運署秘書平南總局長

吳開岐城北人博學多通爲文務典麗好奇不合時尚屢試不獲選後棄制藝不爲專事讀書課子有暇輒搜輯古今異聞奇事及有關因果者彙爲若干卷名曰靈異記刊行之意在借此警世也嘗謂窮達有命惟積德可格天故生平喜行善事遇貧乏輒周急之至老不倦長子良增生次子榮廩生三紅道光辛卯科舉人皆開岐教育成之

吳翺號傳衢新坡鄉人道光己酉科拔貢父逢時爲邑諸生翺通經史有文名留心經世歷掌饒平琴峯書院揭陽梅岡書院每歸省必縷述邸抄時事以博父歡乃父亦嘗舉歐公養不必豐要於孝之言慰之後掌本邑鵬湖書院裁成後進最多翺平日嚴氣正性惟誨人則諄諄不倦其品學純粹士林咸欽式咸豐甲寅同治乙丑兩次匪亂皆力籌防勦原授訓導後邀內獎以知縣用年逾七十卒丁日昌制軍嘗稱之爲歸然靈光云

## 豐順縣志

### 卷二十一

列傳三

二

汕頭韓字局梅縣分局承印

譚廷雋字特峯大田鄉人嵩鵬之孫嘉慶丁卯科舉于鄉三上公車不第掌教鵬湖書院教人誘掖獎勸諄諄不倦謂士必先器識後文藝持此以律己正人以父宏謨歿于泮州撫番廳任內未親視含殮爲終身之憾日行功過格舉動語默自律尤嚴晚年著大上感應篇輯泰書成未刊而逝家藏手抄本咸豐四年兵燹損失三之一其孫龍三補註後刊行之

劉淑元原名秉綸東隴鄉人同治壬戌科歲貢總角能文才情敏捷性渾穆喜怒不形于色社會稱爲至誠君子博通史籍爲督學軍懋謙所奇賞後讀書于白雲寺益肆力于古著作頗多未及刊而卒

譚在開大田鄉人年十三隨譚懷川孝廉入閩讀書官署磊落多智僚友咸稱爲英物弱冠淹通經史百家能文工書法爲懷川所奇愛旋居韶州府學署四載與曲江人士往還咸以國士目之善爲詩從不留稿尤不喜苦吟謂詩以寫性情當出之自然有意爲之未必佳故無專集有傳誦其一二者不啻片羽碎錦句如星斗圖書峴江山人曉天山居句云春雨滴殘紅點點秋風吹老綠芙蓉鹿眠野徑侵春蘚日上寒籬唱午雞又遊仲坑一首皆俊逸整練風骨道爽琅然可誦可見其造詣也不幸早卒人咸惜之

彭景雲號松岩下湯人道光庚戌科歲貢同治癸酉科欽賜舉人好學老而彌篤通史籍能文善詩自署蘭谿居士嘗於嘉慶戊辰除夕效賈閬仙故事作祭詩文云維年月日彭子以梅花桃花黃橙綠橘清泉白石諸物致祭於詩前而告之曰畧云子生何處逍遙四序舊跡漢唐馳聘吳楚招子言旋如相告語自斷推敲獨出機杼章句掄擢篇法齟齬雖則云然總蹈規矩文長千餘言整散學六朝文體極詭辯恣肆



類招魂大招之詞其好事類如此光緒間與吳鵬同修邑志倡設良鄉義學著作頗多手自編定者有時藝六卷試帖詩二卷擊鉢草二卷春情集一卷詩近九僧四靈好樂府古體均未刊

吳鵬號舉軒瑣溪鄉人同治壬戌科副貢選州判不求仕進歷掌鵬湖書院邑士林多出其門下光緒甲申邑令王承鑒倡續修縣志聘鵬爲總纂生平束身自好行規步矩嚮然儒者爲當世所重晚年於故里築硯田廬讀書至老不倦年九十四而卒

丁乃潛原名惠馨字旭卿晚更今名辦訥菴署所居室曰匏存日昌仲子生於湯坑隨父僑居揭陽城不隸揭籍性狷慤無他嗜不與時徵逐雨中丞自撫閩乞歸延名師課諸子督責嚴而厲諸子惴惴或踈跽不受羈縻或攻經世攷古之學說以事功著述顯乃潛獨研習制藝試律光緒癸巳恩科以廩生中副榜嗒然羣阻謂操此術以求售於庸庸耳目得喪焉足論者遂棄去且焚其稿乃散精勵志於歧黃靈壽之學暇則或吟諷自娛內室孫西台通醫術往三室篝燈鷄再鳴猶相與討論脉理方藥不稍輟著有畫星樓醫案問世既而獨居深念忽萌出山想西台慈惠之初報捐知府指江蘇未赴西台日封疆我家故物若有志當世末更齷齪胡爲者乃潛曲徇其意乃捐陞道員癸卯分發浙江候補抵浙後與在籍徐致靖侍郎陸春江中丞時徜徉嘯歌於六橋三竺間論者咸謂其文采風流有非俗吏所能髣髴也嘗督辦浙江全省警政銳意有所振刷而左右牽掣不克行其所志復辭職而宦情益淡需次久其家悉索所有資供或不給弟叔雅自都門貽書促其早歸乃潛見時無可爲遂浩然作歸計詎歸未久而革命應起國

## 豐順縣志

### 卷二十一

列傳三

四

知縣字局備分司承印

體變更自是絕意仕途專治詩及醫窮年不厭問及堪輿星卜涉獵頗廣雖未盡竟其緒而於詩蓄有獨至者其論詩不主祧唐宗宋晚致力宛陵后山荆公初主深峭後歸平淡曾剛父極稱之陳石遺序匏存室詩續鈔謂視叔雅年事稍長工力較厚乃潛性情和藹口吃吃若不能出而與人極可親尤篤於親親弟惠吉嗣單遺季鴻業繼承之樂施與貧無可殮者贈之棺病者贈醫藥冬寒施布衣歲費千百金以爲常顧自奉儉樸雖席豐厚輒衣大布食不重肉起居以時至老不懈工書法初學大蘇兼董趙老年忝以石菴松禪能變化自成其體卒于民國十七年戊辰三月二十三日年六十有五次子韻初亦工詩

陳期昌號香九沙田鄉占頭人年十八補縣學生弱冠升上舍食餽光緒丁酉科歲貢補訓導未仕幼從嘉應陳慕皋陳崧爲詞章之學旋負笈金山書院受學於南海廖子亮順德陵履初近十年學益進每院課及歲科提學試期昌輒前列文名繕其三錄優行八列異等七試南闈兩試京兆屢薦不獲舉後以丁父憂歸旋築蕙芷山房於冰山之麓富有圖書一時從之學者接踵旁舍不能容增築培園以居時邑令鄧衍憲玉燿曾皆名進士相繼任期昌倡設北勝學社請管爲師按月由邑令發試題徵集士林作卷彙送評閱榜示社中所謂分經史理文詩賦及各雜體畢具社內各鄉人館以十數競相講習學風爲之一振王令尤提倡選舉屢諭期昌創立北勝社書院期昌通史籍尤長於經古詞章才華敏贍寓北京與丁叔雅曾剛父張小莪諸名流極譙遊唱和之雅家居三十年凡關於地方公益治安之大者皆引爲己任見善者則誘掖獎勸之惡者深惡痛絕不宿怨其雅量有足多者迨科舉廢尤喜新學每讀



譯書報手不釋卷年五十八卒著有學問賦鈔三卷詩文集十卷文以駢體爲優詩近晚唐均不如賦之清麗瀏亮也邑令單夢祥爲撰墓誌銘有牛覺自任知無不爲植品勵行不憚不緇大邱率物彭澤賦詩愛遺桑梓猶繫人思之語子彰馨廬生雅擅詞章亦有聲於時

丁惠康字叔雅號惺庵湯坑人父日昌官後僑居揭陽以圖籍自娛一時海內名流習與遊者多不遠千里買舟造訪極文酒山林之樂惠康方垂髫時父側於一時巨人長德論學次第已能默識其條理日昌卒惠康稍長頗豪宕不自檢既忽自痛悟大刮磨蒙習閉戶力學發家藏書讀之悉泛其涯每爲文輒高異寄趣幽遠風骨道上論者謂其有魏晉人風先是遼陵之役既平故書雅記往往散出日昌多所搜集率人間罕見故丁氏藏書之富甲於一省獨山莫友芝爲輯持靜齋書目四卷惠康以諸書尙少提綱絜要欲爲阜清經籍志及寰宇訪書錄以開發之未幾北上將詣書南學適長沙張百熙爲祭酒得其文大賞之拔置第一併居南學博交當世魁偉宏通之士議論証據古今中外所見益遠時甲午戰敗益以戊戌政變諸志士日謀所以挽救惠康亦參與其間往來津滬或以義甯陳三立瀏陽譚嗣同廬江吳彥復相比况稱四公子惠康聞之厚自矜負於杭甯炳麟撰書首明種族爲各帝之論惠康爲出贊刊布已亥歲暮客滬廢立之議起滬濱司電知府上虞經元等倡衆抗電力許惠康實左右其事劇名其列遂見惡惡於當路惠康憤然自適庚子國變合肥李鴻章以議和駐滬上惠康大集南北志士銳欲有所爲面謁李鴻章勸以延攬人才速定大計鴻章不能用變法後京師設立大學張百熙督學事舉充國文

## 豐順縣志

### 卷二十一

列傳三

五

汕頭縣字局梅縣分局承印

教習惠康辭曰人各有能有不能教習硤硤窮年祇能爲役也丁母憂歸里岑春煊督四川電促入川惠康以不知其託任云何而止時方開經濟特科徵有辟士累加連篇惠康恥之謂大半爲清議所不容自謂四方奔走精思果力都不讓人至於函牘往還指切事情搖筆如飛斯須脫稿不假思索客無凝滯少讀董生對天人三策東坡上神宗萬言書尤所酷好丁於流涕故自爲文亦頗相類獨口吃少辯論之才尤乏肆應欲從南海康有爲遊窺其辭氣奮發猶才無礙之旨梁啓超聞有此意促之東渡謂必於彼有益往復相聞外間藉藉頗有知者流言至于京師友人某移書切言其不可惠康報之曰夫朝廷之士往而不復返山林之流入而不復出明趣異也今則滄海橫流淪胥以溺亡種之禍無間賢愚焚如之悲嗟論貴賤避世避地已無可逃爲馬爲牛又安能免雖欲如管幼安之居北海王羲之之伏船山顧可待耶若邀遊京師求賢取友則中朝士氣亦可知至如上海則人多言維議紛囂無所統一其成敗亦畧可觀矣揆君之意所不忍言者恐其犯不韙之名召禍耳不知近日封疆大吏紛遣學生東遊負不問以此望吏議也即文人學士采其土風勤爲記載亦未見以此列彈章也如康徵耒曾何足云康行年三十有五矣日暮途遠人間何世自以名公之後又不屑隨俗俯仰博鄉里善人之稱君願以厚望於僕母乃與私心相刺謬乎既而岑春煊督粵延惠康入幕主持興學事赴日本考查學校歸參議學務於廣州旋棄去復旅食京師鬱鬱莫達所志每歲冬塊坐斗室不裘不炭冥然抱千載之憂其孤子之懷曠邈之想去世絕遠宣統元年四月晦日以病卒於都門旅舍年四十有一揭陽曾習經爲經紀其喪先是



張百熙曾以惠康應經濟特科之薦不就由廩貢生納貢爲戶部主事亦竟未一赴部所爲詩文概不自收拾羅惇融姚梓芳從其徒友搜集之得若干首次爲丁徵君遺集溫廷敬復蒐得詩若干首收入潮州詩萃惠康詩初學義山復浸淫於龔定菴其他所欲著者如漢儒春秋學徵等均未就

吳伯齡原名昌期號式喬城南人進士世驥之孫補潮州府學廩生以博學能文著稱饒平海陽各縣人士均先後聘主講席光緒嘉應溫仲和大史主講金山書院伯齡遂辭席進之學銳意講求新學時務悉窺其治學修理每課藝輒前列光緒乙巳李介丞丁培珊自省垣歸創辦豐順縣師範館挽伯齡爲國文歷史教習繼任勸學所總董豐順教育會長官立學堂校長歷十餘年邑後進多受其裁成宣統己酉舉孝廉方正時望歸之民國三年廣東政府令各縣開征丁善稅前所未有也邑令暨各地方團體紛呈請免俱不獲命伯齡以關係一邑民生甚大獨上書痛陳地方貧瘠苦狀奉准豁免邑屬至今無上善稅負擔伯齡力也伯齡性靜穆寡言粥粥若無能者惟遇關地方利病或公是公非所在輒抗言不撓改革以還吏治放紛無紀作始司法獨立時專審員湯池貪污穢亂習與地痞劣棍朋比爲奸賄賂公行是非顛倒爲地方害伯齡以其影響人心風俗全大逕函縣議會嚴行糾舉復致書當道謂言人有上下其手者湯專審則既上其手復下其手又別出一手收受其賄聞者以爲名言卒撤其職其剛方正直類如此顧一般夙與湯勾結蠅營狗苟之輩驟失其所依或亦造作蜚語伯齡聞之致書友人曰若吾邑人事亦可謂之修羅場然皆魑魅魍魎尙非牛頭馬面能演刀山劍樹之劇者實不足道其言雖謔而虛抑亦清議也其冷眼觀時超然世俗之志節可見矣故平居與人酬對嘗終日夕不發一言獨與知交論學問談國事則口若懸河娓娓不倦每致書知友動輒千言嘗謂治事不出於誠無不敗者其敗也或數年而見或十數年數十年而後見又言曾文正可敬不可學以其畢生皆由勉強而致其論世知人往往獨具見解讀書輒手不釋卷尤喜讀新小說謂余向與世遠借此可窺見社會情態爲文下筆千言立就從不留稿素善書好看三希堂法帖伯齡先世收藏名字畫頗多每月輒取一二張掛私室獨坐玩賞數日復撤去其高致雅懷有非世俗所能共見者年五十九卒士論惜之

吳其瀚號海帆別字仲瑜城廂高田人年十九進邑庠二十補上舍光緒乙酉科拔貢連捷鄉試舉人揀選知縣公車三上屢荐小弟遂絕意仕進主講鵬湖書院歷十年循循善誘不苟言笑士林咸欽之居家事親孝持已廉待人以誠非關地方要公不屑與聞歷任邑令下車皆造其廬惟絕少與官吏周旋非公不至凡會議地方事遇官紳有不當於事理之言輒抗言拆之若不合則托詞而去絕不爲阿諛唯諾之態以故人皆憚其厚重辛亥革命奉令廢縣署改設安民局舉其瀚爲之長後有被廢一般胥差弁勇闖進大堂開槍轟擊羣皆奪旁門避去其瀚獨夷然不爲動且目笑存之事後督率各員紳辦公不少踴躍奉改委縣長時秩序未定人心惶惑其瀚以鎮定態度維持之所裨益地方治安者至大嘗謂士大夫不能有爲於國亦當求有裨益地方其爲人可概見也長子祖理率與賓每月必寄書一二次訓飭之初次書云一邑之事羣焉待理又下車伊始舊接新書忙碌自不待言然天下事無不由難而易由易而甘



能振刷精神又得同事協助初雖披荆闢棘久則烏道蠶繭皆成康莊坦道矣今當改革之初人心未定宜馴擾不宜激烈宜漸次推行不宜急切從事宜順輿情不宜執己見以清慎勤三字爲根本而又揆時度勢出之人心可得行政自不難也來稟云商學各界日形浹洽行政者果能得浹洽二字則一德一心何事不可爲何政不可舉今縣長職守有會盜賭門四事專責立法其嚴行政自應慎之又慎尤要博訪周諮時存一好生之念萬勿輕易昔歐陽文忠公之父爲推官時留心獄獄夜閱文書嘗屢廢而歎其妻問之曰此死獄也我求其生不得耳妻曰生可求乎曰求其生而不得則死者與我兩無憾也矧求其生而有得耶吾謂凡有生殺人之權者當以是爲法至國人皆曰可殺者此除暴安良之事所謂與衆棄之者也及其子祖理解組旅居潭江因爲族人撰一呈詞其瀾知之復馳書切責曰前日殷臣來出其呈稿知爾所爲吾百思不解爾固者數日謂重族前歟而同族之人遍天下也謂求利益歟而此種利益如鴆酒漏脯之不可嘗試又爾所素知也抑抱不平歟今日非講理之世界又焉能使人人得其平耶或因爾便於求而爲之豈知一人可求人人亦可求一事可爲事事亦可爲吾恐後來將日不暇給也至排難解紛雖此不廢而有不受排解者聽之而已彼雖涉訟於我無與焉其平昔律已教人之嚴類如此亦可見其生平爲人矣年六十有二卒著有養源堂詩文集各一卷

王惠和號春圃環清鄉人父顯朝光緒丁丑科歲貢以學行著惠和幼承家學弱冠蜚聲庠序間文名藉甚歷受揭普澄三縣聘主講席受其學入泮登科者無數澄海吳貫因其高足弟子也曾爲惠和撰傳云

## 豐順縣志

### 卷二十一

列傳三

七

汕頭總字局梅縣分局承印

貫因讀書稍得門徑能爲國家有所盡力者皆受先生之賜憶先生在嶺梅書室講學時嘗語諸生曰入股制藝早受鄙已成末光吾儕讀書致用惟有助力古文辭經濟之學始得受用不數年而科舉廢世變亦日亟其識見爲何如光緒己酉惠和授恩貢考選直隸州州判以國事日非不樂仕民國歷任普甯豐順各中小學堂校長教員並創立本鄉福民小學校蓋已垂垂老矣居鄉里遇有裨益地方事皆力爲提倡十二年亂兵入其室掠及鄉衆寄存修築堤渠公款數百元惠和甯自吃虧借貸清償而堤渠賴以完成鄉里德之十六年共產黨徒陰謀攘奪政權惠和料其必爲地方患爲鄉人曲陳利害倡設治安會繼設保安局厥後共黨槍殺焚劫四鄰皆糜爛其獨環清一鄉無恙人皆服其遠識先見生平篤於學至老不倦凡經史百家醫卜之書靡不瀏覽爲文華瞻兼長駢儷所有撰著每不自存稿蓋能見其人不以身後文名爲意也年七十三卒長子家麒廩生代理豐順縣善六帖所爲詩氣宇高華情韻不匱足見其詩學寢饋於鯉庭者甚深也次家驥歷任和平漳浦縣科長潮安五華潮陽推檢官孫乃助現任廣東民政廳視察次孫乃宣任縣高初中學校長

李秉康號福田黃花村人通經史治古文辭尤深研左氏公羊穀梁三傳手抄左氏傳全部既冠與堂弟介丞全負笈潮州金山書院尤孳孳於今文學時改試經義策論督學朱祖謀拔置第一補縣學生及罷科舉復入韓山師範學堂畢業後歷任自助公學豐順縣立中學球山中學教員凡二十餘年皆主講文史爲文講授俱有法度復循循善誘受其學者多有所獲畢生皆篤學未嘗一日廢書百氏之書無不窺



晚年獨耽周易通河洛初喜來氏易註後專好戴東原易學旁及堪輿星命醫卜諸書俱有心得謂易可通百家戴氏所主一幾字可包括全易故曰易之爲義大矣哉年六十二卒生平性情柔和未嘗疾言遽色著有適廬詩文一卷豐順赤禍始末記及自撰年譜各一卷其門下古揚志楊拱垣等百餘人醴資爲建紀念亭於黃花村口

吳鍾杰號若凡璜溪鄉人幼聰穎讀書異常兄年十二通四書五經大義解韻語應童子試屢冠軍已進庠益肆力於經濟時務求致用光緒庚子變法喜曰今後吾志可少舒矣旣而罷科舉興學堂倡設族立湯田兩等小學於縣城旋任藍田學堂校長力祛舊日教注人法專事誘掖獎勵鼓舞之使自奮其羞惡而資其廉恥使之樂於就範而無敢越矩當世每樂道之長藍田三載每竭精敝神而不自覺旣而一病遂不可治及卒年四十六學生百餘人咸痛哭失聲

劉世騏字芷川光緒己酉科拔貢大田龍華鄉蛇窟村人大田溪流發源自馬頭初行萬山中迂迴曲折迨流經龍華則石瀨潺湲又逕流至長埔壩水清沙白抵大田爲淵深停蓄本邑文人學士誕生是區者後先背望殆亦山川清淑之氣所鍾歟世騏生平有箕穎之志不樂仕進隱居教授於鄉以述作自娛喜觀史漢多識前言而於史遊俠貨殖兩傳尤琅琅上誦與大田譚愚生交最洽暇日相訪談藝徵引繁富娓娓無倦容問及評文評史則妙義環生蓋世騏於彥和知幾兩家書能融會而貫通之其讀書有得類此初世騏學制藝於賴晴初師友間尤稱投契及晴初卒輓之以聯云化雨春風羣彥盈門神獨契悲豐順縣志卷二十一列傳三

歌賞酒卅年蕭寺恨離平情韻不賤傳誦當時其詩文宗退之惜稿多放佚年□□卒世騏弟子吳震亦以文學著

吳震原名鴻裁後改今名字雲裳清附生長埔壩人初從同里劉芷川游後肄業於潮州金山學堂詞章經濟之學兼而有之嘗一度考職入京環清王惠和贈詩有解吟草句居原易早出茅廬迺自先之句清社旣屋民國肇建震爲士林推許與邑人王家騏齊足並馳民黨鉅子蕭佛成雅習其名電邀震與家騏往遊曼谷主持新民學校教務歸國後出佐戎幕以任粵軍師長黃任寰秘書最久繼宰五華政尚清簡而不擾民無愧於官箴焉性狷介非其人不與之言然不其立崖岸嘗謂仕宦乃例外事惟讀書志道乃書生本色生平不善居積素位而行兩廣鹽運使秘書長王楚材重震行誼介其入閩粵統稅局管榷事以積勞遺疾而卒年□□□震善六帖所書楹聯尤見蒼老遒勁其詩綿遠芊麗蓋於義山爲近非時下香奩體可比里人吳祖理輯其詩得若干首載諸吳氏族譜並編入文徵云

### 列傳二

孝友

明 吳崇鑑

楊玉華

丁寶瑛

李少溪

鄭超然

楊 最

鄭江山

清 羅明倫

余金聲



楊兆璣

劉鴻俊

連善和

柯光武

彭秉才

丁初豐

吳世驥

譚堪齋

吳玉鷗

羅華周

舊志列傳以孝義者壽二門爲最繁蕪今改爲孝友義行鄉善者壽四門擇其於孝友義行有特著事實者概爲立傳其有神益於社會人羣一善足錄者歸入鄉善表凡庸德無奇克享壽考者概摘要列爲耆壽表既不沒前賢之美卽昭以後人之規

### 明

吳崇鑑字嚴晉豐政都湯田人幼有至性父貿易程鄉路過大歧嶺下遇暴疾卒時崇鑑方九齡聞耗星夜奔往詎至前父屍已爲螻蟻負土掩沒僅留面目可見爲之痛哭殞絕路人哀之遂瘞乃父於是世所傳爲蟻地者此也崇鑑有仲兄早世爲續遺孤視猶己出弟崇欽號松軒友愛逾恆分產時兄弟叔姪交讓有泰伯季子風一日告其母曰家道浸昌全賴祖德欲在瓜子塘地面建祠何如母喜諾遂構建焉其孝友如此至如賑貧乏助喪葬建立義田義學鄉人多賴之卒年五十有九今縣城吳氏族勢蕃昌皆其兄弟遺裔也

## 豐順縣志

### 卷二十一

列傳三

### 九

汕頭總字局梅縣分局承印

李少溪明季庠生原世居大樅社後遷小勝鄉以祖墓多在大樅臨終遺言死後必歸葬大樅違命者蛇咬虎食之卒如命歸葬閱數傳子孫衆多咸主遷葬小勝便拜掃乃遣人負其骸骨歸詎過洗馬潭其器忽躍入溪潭撈之不獲少溪沒世久猶不願離遠先人墳墓其孝思莫靈至自沉其骨以殉如此厥後最遷最力及負骨者果一爲虎食一被蛇咬而死可畏也後嗣以其生平事親孝篤友誼建祠享祀故名曰孝友堂先是少溪與九河鄭松溪南溪江樂溪訂爲盟友相約各覓地遷居後各開基一方白頭如新而皆保世滋大爲邑屬臣族

楊最金甌寨人明季諸生性至孝母患目翳與其妻晝夜以舌舐之母目復明最家貧嘗於寢處爲褊褊作二銘詞示子孫世裔後改名宮登天啓丁卯科舉人

### 清

羅明倫號未能上陽人年十二補諸生順康間兩中副車事父母繼母均以孝聞嘗捐田二百畝爲兄立祠其友愛尤爲人所難能

楊兆璣布心人年十四母張氏病危醫藥無效兆璣日夜禱於佛前旋夢佛告以人肉可療乃割自身乳肉烹以進母其母不知也食後而病果痊兆璣亦無恙

連善和隴隍下埔人爲醫生性至孝母病劇效岑妻嘗母冀以驗其症及母卒停棺河干未及葬善和日夜不離左右一日河水陡漲至波濤洶湧善和爲母棺故不離亦不懼見者咸謂其必爲波臣召去乃人



與棺均無恙後於夜半有虎嘯於棺前善和偃臥其中虎卒不入嘯而去人皆謂其孝感所致自是善和爲孝子之名大著邑令聞其事以孝行可嘉四字旌之

彭秉才字定邦下湯見龍圍人性至孝侍奉父母問視定省無虛日父歿哀毀盡禮卜葬于黃母塘之湯池廬墓三年孝思不少衰及母死亦如喪父盡禮既卜葬禾坪凹復廬墓而居越年而疾作家人勸之回猶依依不忍舍及病劇始以肩輿歸未幾卒

吳世驥字策斯城南人以秀才補上舍捐貢生大性真摯弟世驥父以偉器期督責嘗過嚴世驥悚怵若不自容世驥視其隱輒從旁誘掖之所需日用及赴試旅費始終曲爲周全遂致恩義兩無稍憾及世驥由鄉舉成進士諭者咸謂新進士泥金帖固乃父勗之亦乃賴兄成之也世驥襟懷豁達在湯坑與人合贊營典肆每見紅白旗會械鬥頻年不解四民廢業流爲盜劫行旅荆棘屢出資爲解和知府易中孚嘉其能以玉種藍田四字旌之

吳玉鵬號伯璣高田人候補府經歷事親以存聞母病頃刻不離嘗籲天以身爲代及母故哀毀逾恆服闋隨副將吳標平連陽騷亂以功叙保將赴所事丁父艱回籍旋請出仕既不能以祿養親雖仕何補遂終老不出

楊玉華沙田鄉人與例貢玉祥同懷兄弟篤于友愛寢食必俱出入與共天倫樂事世皆稱之承塾延師課子弟每逢課期師必改文卷玉華必設饌送塾中曰爲師潤筆云

## 豐順縣志

### 卷二十一

列傳三

十

汕頭銘字局梅縣分局承印

鄭超然號可凡瓊清鄉人庠生父染喘症母病風痺步履尤艱醫治罔效超然朝夕扶掖歷十餘不稍懈其妻邵氏亦克盡婦道得親歡心人皆賢之

鄭江山潘田社人奉親孝母病篤服藥不效與弟招發服侍憂悶詢醫者以何方可療醫漫答之曰除非有人肉乃可治江山信之遂操刀自割左腕肉一方卽欲烹以奉母忽昏倒於地力救始無恙未幾其母病亦愈

余金聲潘田社人早失怙其家貧日傭工度活每回家必市酒肉自烹而奉母且侍側必俟母食畢而後退意恐其母愛憐幼小分其甘旨也母患目病痛苦不安金聲日以舌舐之忽一日母呻吟淒楚無可解免金聲愀然遽引刀自斷其食指爲母分痛其孝思之真摯類如此

劉鴻俊湯坑彭城人監生早失怙事母以孝聞與例貢家勤等兄第六人友愛倍篤一家百餘口五世猶同居咸豐四年寇亂鴻俊督鄉壯諸勦以功奉保獎八品頂戴同治五年復以率勇堵禦髮逆出力奉加獎六品銜鴻俊急公好義尤善治家閭門百餘人和睦無間世皆稱其孝友焉

柯光武贈隍長田人六歲失怙母魏氏年未及艾日夜含悲光武瞻依膝下每事能順承稍長知母忍苦撫養刻志勤儉冀克承歡既以力耕娶妻並能相助少有贏餘則以美食奉母且有新必獻自食則粗糲遇親戚困乏及善事則計足供母食外雖傾囊亦樂爲之道光間邑令舉爲鄉止奉母至八十餘告終視膳未嘗稍缺喪葬皆盡真誠鄉黨皆稱其孝焉夫婦俱逾八旬而卒



丁初豐金湯人日昌之姪孫性純孝光緒五年隨父母自羊城歸母忽病途次無藥醫治初豐日夜焚香默禱願以身代母病竟不起哀痛悲號水漿不入口者十數日家人屢勸之食則泣曰視靈前供飯得吾母食吾即食矣及抵揭陽毀瘠既憊旋患熱症病劇忽強起挽而行至母停柩處望西哭拜竟不食而死年方十六日昌中丞悼之作記以表具行原配賴氏聞耗自省垣過門守節孝子節婦萃于一門所罕有也

譚樸齋大田人與兄松崖同進庠自相師友居家肅雍處世和平松崖生四子樾齋生二子中歲析產松崖主兄弟均分樾齋曰若然我二子則有餘而兄四子則不足矣請六分之松崖以產業係先人所遺堅執不可樾齋之父敦叟公父曰二股正理也六股厚情也樾既有此美意松何不屈理伸情以成其美乎乃六之自是敦叟氏之裔輪值祀產遂兩房而變為六房矣

羅華周字義東上陽人少孤無兄弟賴孀母陳氏教養成立年十九輟學性廉介族人以公產委其經理出納不苟平居樂易清而不激和而不流中歲喪母哀毀盡禮每課耕必迂道詣父母墓所涕泣獻歡留戀忘返必家人引裾促之歸至老不改祭祀尤誠教鄉人讎厥其近裏每禁止之一日途遇白蟬詢市人曰此蟬子瞭然者誰氏子也或以告歸輒倩其族某以女娶之及期不俟禮迎與媒氏送女至其家人謂其有板橋之風年六十三卒

丁寶瑛號芝田湯坑人丁中丞日昌長孫幼年遊泮適祖父日昌祖母李太夫人相繼殯謝父惠衡觀察又復見背輒哀痛慘恆母李夫人遭逢三喪憂悶成疾日見沉重寶瑛親侍湯藥不離左右延醫終未奏效聞人云割股佐藥不以治病遂於深夜焚香虔禱上蒼割股調藥奉母旋即見愈後官福建大田縣知縣未獲迎養而李夫人在籍病故聞赴哀毀棄官奔喪

## 豐順縣志

### 卷二十一

列傳三

十一

汕頭鎮字局海縣分局承印

### 列傳三

義行

明 朱月嶺

張鴻翔

吳光祖

清 羅 鐮

吳元發

吳象大

吳一孫

林亦俊

譚敬承

李佳瓊

徐興濱

鄒鵬飛

吳文緯

王斯龍

李向辰

張 璋

朱肯堂

洪鳴盛

譚文芳

丁賢拔

李一峯

羅萬善

張為樑

劉忠和

羅孟震

譚宏詞

丘權達

羅飛騰

明



朱月嶺上林坑人個儻義俠事親以孝聞正德間月嶺宿釣舟中夜聞人呼救聲登岸視則二婦人詢知爲黃氏姑媳家聞之上坑爲賊所掠逃奔至此憐之載而俱歸至置一室給以衣食乃馳書其家來領既厚贈遣歸越數日黃氏夫婦來謝聞月嶺已卒備極哀痛爲披麻哭泣拜而去月嶺生平有善歸親過則歸已親歿水漿不入口者三日有勸其節哀者則曰吾何知食不下咽耳既扶柩葬北山下築室墓側事死如生三年未歸家遇烈風迅雷即焚香墓前祝曰兒在此親無恐也服闋仍獨居三月嘉靖間邑令採其事實上聞祀海陽忠義孝弟祠邑人譚廷傳孝廉著感應篇輯錄載其事以勵風俗

### 清

羅錄字裕開號龍峯上陽人增生事親以孝稱素輕財重義鄉族貧者屢助以聘錢爲娶友負糧不能完代爲輸將嘗與人夜行望見光氣竟掘得白金千兩與分堅不受康熙丙戌舟船產湖適溪漲淹及村舍捐穀賑救之活百餘人雍正丁未連歲大饑爲邑令陳賑濟方法先自捐金爲之倡當道旌其廬七年已酉學院鄧鍾岳舉優行卒年八十有二

吳一孫字正伯湯田人海陽學諸生時張士璉知縣事以豐政郡離治爲遠民多抗糧以一孫鄉望素孚委任管理糧務旣而催輸有方成績卓著擢爲鄉約長公正不欺濫田司巡檢沈元震解任未一月母歿不能奉柩回籍葬于墳坑尖書山託一孫代爲修埋祭掃乃祝猶已墓終其身未嘗少衰且謀立祀產傳垂永久邑令王如珩旌其廬曰延陵碩望年八十而卒

## 豐順縣志

### 卷二十一

列傳三

### 十二

山頭鑄字局梅縣分局承印

李佳瓊小勝鄉人好善樂施康熙丙子丁丑連年大饑斗米四百錢佳瓊按戶給粟按畝代種以濟之雍止丙午丁未又連年落饑斗米六百錢郡中施粥賑饑佳瓊以鄉民艱於遠赴乃按口給米全活尤衆邑令顏敏曾旌以匾曰齒德堪仰年八十六而卒

吳文緯號愛亭庠生治家整肅事諸兄怡如乾隆乙卯大饑竭所有以貸貧乏一日某民子牽牛蹊田有鄰叟見而讓之曰此吳封翁續命田也何忍犯之其見重如此後值疫癘流行文緯贈藥施醫全活無算遇水旱則察佃戶計虧酌減其償聞佃戶鄒某飢將賣子文緯與之粟並謁其租後鄒謀他徙夜持金踵門償舊逋堅不受年六十三卒邑令傅孟修誦曰善行可風禮部郎中吳世驥稱之曰山負海涵余所服膺

張璋字文遠建橋人幼失怙善事母人皆稱孝每朔望及三分節必親赴父母墓哭拜日晡始歸生平質直勤儉遇貧乏之族咸皆周給之雍止丙午丁未大饑璋出二谷百石賑濟平生重道隆師設鄉學立祀田修橋路施寺菴善舉尤多四代一堂年六十八卒

譚文芳葛布人生七日而孤長事諸父如父家貧甚居離舍康熙丙戌秋夜聞犬吠文芳疑有盜起開門視之其子益盛同寢亦隨之起文芳自外返臥而犬吠如故徐言門外五六瓜被人取盡矣益盛曰何不追呼之曰值三四十錢耳若聲張明日何顏相見問爲誰曰爾且睡毋多言其爲人類如此後益盛登舉人宰於潛人皆謂其父有隱德所致



羅萬善號子臧上陽人康熙甲子科舉人考授中書後改知縣以老不就事吟咏不廢公庭祖潭堤決捐貲修築一鄉農田賴之丙午丁未大飢發儲谷散賑全活者衆年九十一卒

羅孟鸞字德宣降烟寨人貢生補訓導改選主簿雍正四五年連歲大飢孟震發粥賑之倡建慈濟善堂捐營溪田六十畝爲堂產建無祀祠於揭陽城東捐舖租助祭文廟買江厝山建義塚施棺木義行善舉不可已述奉部旌表好義

張鴻翔號樂山雙螺口人以孝友教家人以和易處鄉黨乾隆三十二年溪水暴漲中流浮一屍已腐不可識別鴻翔囑村人撈之因有耳環始知爲婦人出貲葬之名曰水遇婆且永祀焉鄉里稱之

吳元發字瑞齋田背人乾隆辛卯科武舉人疎財仗義與邑里武舉朱應魁全赴京會試抵京後朱竟病元發爲醫治無效乃備棺爲殯會試畢親扶柩送至其家在京喪費及運柩川資概出自私囊絕不告其家後元發卒朱之妻子亦往哭其喪以報之論者以風義嘉之

林亦俊豐政都人雍正間大飢亦俊親詣郡城勸捐谷千石散賑邑令張士璉旌其門

徐興濱字可賓埔頭鄉人富於貲有財帛星君之目性豪爽慷慨好義力行善事不倦嘗曰吾財乃天賜不可不爲天用若患得失者非吾意也乾隆六十年邑大饑興濱怒焉傷之開倉發粟千石施賑邑令秦泰肅之因額其倉曰大公倉礫下有陳鄭兩姓以田事起械鬥結莫解並商請邑令出金購其田而息爭初興濱少時落拓遊江浙募其文物之盛家既富擬移居未果尋立田谷兩百石爲學租並撥助膏火

## 豐順縣志

### 卷二十一

列傳三

### 十三

汕頭縣字局編修局承印

獎勵讀書種子嘗誡子孫曰毋徒富無文而爲守財虜晚年鬚髮盡白而貌倍丰腴卒年八十一

王斯龍環清鄉人性慈祥周卹貧乏不遺餘力嘗奉父作銀命往嶺背收田租回覩一婦人背負幼孩戚容滿面徘徊水濱哀哭將投水矣亟止之詢以故婦人對以其夫值收租嘗以博故盡喪其貲逃之外洋今貧乏不能具禮祭祀恐爲衆所辱故萌短見斯龍勸慰之爲解囊遂得之回家鄉人義其所爲誦誌其里居姓氏斯龍抵家以私蓄填補所失未幾以病卒越兩載婦人夫自外洋細載歸乃具本息厚禮來謝至是斯龍父始悉其事爲哭之慟其子孫迄今爲環清王姓巨族云

朱肯堂字繼之隴陰深村人州同生平急公好義道光十年潮橋鹽餉虧額肯堂捐貲補足之布政司李獎以義爲工區十二三年潮屬大饑肯堂設局賑濟全活極多咸豐四年土匪擾亂肯堂奉辦團練自捐谷五百餘石復捐兵費四千兩旋寇渠古聲揚陷隴陰肯堂揮衆禦敵爲賊所逼以手不能刃賊憤極卒憤鬱而死事平官紳合詞以賊逼捐軀詳府道請卹奉准案獎叙時年五十有八

丁賢拔金湯人日昌之父慷慨好義矜恤孤貧凡有善舉靡不爲之湯俗向有紅白旗會積不相寧械鬥不息賢拔力爲勸釋嫌每出具酒食延兩造敘好冀化除之復倡集九十兩圖人士建藍田書院延師興教寒士尤多蒙其貲助者年六十五卒以子貲贈光祿大夫

張爲樸字希東建橋人授衛千總性正直事親孝善排難解紛每朔望虔祀祖先神明畢必集族中長幼引古今孝弟忠信因果報應之事以訓導之並勸以知禮義廉恥力戒比匪之行道光十二三年連歲大



飢爲糧設局捐谷賑濟平糶後捐修巡心路及葉華村橋義行頗多年六十卒

譚宏詞大田社人嵩鷗子以監生屢赴鄉試未售性樸實每逢朔望必振衣冠禮天地神祇詣祖祠拜跪畢向族衆宣講聖諭或引古今果報事實以感化之至老不懈年七十

吳光祖號建中新坡鄉人授衛千總性慷慨凡橋樑道路皆不吝出貲修建咸豐四年寇亂光祖倡設團練先捐千金集勇堵剿匪擾大田卒殲渠魁生平喜獎勵後進倡設文會課於敦倫堂歲集宗族士子會考評定榜示加以獎給至如周給寒賸平糶賑飢排難解紛功在社會世皆盛稱之

吳象大東廂人平居以六德六行誨族黨乙卯饑請開倉平糶並商各殷戶施粥捐修西門堤鵬湖書院忠義節孝祠皆其所盡力者

譚敬承大田社人庠生咸豐四年古磬揚之亂居室被焚劫招集鄉壯督戰殲之同治四年屢逆竄北溪密邇大田敬承力謀守禦事平邑令錢誦清詳請獎叙奉准加教諭銜後協修聖廟萬壽宮西門堤諸工程俱爲出力

鄒鵬飛號雲衢溪鄉人嘉慶丁卯武科亞魁共都掣籤督運銜歸潮鎮左營選用丁艱歸不出好施與鄒家園南渠溉田數百畝毀于水鵬飛資粥集衆築之鄉內有烟賭必詣縣請示嚴禁尤盡力整飭鄉規李向辰字星階小勝鄉人歲貢以經術教授於鄉有幹才咸豐匪亂設局訓練桑梓賴安七年大饑自捐谷百石賑族鄰同治三年勸捐京倉谷石甚鉅餘董修學宮倡建文祠修橋築路排難解紛功在社會年

## 豐順縣志

### 卷二十一

列傳三

### 十四

汕頭總字局編修分局承印

七十三卒

洪鳴盛號丹埤潭江鄉轉水人少負才不羈雙眸炯炯聲若洪鐘弱冠補博士弟子旋拔上舍食廩餼膳同治丁卯科歲貢後選授英德縣教諭未就生平尚氣任俠喜扶弱抑強凡遇社會不公不平之事輒怒目切齒抗言指斥尤留心地方民俗利病政治良窳每弱小受豪強欺凌向投訴者不惜出貲代如伸雪或差役衙蠹下鄉勒索官吏枉法貪污往往臚舉劣跡提起控訴必務去其厲民亂俗之害雖危難不避勞怨不辭官謂士大夫不能達而維護國家雖窮而在野亦當維持名教保衛人羣使匹夫匹婦咸得相生相養於同一區域之內故其立身行事皆質直好義柔不茹而剛不吐如此家世自祖父來饒於贊鳴盛尤慷慨輕財與同邑丁日昌制軍交最久當制軍未達時僑質其緩急縣城興建考棚普濟橋其祖洪大文皆捐貲最鉅實鳴盛爲之也設家塾延師課子弟待遇夙以厚著稱惟自奉其儉遇貧寒求助無不立應昔年七十九卒子琦光廩生孫玉祝陸軍中校歷仕營長團附廣東高射機關槍營營長

李一峯號崧生龍溪人幼聰穎家貧年十一爲小勝富家翁李文聆牧牛日入山放牧輒潛回翁家塾門外竊聽塾師講授一日牛踐食鄰家園蔬鄰婦責罵詰翁審知其故詰以是否願學不願牧一峯答曰旣爲長者牧雖願學安可得翁乃令其入塾伴讀每夜復與翁諸孫篝燈一室一峯願儕輩讀音或誤者悉爲正之且詳加講解翁大喜過望越明年卽以一峯爲家塾師厚遇之一峯旣得教學相長益自刻勵而學亦日進同治初應督學試補學官弟子員邑俗文童考列庠生必飛足到求報喜一峯喜報獨先至翁



家及歸亦先至翁家拜謝然後返家旋拔補上舍食餼教導翁孫曾皆視猶已出迨翁逝世一峯爲服喪披麻執杖爲其子哀毀盡禮不忘本如此其義行洵足式也享壽七十有二

劉忠和黃洞人僑越南營商致富年七十餘始歸國疏財好義獨捐資建鄉小學校舍全座築石路數里共費萬元捐球山中學費千元立歷代祀田捐助橋路周給貧困尤不贊壽九十卒

丘權達號國珍例貢生以姪瓊章贈奉直大夫溪頭村人也性忠厚慷慨幼與丁日昌同學相友善及長降師重道教育子弟故其姪瓊章援貢出仕平章進文庠琤章入武學子炯章亦遊泮補增平素樂善好施睦族和鄰同治年間髮匪擾粵地方因而不靖方軍門來辦清鄉諭湯設保安局舉羅國材徐琨張仲宣丘達權等十人爲局董各鄉有口角鬥爭投事者權達即邀同兩造到局勸解間有難以解決者輒出私囊填償了結之鄉人無不翕服光緒六年丁中丞請假回籍養母每次抵湯時必先造廬相訪曾贈有聯云排難解紛直手段培苗養竹有心田聞說湯中多溺女面諭權達與其弟丁順表叔黃廷瑾等倡建有嬰堂爲總理發簿各鄉捐題鄉人多踴躍捐助越明年而堂成將餘款置產出息卽行收養嬰孩溺女之風以熄至光緒八年縣令許普濟奉飭倡建義倉諭丁順丘權達張仲宣等向各鄉勸捐發簿請各鄉捐款築倉攤派谷石倉地建就各鄉共捐儲谷兩千餘石許縣令獎以急公好義之匾尤難得者兄弟四人長兄國光智識明敏例捐候補通判丁日昌任上海道時薦爲隨員不幸因病卒於滬運棺回二兄權義善治生產家道以豐三兄權通在潮郡候補都司父利方五十餘歲卽逝世母楊氏八旬榮壽丁中

豐順縣志 卷二十一 列傳三 十五

汕頭諸字局梅縣分局承印

丞特爲樟文製錦相賀一家和睦兄弟傳下共百零三人同餐共飯殆戊戌始分家鄉人稱爲盛事年六十六而卒

羅飛騰湯坑湖坡鄉人慷慨好義爲里黨所推重縣令俞瑛聞其名諭令任藍田保安局董事飛騰以受縣宰之知益黽勉從公凡遇地方有鬥爭事件靡不竭力排解勞瘁弗辭見人有急雖每解囊俟助久爲同事所欽佩故公推管理義倉更絲毫不苟二十年間毫無責言其和平謹厚有如此者卒年六十七歲